

者以虛蕩為辨。而賤名檢。行身者。以放濁為通。而狹節信。仕進者。以苟得為貴。而鄙居正。當官者。以望空為高。而笑勤恪。紀帝其時未嘗無斥其非者。如劉頌屢言治道。傅咸每糾邪正。世反謂之俗吏。裴頠又著崇有論。以正之。頠傳。江惇亦著通道崇檢論。以矯之。惇傳。卞壺斥王澄謝鯤。謂悖禮傷教。中朝傾覆。實由於此。壺傳。范甯亦謂王弼何晏二人之罪。深於桀紂。甯傳。應詹謂元康以來。賤經尚道。永嘉之弊。由於此。詹傳。熊遠陳頴。各有疏論。莫不大聲疾呼。欲挽回頹俗。而習俗已成。江河日下。卒莫能變也。今散見於各傳者。裴遐善言元理。音詞清暢。冷然若琴瑟。嘗與郭象談論。一座盡服。遐傳。衛玠善元言。每出一語。聞者無不咨嘆。以為入微。王澄有高名。每聞玠言。輒嘆息絕倒。後過江。與謝鯤相見。欣然言論終日。王敦謂鯤曰。昔王輔嗣吐金聲於中朝。此子復玉振於江表。不意永嘉之末。復聞正始之音。玠傳。王衍為當時談宗。自以論易略盡。然亦有未了。每曰。不知此生當見有能通之者否。及遇阮修談易。乃嘆服焉。修傳。王戎問阮瞻曰。聖人貴名教。老莊明自然。其指同異。瞻曰。將毋同。戎即辟之。時人謂之三語掾。瞻傳。郭象善老莊。時人以為王弼之亞。庾亮。桓溫嘗問劉惔。會稽王更進耶。惔曰。極進。然是第二流耳。溫曰。第一流是誰。惔曰。故是我輩。惔傳。張憑初詣劉惔。處之下座。適王濛來。清言有所不通。憑即判之。惔驚服。憑傳。此可見當時風尚大概也。其中未嘗無好學者。然所學亦正。以供談資。向秀好老莊之學。嘗註解之。讀者超然心悟。郭象又從而廣之。儒墨之迹。見鄙道家之風。遂盛。秀傳。潘京與樂廣談。廣深嘆之。謂曰。君天才過人。若加以學。必為一代談宗。京遂勤學不倦。京傳。王僧虔戒子書曰。汝未知輔嗣何所道。平叔何所說。而便盛於壁尾。自稱談士。此最險事。僧虔傳。是當時父兄師友之所講求。專推究老莊。以為口舌之助。五經中惟崇易理。其他盡闕也。至梁武帝始崇尚經學。儒術由之稍振。然談義之習已成。所謂經學者。亦皆以為談辨之資。武帝召岑之敬升講座。敕朱异執孝經。唱士孝章。

帝親與論難。之敬剖釋縱橫。應對如響。敬傳簡文為太子時。出士林館。發孝經題。張譏議論往復。甚見嗟賞。其後周宏正在國子監。發周易題。譏與之論辨。宏正謂人曰。吾每登座。見張譏在席。使人凜然。譏傳簡文使戚衰說朝聘儀。徐擒與往復。衰精采自若。衰傳。簡文嘗自升座說經。張正見預講筵。請決疑義。正見伏曼容宅在瓦官寺東。每升座講經。生徒常數百人。曼容傳袁憲與岑文豪。同候周宏正。宏正將登講座。適憲至。即令憲樹義。時謝岐何妥並在座。遞起義端。憲辨論有餘。到既曰。袁君正有後矣。憲傳嚴植之通經學。館在湖溝。講說有區段次第。每登講。五館生畢至。聽者千餘。植之傳鮑暉在太學有疾。請紀少瑜代講。少瑜善談吐。辨捷如流。少瑜傳崔靈恩自魏歸。梁為博士。性拙樸。無文采。及解析經義。甚有精致。舊儒咸重之。靈恩傳沈峻精周官。開講時。羣儒劉岳沈熊之徒。竝執經下座。北面受業。峻傳。是當時雖從事於經義。亦皆口耳之學。開堂升座。以才辨相爭勝。與晉人清談無異。特所談者不同耳。況梁時所談。亦不專講五經。武帝嘗於重雲殿。自講老子。徐勉舉顧越論義。越音響若鐘。咸嘆美之。越傳簡文在東宮。置宴元儒之士。咸傳邵陵王綸講大品經。使馬樞講維摩。老子。同日發題。道俗聽者二千人。王謂衆曰。馬學士論義。必使屈服。不得空具主客。於是各起辨端。樞轉變無窮。論者咸服。樞傳則梁時五經之外。仍不廢老莊。且又增佛義。晉人虛偽之習。依然未改。且又甚焉。風氣所趨。積重難返。直至隋平陳之後。始掃除之。蓋關陝樸厚。本無此風。魏周以來。初未漸染。陳人之遷於長安者。又已衰茶不振。故不禁而自消滅也。

案漢時本有講經之例。宣帝甘露三年。詔諸生講五經異同。蕭望之等平奏其議。上親臨決。又施讐論五經於石渠閣。章帝建初四年。亦詔博士議郎郎官。及諸生諸儒。會白虎觀。講議五經異同。使武官中將魏應承制問。侍中淳于恭。奉帝親稱制臨決。作白虎奏議。今白虎通是也。然此特因經義紛繁。各家師說。互有異同。故聚羣言以折衷之。非以此角勝。

也。至梁時之升座說經，則但以炫博鬪辯而已。

清談用塵尾

六朝人清談，必用塵尾。晉書王衍善元言，每捉白玉柄塵尾，與手同色。衍傳。孫盛與殷浩談，奮塵尾盡落飯中。盛傳。宋書王僧虔戒子，謂其好捉塵尾，自稱談士。僧虔傳。齊書戴容著三宗論，智林道人曰：貧道捉塵尾三十年，此一塗無人能解，今始遇之。容傳。梁書盧廣發講時，謝舉屢折之，廣愧服，以所執塵尾贈之，以況重席。舉傳。張孝秀談義，嘗手執柶皮塵尾。孝秀傳。陳書後主宴宮僚，所造玉柄塵尾新成，曰：當今堪捉此者，惟張譏耳。即以賜譏。又幸鍾山開善寺，使譏暨義時塵尾未至，命取松枝代之。譏傳。此皆清談塵尾故事也。亦有不必談而亦用之者，王浚以塵尾遣石勒，勒僞為不敢執，懸於壁而拜之。勒載。何充詣王導，導以塵尾指其牀，曰：此是君坐也。充傳。王濛病篤，燈下視塵尾而嘆，既沒，劉惔以犀塵尾納之棺中。濛傳。蓋初以談元用之，相習成俗，遂為名流雅器，雖不談亦常執持耳。

騶虞幡

晉制最重騶虞幡，每至危險時，或用以傳旨，或用以止兵。見之者輒潛伏而不敢動，亦一朝之令甲也。晉書楚王瑋率兵誅汝南王亮，及宰相楊駿，徹夜喧鬪，天明張華奏惠帝，使殿中將軍持騶虞幡，磨衆曰：楚王瑋矯詔，衆皆釋仗而走。瑋遂被擒。瑋傳。淮南王允擁兵誅趙王倫，自辰至申，鬪不解，陳准遣騶虞幡解鬪，允兵散被殺。允傳。倫既篡，王與率兵殺其黨孫秀，使倫為手詔，迎惠帝復位，傳詔者以騶虞幡，將士解兵，文武官皆散走。倫傳。長沙王又發兵攻齊王冏，冏遣董艾率兵拒之，潛令人盜騶虞幡呼云：長沙王矯詔，又又稱齊王謀反，冏

戰敗被擒。冏傳。南渡後，桓元之變，會稽王道子遣司馬柔之以騶虞幡宣告荆江二州。柔之傳。王敦犯闕，甘卓在襄陽起兵將襲其後，敦懼求臺以騶虞幡止之。卓傳。桓溫兵東下，殷浩欲以騶虞幡止其軍。溫傳。此皆騶虞幡之故事也。他朝未見有用之者。

建業有三城

六朝時建業之地有三城，中為臺城，則帝居也。宮殿臺省皆在焉。其西則石頭城，營宿兵以衛京師。王敦內犯，周札守石頭城，開門納敦，敦遂據之。以敗王師。後蘇峻之反，劫遷成帝於石頭，峻敗，帝始出。盧循舟師將至，朝臣欲分守諸津，劉裕謂兵分則勢弱，不如聚兵石頭，則衆力不分。乃自鎮石頭，果敗賊。宋末袁粲據石頭，欲誅蕭道成，為道成所殺。當時諺曰：可憐石頭城，寧為袁粲死，不作褚淵生。梁末王僧辨鎮石頭，陳霸先使侯安都往襲之，石頭不甚高，軍士捧安都投入女垣內，衆隨入，遂執僧辨。後徐嗣徽引北齊兵入石頭，來逼臺城。安都自臺城以甲士突出，東西掖門敗之，賊還石頭，遂不敢逼臺城。是也。臺城之東，則有東府。凡宰相錄尚書事，兼揚州刺史者居之。實甲營數千人。晉時會稽王道子居之。劉裕秉政，亦居此。裕出征，則曰留府，嘗使劉穆之監府事。裕討劉毅回，公卿咸候於新亭，而裕已潛還東府矣。宋末後廢帝之弑，蕭道成移鎮東府，順帝紀：蕭道成出鎮東府輔政，後進爵齊王。下彬戲謂曰：殿下今以青溪為鴻溝，溪東為齊，溪西為宋。因詠詩曰：誰謂宋遠，跂予望之。陳安成王顛輔政，入居尚書省。劉師知等忌之，矯詔令其還東府。是也。可見是時二城皆為要地。宋後廢帝狂暴，阮佃夫欲俟其出游，閉臺城，分人守東府石城，以拒之。會帝不出，乃止。齊豫章王巖守東府，竟陵王子良鎮石頭，而皆造私第於京師中，遊讌忘返。因范雲謂重地不宜虛曠，巖乃還東府。子良乃還石頭。緣此二城，拱衛京師，最居要害故也。其時尚有冶城，當徐嗣徽

等引北齊兵據石頭而市廛在南路去臺城稍遠恐為賊所乘乃使徐度鎮冶城寺築壘以斷之此又在臺城之南

南朝多以寒人掌機要

魏正始晉永熙以來皆大臣當國晉元帝忌王氏之盛欲政自己出用刁協劉隗等為私人即召王敦之禍自後非幼君即孱主悉聽命於柄臣八九十年已成故事晉華謂姚興曰尊無統馭之實幸輔執政權在臣下遂成習俗至宋齊梁陳諸君則無論賢否皆威福自己不肯假權於大臣而其時高門大族門戶已成令僕三司可安流平進不屑謁智盡心以邀恩寵且風流相尚罕以物務關懷人主遂不能藉以集事於是不得不不用寒人寒人則希榮切而宣力勤便於驅策不覺倚之為心膂南史謂宋孝武不任大臣而腹心耳目不能無所寄於是戴法興巢尚之等皆委任隆密齊武帝亦曰學士輩但讀書耳不堪經國經國一劉係宗足矣此當時朝局相沿位尊望重者其任轉輕而機要多任用此輩也然地當清切手持天憲口銜詔命則人雖寒而權自重權重則勢利盡歸之如法興威行內外江夏王義恭雖錄尚書事而積相畏服猶不能與之抗阮佃夫王道隆等權伴人主其捉車人官虎賁中郎將傍馬者官員外郎茹法亮當權太尉王儉嘗曰我雖有大位權寄豈及茹公朱异權震內外歸飲私第慮日晚臺門閉令鹵簿自家列至城門門者遂不敢閉此可見威勢之薰灼也法亮在中書嘗語人曰何須覓外祿此戶內歲可辦百萬佃夫宅舍園池勝於諸王邸第女妓數十藝貌冠絕當時出行遇勝流便邀與同歸一時珍羞莫不畢具凡諸火劑竝皆始熟至數十種雖晉之王石不能過此可見賄賂之盈溢也蓋出身寒賤則小器易盈不知大體雖一時得其力用而招權納賄不復顧惜名檢其中亦有如法興遇廢帝無道頗能禁制然持正者少乘勢作姦

者多唐寓之反說者謂始於虞玩之而成於呂文度此已見蠹國害民之大概甚至佃夫賦主而推戴明帝周石珍當侯景圍臺城輒與景相結遂為景佐命至陳末施文慶沈客卿用事自取身榮不存國計隋軍臨江猶曰此常事邊臣足以當之不復警備以致亡國小人而乘君子之器其害可勝道哉大臣不能體國致人主委任下僚人主不信大臣而轉以羣小為心膂此皆江左之流弊也按公孫瓚常言衣冠之人皆自謂職當富貴不謝人惠故所能皆商販庸兒亦同此見

相墓

古人但有望氣之法如秦始皇時望氣者謂東南有天子氣乃南巡以厭之又謂金陵有王氣乃鑿淮水以泄之光武未貴時望氣者蘇伯阿過南陽望春陵郭喈曰氣佳哉鬱鬱蔥蔥然孫皓時臨平湖開皓以問陳訓訓曰臣止能望氣不知湖之開塞陳敏反或曰陳家無王氣不久當滅此古來專以望氣占吉凶未嘗有相墓之術也相墓術相傳始於郭璞然後漢書袁安傳安覓地葬父有三書生指一處云葬此當世為上公從之故累世隆盛晉書羊祜傳有相墓者言祜祖墓有帝王氣祜乃鑿之相者曰猶當出折臂三公後祜墮馬折臂果位三公則又在璞之前即璞本傳載其卜筮靈驗之處甚多謂先有郭公者精於卜筮璞從受業公授以青囊書九卷遂洞五行天文卜筮之術亦未嘗及相墓也又璞所著書載其靈驗事迹者曰洞林抄京費諸家最要者曰新林又卜韻一篇注爾雅三蒼方言穆天子傳山海經楚詞子虛上林賦及所作詩賦誄頌共數十萬言亦未有所謂葬經也惟傳內稱璞葬母暨陽去水百步或以近水言之璞曰當即為陸矣其後果沙漲數十里又璞為人葬墓晉明帝微服觀之問主人何以葬龍角主人曰郭璞云此葬龍耳當致天子帝曰當出天子耶主人曰非出天子能致天子至耳此璞以相墓擅名而後世皆以為葬術之始也而葬術之行

南朝多以寒人掌機要 相墓

實卽由是時而盛。陶侃將葬父。家中忽失牛。有老父謂曰。前岡見有一牛。眠山汗中。若葬之位極入臣。又指一山曰。此亦其次。當出二千石。侃尋得牛。因葬其處。以所指別山。與周訪葬其父。後侃果爲三公。訪爲刺史。晉書周光傳宋武帝父墓在丹徒侯山。有孔恭者。善占墓。謂此非常地。後果爲天子。齊高帝舊塋在武進彭山。岡阜相屬。百里不絕。其上常有五色雲。宋明帝惡之。遣占墓者高靈文往相之。靈文先給事齊高。乃詭曰。不過方伯耳。私謂齊高曰。貴不可言。後果登極。南史宋齊高之母劉氏與夫合葬時墓工始下鋪有白兔跳起及墳成又止其上劉后荀伯玉家墓有相之者。謂當出暴貴而不久。伯玉官果至散騎常侍。坐事誅。伯玉柳世隆曉術數。於倪塘創墓。與賓客往遊。十往五往。常坐一處。及卒。正葬其地。世隆富陽人唐寓之祖父皆以圖墓爲業沈文梁武帝貴嬪薨。昭明太子求得善墓地。被俞三副以己地奏。帝買葬之。有道士謂此地不利長子。教以用蠟鵝諸物厭之。後事發。昭明以此慚懼而薨。昭明太子杜巖葬祖父。梁元帝忌之。命墓工惡爲之。逾年而巖卒。巖傳吳明徹葬父。有伊氏者善占墓。謂其兄曰。葬日必有乘白馬逐鹿者過此。此是最小子大貴之徵。明徹後果大貴。明徹此皆見於各列傳者。可見六朝時此術已盛行。如昭明傳曰不利長子。明徹傳曰最小子大貴。則術家所云長房小房之說。亦卽起於是時矣。

唐人避諱之法

唐人修諸史時。避祖諱之法有三。如虎字淵字。或前人名有同之者。有字則稱其字。如晉書公孫淵稱公孫文懿。劉淵稱劉元海。褚淵稱褚彥回。石虎稱石季龍是也。否則竟刪去其所犯之字。如梁書蕭淵明蕭淵藻。但稱蕭明蕭藻。陳書韓擒虎。但稱韓擒。是也。否則以文義改易其字。凡遇虎字。皆稱猛獸。李叔虎稱李叔彪。殷淵源稱殷深源。陶淵明稱陶泉明。魏廣陽

王淵稱廣陽王深是也。其後諱世爲代。諱民爲人。諱治爲理之類。皆從文義改換之法。

廿二史劄記卷八終

廿二史劄記卷九

陽湖趙翼撰

宋書多徐爰舊本

沈約於齊永明五年奉敕撰宋書。次年二月即告成。其紀志列傳一百卷。古來修史之速。未有若此者。今案其自序。而細推之。知約書多取徐爰舊本。而增刪之者也。宋著作郎何承天已撰宋書紀。傳止於武帝功臣。其諸志惟天文律歷。此外悉委山謙之。謙之亡。詔蘇寶生續撰。遂及元嘉諸臣。寶生被誅。又以命徐爰。爰因蘇何二本。勒為一史。起自義熙之初。迄於大明之末。其臧質魯爽王僧達三傳。皆孝武所造。惟永光以後。至亡國十餘年。記載竝缺。今宋書內。永光以後紀傳。蓋約等所補也。案王智深傳。約多載宋明帝事。武帝謂曰。我昔經事。明帝。卿可思諱。惡之。於是多所刪除。可見宋明帝以後紀傳。皆約所撰。其於爰書。稍有去取者。爰本有晉末諸臣。及桓元等諸叛賊。并劉毅等。與宋武同起義者。皆列於宋書。約以為桓元焦縱盧循。身為晉賊。無關後代。吳隱鄒僧施謝混。義止前朝。不宜入宋。劉毅何無忌諸葛長民。魏詠之。檀憑之。志在匡晉。亦不得謂之宋臣。故概從刪除。是約所刪者。止於此數傳。其餘則皆爰書之舊。是以成書若此之易也。徐爰傳。爰雖因前作。而專王業之始。載序宜力。為功臣之斷。於是內外博議。或謂宜以義熙元年為斷。或謂宜以元興三年為斷。詔曰。項籍聖公。編錄二漢。前史已有成例。桓元傳宜在宋典。餘如爰議。是可見爰舊本體例也。余向疑約修宋書。凡宋齊革易之際。宜為齊諱。晉宋革易之際。不必為宋諱。乃為宋諱者。反甚於為齊諱。然後知為宋諱者。徐爰舊本也。為齊諱者。約所補輯也。人但知宋書為沈約作。而不知大半乃徐爰作也。觀宋書者。當於此而推之。何尚之傳。反在卷六十六。乃僅傳在卷五十九。從後。會孫編排。前。

宋書書晉宋革易之際

宋書作于齊。其于晉宋革易之際。固可無所避諱。乃宋武紀歷。敘其勳高績茂。以致晉恭帝自願禪位。宋武尚奉表陳讓。晉帝已遜於琅瑯王第。表不獲通。乃即位。封晉帝為零陵王。令食一郡。載天子旌旗。一用晉典。斯固儼然唐虞揖讓光景。絕不見有逼奪之迹。紀內推將禪草。晉帝欣然曰。桓元之時。天命已改。重為劉公所延。將至零陵王之殂。則王被廢後。方十載。今日之事。因所甘心。此數語。略見禪位之非。出於晉帝本心。至零陵王之殂。則王被廢後。方慮禍。自與褚妃煮食於牀前。宋武使其妃兄褚淡之往視。妃出與相見。兵士即踰垣入。進藥於王。王不肯飲。乃以被掩殺之。南史。此其悖逆凶毒。為自古所未有。則書法自應明著其罪。乃永初二年。書零陵王薨。車駕三朝。率百官舉哀於朝堂。一依魏明帝服山陽公故事。一若零陵之壽考。令終。宋武之恩禮兼備者。又文帝為太子。劭所弑。尤屬千古之奇變。而本紀亦只書上崩於合殿。年四十七。絕無一字及於被弑。其他如前廢帝。以藥酒酖死。沈慶之。而本紀書新除大尉沈慶之薨。明帝賜劉道隆死。而書新除中護軍劉道隆卒。建安王休仁。以酖死。而書建安王休仁有罪。自殺。帝又賜巴陵王休若死。而書巴陵王休若薨。凡遇朝廷過舉。無一不深為之諱。此皆徐爰舊書也。約作宋書於齊朝。可無所諱。爰作宋書於宋朝。自不得不諱。諱之於本紀。而散見其事於列傳。當日國史體例本如是。沈約急於成書。遂全抄舊文。而不暇訂正耳。南史於零陵王殂。則書曰。宋志也。於文帝之崩。則書元凶劭構逆。帝崩於合殿。以及沈慶之。建安王巴陵王之死。亦直書曰。賜死。酖死。較為得實矣。

宋書書宋齊革易之際

宋書多徐爰舊本

宋書書晉宋革易之際

宋書書宋齊革易之際

沈約在蕭齊修宋書，永光以後，皆其筆也。故於宋齊革易之際，不得不多所忌諱。如後廢帝紀，但歷敘帝無道之處，以見其必當廢殺。順帝紀亦但敘蕭道成之功勳，進位相國，封十郡，為齊公，備九錫，進爵齊王，增封十郡。冕十有二旒，建天子旌旗，下云天祿永終，遜位於齊。帝遷居於丹陽宮，齊王踐祚，封帝為汝陰王。建元元年，殂於丹陽宮。年十三。諡曰順帝。絕不見篡奪之迹。南史書帝遜位於東邸時，王敬則以兵陳殿廷，帝在內閣之。逃於佛蓋下。太后懼，自帥奄開外馳馬者，懼亂作，監者殺之。帝既出居於丹陽宮，齊兵衛之。齊建元元年五月，帝而以病計，齊人德之，賞之以邑。其於諸臣之效忠於宋，謀討蕭道成者，概曰反曰有罪。如昇明元年書沈攸之舉兵反，南史書學兵又書司徒袁粲據石頭反，南史書粲據石頭謀，吳郡太守劉暹反，南史書據郡王宜興有罪伏誅，南史書武於兗州刺史黃回有罪賜死，南史書武於臨澧侯劉晃謀反伏誅，南史書劉晃是也。其黨於道成而為之助力者，轉謂之起義。如張敬兒等起義兵是也。作劉宋本紀而以為劉氏者曰反，為蕭氏者曰義。此豈可筆之於書。顧有所不得已也。然亦有可見其微露實事之處。如後廢帝紀謂廢帝晷無道，齊王順天之心，潛圖廢立，與王敬則謀之。敬則結晷左右楊玉夫等二十五人，乘夜弑晷。玉夫以晷首付敬則。敬則馳至領軍府，以呈齊王。王乃戎服入宮，以太后令迎安成王即位。是道成為弑君主謀，已不待辨也。沈攸之傳雖不敢載其甯為王凌死，不作賈充生之語。見南然猶存攸之上武陵王贊一書，以見其忠於宋室之志。書曰下官位重分，誠富兼金穴，豈不知俯眉苟安，可保餘復闔門碎滅，百死無恨。政黃回傳亦載其與袁粲約欲從御道直向臺門攻齊王於朝堂，會粲敗，乃不果。劉秉傳謂齊王輔政，四海屬心，秉密懷異圖，與袁粲及黃回等謀作亂，為齊王所誅。此亦各見其盡節於宋。至袁粲傳雖不敢載當時諺語，可憐石頭城甯為袁粲死，不作褚淵生之句。然傳內謂齊王功高德重，天命有歸，粲自以身受顧託，不欲事二姓，乃與黃回卜伯興等謀矯太后令，使伯興等據宿衛兵攻齊王於朝堂，事洩，為齊王攻破，石頭被殺。則明

著其送往事居，不濟則以死繼之。其志節為不可及也。又如明帝諸子傳，隨陽王勰、新興王嵩，皆先書元徽四年，年六歲，下書齊受禪，以謀反賜死。元徽四年至昇明三年，齊受禪僅三閱歲，則勰等僅九歲耳。九歲之人，豈能謀反。而曰以謀反賜死，則齊之戕及亡國之幼稚，不言可知也。然則約之書宋齊間事，尚不至大失實也。蓋是非之公，天下共之，固不能以一手掩萬目。約撰宋書，擬立袁粲傳，以審於帝。帝曰：粲自是宋室忠臣。王智劉祥在永明中，同修宋書，譏斥禪代事。王儉密奏之，上銜而不問。南史劉又有詔袁粲、劉秉同獎宋室。沈攸之於景和之世，特有乃心。歲月彌往，宜特優獎，可皆為改葬。其諸子喪柩在死者，亦符送還舊墓。則帝亦不能蔽天下之公論耳。

案沈約不諱齊高帝廢弑之事，非彰齊之惡，乃正以見蒼梧之當廢也。廢昏立明，本有故事。晉宋間去漢未遠，霍光廢昌邑之例，在人耳目。故少帝義符以失德為徐羨之等所弑。時論亦但以廢殺為過，未嘗以廢立為非也。前廢帝子業無道，明帝結阮佃夫等弑之。而論亦未嘗以明帝為非也。當蒼梧無道時，阮佃夫、申伯宗、朱幼等已有廢立之謀。事洩而死。廢帝齊高亦先與袁粲、褚淵謀廢立。袁粲不敢承而止。齊紀是當時朝野內外，本無一不以蒼梧為當廢。齊高之舉，固協於天下之公。其答沈攸之書，亦云黜昏樹明，實惟前則甯宗靜國，何愧前修。固已明目張膽，自認為理所宜然。故約明書齊王順天人之心，與王敬則謀廢立而不諱也。其後齊鬱林無道，齊明帝廢而弑之。論者亦止惡其假廢立為篡奪，而未嘗以廢鬱林為非也。至東昏無道，內而始安王蕭遙光起兵欲廢之，張欣泰、胡松等又結黨欲廢之。許準又勸宰相徐孝嗣廢之。外而陳顯達起兵欲廢之，崔慧景又起兵欲廢之。最後梁武起兵，卒令殞命。夫固皆以廢立為勢所不得已也。當東昏賜徐孝嗣、沈昭略死時，昭略罵孝嗣曰：廢昏立明，古今令典。宰相無才，致有今日。下官與龍逢比干。

征所鹵獲甚多。晃私遣人擇取。太武聞之。大加搜檢。晃懼謀行。弑。燕詐死。遣近侍召晃迎喪。至則執之。單以鐵籠殺之。立秦王為太子。會太武死。時使嬖人宗愛立吳王博真。後宗愛博真恐為烏奕肝所害。殺之而自立。燕王曰博真。非正嫡。當立晃子濬耳。乃殺博真及宗愛而立濬。即文成帝也。案魏書太子晃極有令德。正平元年薨。諡景穆。次秦王翰。改封東平王。即宋書所謂烏奕肝也。次燕王譚。改封臨淮王。次楚王建。改封廣陽王。次吳王余。改封南安王。正平二年。太武為中常侍宗愛所弑。宗愛又矯皇太后令。賜秦王翰死。迎南安王余立之。已而余為宗愛所害。大臣孫渴侯陸麗等迎立皇孫濬。是為文成帝。據此則太子晃以疾薨。非太武賜死也。吳王為宗愛所擅立。非太武遺命也。繼又為宗愛所害。非燕王殺之也。宋書所云。蓋南北分裂。徒以傳聞為記載。故有此誤耳。又如宋書柳元景傳。元景有從弟光世。留仕於魏。司徒崔浩其姊夫也。拓跋焘南寇時。浩密有異志。光世邀河北義士為浩。應浩。謀泄。被誅。河東大姓連坐者甚衆。光世南奔得免。案魏書崔浩之誅。以修國史刊石於路衢為衆所嫉。事上聞。故至族誅。并連及柳氏盧氏等族。是浩之死。以國史初非別有異圖也。宋書所云。蓋光世南奔時。詭託之詞。後遂筆之於記載耳。自當以魏書為正。北史敘太子晃秦王翰及南安王余事。俱據魏書。南史柳元景傳。亦但云從弟光世留鄉里。仕魏為河北太守。與崔浩親。浩被誅。光世南奔。而不言浩有異圖。被禍。固以宋書所記不足憑也。

宋書南史俱無沈田子沈林子傳

宋武開國武將功臣。以檀道濟。檀祗。王鎮惡。朱齡石。朱超石。沈田子。沈林子為最。田子從武帝克京口。平京邑。滅慕容超。盧循。內逼。田子與孫季高。從海道襲廣州。傾其巢穴。循無所歸。遂被誅戮。武帝北伐。田子先入武關。據青泥。姚泓率大眾來禦。田子大破之。遂平長安。

武帝宴諸將於文昌殿。舉酒屬田子曰。咸陽之平。卿之功也。後旋師。留田子及王鎮惡。傅宏之王修等。輔桂陽公義真鎮長安。會赫連勃勃來寇。田子與鎮惡出師禦之。或言鎮惡本北人。欲盡殺南人。自據關中。田子乃矯武帝令誅之。而自歸於義真。為長史。王修所殺。是其身雖死。而勇烈固在諸將之右也。林子從武帝滅慕容超。而盧循奄至京邑。林子與徐赤特。斷拒查浦。赤特輕戰而敗。林子收敗卒再戰。敗之。徐道覆又至。林子復斷塘而鬪。會朱齡石至。與林子并力。賊乃散去。武帝每征討。林子皆摧鋒居前。至夜輒召還宿衛。武帝北伐。林子為先鋒。殺董神虎於襄邑。襲薛帛於解縣。與道濟等攻蒲坂。林子以蒲坂城池堅深。非可猝下。潼關天險。而王鎮惡孤軍無援。若使姚紹先據之。則難圖。乃亟赴潼關。而姚紹已舉關中之衆來。設長圍。諸將疑沮。議欲渡河避其鋒。林子力爭不可。率麾下犯其西北。紹衆稍卻。林子乘其亂而薄之。紹乃大潰。遂進屠定城。殺姚鸞。屯河上。走姚瓚。紹又遣姚伯子等。憑河固險。以絕糧援。武帝使林子累戰大破之。於是糧運無阻。遂平長安。擒姚泓。是克關中之功。林子又其最也。沈約撰宋書。所以不入列傳者。以此二人功績詳載於自序中。以顯其家世勳伐。故功臣傳缺之。李延壽作南史。既非如沈約。另有自序。載其功績。則自應將此二人作傳。與道濟齡石等同入列傳中。乃竟遺之。而仍附於沈約傳內。可見延壽作史。但就正史所有者。刪節之。離合之。不復另加訂正也。

齊書舊本

齊書亦有所本。建元二年。即詔檀超與江淹掌史職。超等表上條例。開元紀號。不取宋年。封爵各詳本傳。無假年表。立十志。律曆禮樂天文五行郊祀刑法藝文。依班固。朝會輿服。依蔡邕。司馬彪。州郡。依徐爰。百官。依范蔚宗。日蝕。舊載五行。應改入天文志。帝女。應立傳。以備甥

宋書南史俱無沈田子沈林子傳 齊書舊本

舅之重。又立處士列女傳。詔內外詳議。王儉議以為食貨乃國家本務。至朝會前史不書。乃伯喈一家之意。宜立食貨省朝會日月應仍隸五行。帝女若有高德絕行。當載列女傳。若止於常美。不立傳。詔日月災隸天文。餘如儉議。見檀超傳。此齊時修國史體例也。又有豫章熊囊著齊典。沈約亦著齊紀二十卷。江淹撰齊史十志。吳均撰齊春秋。俱見各本傳。今案蕭子顯齊書。但有禮樂天文州郡百官與服祥瑞五行七志。而食貨刑法藝文仍缺。列傳內亦無帝女及列女。其節義可傳者。總入於孝義傳。改處士為高逸。又另立侍臣傳。其體例與超淹及儉所議。皆小有不同。蓋本超淹之舊。而小變之。超傳內謂超史功未就而卒。淹撰成之。猶未備也。此正見子顯之修齊書。不全襲前人也。

齊書缺一卷

梁書蕭子顯傳。謂所著齊書六十卷。今齊書唯有五十九卷。蓋子顯欲仿沈約作自序一卷。附于後。未及成。或成而未列入耶。案南史子顯傳。載其自序二百餘字。豈即其附齊書後之作。而延壽撮其略。入于本傳者耶。

齊書書法用意處

蕭子顯本齊高帝之孫。豫章王嶷之子。故高帝本紀於帝使王敬則結楊玉夫等弑宋蒼梧王之事。不書。但云玉夫弑帝。以首與敬則呈送高帝。此為尊者諱也。其於受禪於宋順帝之處。亦仿宋書例。載九錫文。禪位詔。絕不見篡奪之迹。然於順帝遜位時。出東掖門。問今日何不奏鼓吹。左右莫有答者。則亦微露禪受事。皆高帝為之。而宋帝不知也。鬱林王無道。為蕭鸞即明廢帝所殺。固無所隱諱。於海陵王紀。則書宣城王即鸞輔政。帝起居皆咨而後行。思食蒸

魚菜。大官答以無錄。公命竟不與。見明帝之目無幼主。久視為机上肉也。七月廢帝。十一月即稱海陵。王有疾。數遣御醫占視。乃殞之。本紀直書其事。尤深著明帝悖逆之罪也。明帝殺高武子孫幾盡。子顯本高帝孫。幸而不死。於明帝有隱痛焉。故不復為之諱也。子顯修書。在梁武時。其敘鬱林失德之處。不過六七百字。敘東昏無道之處。則二千餘字。甚東昏之惡。正以見梁武之兵以義舉。此又作史之微意也。褚淵傳。先敘其在宋時。宋明帝在藩。與淵素善。及即位。深相委寄。臨崩。馳召淵。付以後事。而下卽敘其見蕭道成。識為非常人。蒼梧無道。道成與淵及袁粲。謀廢立。粲不肯。淵獨贊成之。順帝時。沈攸之。袁粲有異圖。淵謂道成曰。西釁易弭。公當先備其內耳。道成遂殺粲。傳末又敘其子賁。恨淵失節於宋。遂終身不仕於齊。以封爵讓其弟綦。通篇於淵之失節處。不置一議。而其負恩喪節自見。又如王晏傳。先敘其在宋時。傾心於齊高。常參密議。至齊武帝。更位任親重。朝夕進見。言論朝事。自豫章王以下。皆降意接之。武帝崩。遺詔以尚書事付晏。令久於其職。及鬱林無道。明帝輔政。謀廢立。晏即響應。推奉明帝即位。晏自以為有佐命功。又如蕭詵傳。先敘其在武帝時。帝倚以心膂。密事皆使參掌。臨崩。猶敕詵在左右。宿直。鬱林即位。更深委信。詵每出宿。帝通夕不寐。詵入乃安。明帝輔政。或不得進說。則託詵入內言之。其親信如此。而詵已潛附明帝。廢立之際。鬱林猶手書呼詵。而不知詵已為明帝領兵作先驅也。又蕭坦之傳。先敘其在鬱林時。親信不離左右。得入內見皇后。其見信如此。乃改附明帝。謀廢立。蕭詵尙遲疑。未敢舉事。坦之曰。廢天子何等大事。今曹道剛等已有猜疑。明日若不就事。弟有百歲老母。豈能坐受禍敗。正應作別計耳。詵遂遽。明日遂廢帝。坦之力也。此數傳皆同一用意。不著一議。而其人品自見。亦良史也。古未有子孫為祖父作正史者。獨子顯為祖作本紀。為父豫章王作傳。故於豫章傳。鋪張至九千餘字。雖過於繁冗。然亦不失為顯揚之孝思也。惟豫章乃高帝第二子。則應入

高帝諸子傳內與臨川王映等同卷。乃以臨川等為高祖十二王。編在三十五卷。而豫章則另為一卷。編在二十二卷。與文惠太子相次。以見豫章之不同諸子。此則苟欲尊其父。而於義無當也。又宗室傳。衡陽王道度。始安王道生。皆高帝兄也。自應編在高武諸子之前。乃高帝子。在三十五卷。武帝子在四十卷。而道度等反在四十五卷。此亦編次之失檢也。至蕭寶寅避梁武之難。逃入魏。封齊王。此豈得沒其實。且和帝紀。既稱寶寅入魏矣。而寶寅傳則云。中興二年。謀反。誅。南史云。謀。豈子顯修。史時寶寅在魏。尚無音耗。而以誅字了此局耶。汲古閣本如是。或係傳刻之誤。反奔魏。至魏虜傳。謂魏太子晃以謀殺太武。遂見殺。此蓋仍宋書之誤。又謂魏文明太后馮氏。本江都人。太武南侵。掠得之。潛以為妾。案馮后係長樂信都人。父西域郡公朗。為秦雍二州刺史。坐事誅。后沒入宮。以選為后。初非江都人也。又云。其先匈奴女名拓跋。妻李陵。北俗以母名為姓。故拓跋實李陵之後。然甚諱之。有言其是李陵之後者。輒見殺。案魏齊周諸書。皆無此說。則亦皆傳聞之譌也。

齊書類敘法最善

齊書比宋書較為簡淨。豫章王巖及竟陵王子良二傳。過為鋪張。此另有他意。他如劉善明傳。所陳十一事。皆櫟括其語載之。張欣泰傳。所陳二十事。只載其一條。若宋書則必全載矣。孝義傳。用類敘法。尤為得法。蓋人各一傳。則不勝傳。而不立傳。則竟遺之。故每一傳。輒類敘數人。如褚澄傳。敘其精於醫。而因敘徐嗣醫術更精於澄。韓靈敏傳。敘其妻卓氏守節。而因及吳康之妻趙氏。蔣雋之妻黃氏。倪翼之母丁氏。傳不多而人自備載。惟張敬兒傳。忽載沈攸之與蕭道成絕交書。及蕭道成答書。共三千餘字。與敬兒關涉者。不過攸之反間敬兒。敬兒不從數語耳。而翻縷至此。未免喧賓奪主。又柳世隆傳。討沈攸之時。有尚書符檄一篇。案

宋書沈攸之傳。亦有尚書符檄一篇。其文又不相同。此不可解也。案類敘之法。本起於班固漢書。如鮑宣傳後。歷敘當時清名之士。紀凌。王思。薛方。郇越。唐林。唐尊。蔣詡。栗融。禽慶。蘇章。曹竟等。貨殖傳後。類敘樊嘉。如氏。苴氏。王君。房政。樊小翁等。其後范蔚宗後漢書。董卓傳。敘李傕。郭汜。張繡等。公孫瓚傳。敘閻柔。鮮于輔等。陳壽三國志。王粲傳後。敘一時文人徐幹。陳琳。阮瑀。應瑒。劉楨。及阮籍。嵇康等。衛覬傳後。敘潘昂。王象等。劉劭傳後。敘繆襲。仲長統。蘇林。韋誕。夏侯惠。孫該。杜摯等。此本古法也。齊書之後。梁書亦有此類敘法。如滕曇恭傳。因曇恭之孝。而并及於徐普濟被火伏棺之事。又因普濟之孝。而并及宛陵女子搏虎救母之事。又如敘何遜工詩。而因及會稽虞騫。孔翁歸。江避等。俱能詩。皆此法也。以後惟明史用之最多。

梁書悉據國史立傳

梁書本姚察所撰。而其子思廉續成之。說見前。今細閱全書。知察又本之梁之國史也。各列傳必先敘其歷官。而後載其事實。末又載節終之詔。此國史體例也。有美必書。有惡必為之諱。如昭明太子。以其母丁貴嬪薨。武帝葬貴嬪地。不利於長子。昭明聽墓工言。埋蠟鵝等物。以厭之。後事發。昭明以憂懼而死。事見南史。而本傳不載。臨川王宏統軍北伐。畏魏兵不敢進。軍政不和。遂大潰。棄甲投戈。填滿山谷。喪失十之八九。此為梁朝第一敗衄之事。見南史。而本傳但云征役久。有詔班師。遂退還。絕無一字及潰敗之迹。他如鄒皇后之妬。徐妃之失德。永興公主之淫逆。一切不載。可見國史本諱而不書。察遂仍其舊也。其尤顯然可據者。簡文諸子大器。大心。大臨。大連。大春。大雅。大莊。大鈞。大威。大球。大昕。大摯。外。尚有。大款。大成。大封。大訓。大園。而俱無傳。元帝諸子方矩。方等。方諸。外。尚有。方略。亦無傳。梁書謂其餘餘子。本書

不載。故缺之。所謂本書者。即梁朝國史也。昭明有五子。豫章王歡。河東王譽。岳陽王譽。武昌王警。義陽王鑿。武帝以昭明薨。不立其子。繼統。故各封大郡。以慰其心。今梁書歡等皆無傳。惟譽有傳。而與武陵王紀同卷。此必元帝時國史。紀與譽皆稱兵。抗元帝者。故同入於叛逆內也。豫章王歡有子棟。為侯景所立。建號改元。未幾禪位於景。景敗。元帝使人殺之。此亦當時一大事。而梁書無傳。貞陽侯明陷於齊。齊人立之。入主梁祀。為陳霸先所廢。齊人徵還。死於途。追諡曰閔皇帝。又方等有子莊。敬帝時為質於齊。陳霸先將篡。王琳請於齊。以莊為帝。即位於郢州。後兵敗。仍入齊。封梁王。此亦皆梁末餘裔之當傳者。而梁書亦無傳。王琳當梁陳革命之後。猶盡心蕭氏。崎嶇百戰。卒以死殉。此尤梁室第一忠臣。所必當傳者。而梁書亦無之。蓋當敬帝時。王室多故。不暇立史館。入陳以後。又莫有記之者。故無國史可據。而梁書亦遂不為立傳。尤可見梁書悉本國史。國史所有則傳之。所無則缺之也。南史增十數傳。其有功於梁書多矣。又關欽有子京。在東魏刺殺高澄。應附其事於欽傳。後梁書欽傳絕無一字。南史欽傳亦不附見何也。

梁書編傳失檢處

古未有創業之君。其母編入皇后傳者。自沈約宋書始。梁書亦因之。武帝即位。追尊其父順之為文皇帝。母張氏為獻皇后。於是皇后傳內。首列張后。然順之官職事蹟。已敘入武帝紀。未嘗另作紀傳。則張后生武帝。有菖蒲花之祥。亦即敘於武帝紀可矣。乃特立一傳於諸后之首。是妻有傳。而夫無傳。殊非史法。又武帝兄弟九人。應立為宗室傳。如宋書之長沙王道憐。臨川王道規是也。梁書乃變其例。編為太祖五王及嗣王四人。案太祖本武帝追崇其父之稱。非及身為帝者。而以其子係之。已屬位置失宜。既係之於太祖矣。則長沙王懿。太祖長子也。自應敘在太祖諸子之首。其餘衡陽王暢。永陽王敷。桂陽王融。亦應以次敘入。總為太

祖九王。乃以其沒於齊朝。遂不為立傳。而轉附見於其子嗣王傳內。其意以臨川王宏。安成王秀。南平王偉。鄱陽王恢。始興王憺。皆武帝登極後。身受王封。故列為太祖五王。懿暢敷融。則身後追封者。故但傳其嗣子。以別於生封之五王耳。然此九王皆太祖子也。皆武帝所封也。五人則係之於父。四人則係之於子。強為區別。究屬無謂。既不立宗室傳矣。而吳平侯景。武帝從弟也。不便附於太祖諸子內。又別無可位置。只得另立一蕭景傳。一似同姓不宗者。此蓋皆國史舊編之次第。國史本武帝時所修。以諸王皆武帝親兄弟。若列作宗室傳。轉似推而遠之。故修史者。創為此例。而不知轉多窒碍也。姚察修梁書。則已時代革易。自應改正。乃亦仍原書體例。何也。南史盡入之宗室傳。較得矣。

梁書以蕭穎胄附於其弟穎達傳內。此却位置得宜。蓋穎胄與梁武同起兵。未及平建鄴。先卒。既非梁臣。不便入功臣傳內。而遠族又不便入宗室傳。齊書蕭赤斧傳後。雖附見之。然梁書終不可缺也。附穎達傳極當。南史則亦附於赤斧傳內。作齊宗室。

梁書多載飾終之詔

梁書諸王及功臣列傳。必載其沒後加恩飾終之詔。蓋本國史體例如是。至修入正史。自應刪除。以省繁複。乃王茂傳詔曰。旌德紀功。哲王令軌。念終追遠。前典明誥。呂僧珍傳詔曰。思舊篤終。前王令典。追榮加等。列代通規。南平王偉傳詔曰。旌德紀功。前王令典。慎終追遠。列代通規。孔休源傳詔曰。慎終追遠。列代通規。襄德酬庸。先王令典。篇篇如此。殊可嘔噦。其後作史者。亦自知其蕪冗。至蔡道恭。范雲。馮道根。昌義之。周捨等傳。則去此冒語。但存詔中。述其生平功績之處。斯較為得之矣。

梁書有止足傳無方伎傳

梁書有不必立傳而立者。又有應立傳而不立者。處士之外。另立知足一門。其序謂魚豢魏略有知足傳。謝靈運晉書有知足傳。宋書亦有知足傳。蓋沈約書無此門。故梁書亦存此門。然所謂知足者。不過宦成身退。稍異乎鐘鳴漏盡。夜行不休者耳。傳中如顧憲之政績。自可入良吏傳。其餘陶季直。蕭朐素輩。傳之不勝傳也。至如方伎一門。累代所不廢。梁時沙門釋寶誌。精於佛學。能知未來。其識記往往流傳後世。即其散見於各傳者。如南史梁武紀。天監中。寶誌有詩曰。昔年三十八。今年八十三。四中復有四。城北火酣酣。帝命周捨紀之。帝年三十八。尅建鄴。八十三。同泰寺災。四月十四日。火起之日也。其言皆驗。王僧辨傳。天監中。寶誌有識云。太歲龍。將無理。蕭經霜。草應死。餘人散。十八子。時人謂蕭氏當滅。李氏當興。遂有李洪雅起兵湘州。後為僧辨所敗。徐陵傳。陵數歲。家人攜以見寶誌。寶誌摩其頂曰。此天上石麒麟也。此見南史者也。即以梁書而論。何敬容傳。寶誌謂敬容曰。君後必貴。終是何敗。何耳。及敬容為相。恐何姓者當為其禍。遂抑沒宗族。無仕進者。後為河東王譽發。其請囑私書。遂及於敗。此何敗。何之驗也。劉歊傳。寶誌遇歊於興皇寺。驚曰。隱居學道。精淨登佛。如此三說。此又見於梁書者也。則其生平必尚多可紀述。且王筠傳。筠奉敕製開善寺寶誌大師碑。文詞甚麗逸。是不惟為時人所敬信。并人主亦崇奉之。此豈得無傳。乃梁書無方伎一門。遂少此傳。南史附傳於陶宏景之後。可補梁書之缺矣。

古文自姚察始

梁書雖全據國史。而行文則自出鑪錘。直欲遠追班馬。蓋六朝爭尚駢儷。即序事之文。亦多

四字為句。罕有用散文單行者。梁書則多以古行之。如韋叡傳。敍合肥等處之功。昌義之傳。敍鍾離之戰。康絢傳。敍淮堰之作。皆勁氣銳筆。曲折明暢。一洗六朝燕冗之習。南史雖稱簡淨。然不能增損一字也。至諸傳論。亦皆以散文行之。魏鄭公梁書總論。猶用駢偶。此獨卓然傑出於駢四儷六之上。則姚察父子。為不可及也。世但知六朝之後。古文自唐韓昌黎始。而豈知姚察父子已振於陳末唐初也哉。

陳書多避諱

陳書於武帝之進公爵。封十郡。加九錫。進王爵。封二十郡。建天子旌旗。以及梁帝禪位。遜於別宮。陳武奉梁主為江陰王。行梁正朔。次年江陰王薨。喪葬如禮。一一特書。絕不見有逼奪之迹。此固仿照前史格式。當時國史本是如此。姚察父子固不能特變其體也。第本紀所諱者。特有列傳。散見其事。乃衡陽王昌。本武帝子。陷於周。未回。武帝崩。從子文帝即位。而昌始歸。文帝使侯安都往迎。而溺之于江。見南本紀。既但書衡陽王昌薨。而昌傳亦但書濟江。中流船壞。以溺薨。即侯安都傳。亦但云昌濟漢而薨。南史昌傳。則謂濟江於。初不見有被害之迹也。始興王伯茂。乃廢帝伯宗之弟。與伯宗同居宮中。伯宗為宣帝所廢。伯茂出就第。宣帝遣盜殞之於途。陳書伯茂傳。但謂路遇盜。殞于車中。亦隱約其詞。不見被害之跡也。不特此也。劉師知為陳武害。梁敬帝入宮。誘帝出。帝覺之。遠牀而走。曰。師知賣我。師知執帝衣。行事者加刃焉。見南史。此則師知弑逆之罪。上通於天。何得曲為之諱。乃陳書師知傳。絕無一字及之。但敍其議大行靈前。使御不宜吉服。一疏。并載沈文阿。徐陵。謝岐。蔡景歷。劉德藻等各議共三千餘字。敷演成篇。以見師知議禮之獨精。此豈非曲為迴護邪。又如虞寄。本梁臣。侯景之亂。遁回鄉里。流寓晉安。陳寶應厚待之。梁元帝除寄中書侍郎。寶應留不遣。後陳武代梁。

寶應有異志。寄懼禍及。不受其官。嘗居東山。著居士服。此不過知幾能遠害耳。其於陳武。未嘗有君臣之分也。若以報韓爲心。正應佐寶應。拒陳武。乃反爲書勸寶應。臣於陳武。書中并稱陳武曰。主上曰。今上。以自託於班彪。王命論。試思彪本漢臣。故宜歸心於漢。寄非陳臣。何必預附於陳。當其不仕寶應。尙不失爲潔身遠害。及其推戴陳武。適形其望風迎合而已。而陳書專以此爲寄立傳。且詳載其書千餘字。欲以見其卓識高品。亦思寄之於陳武。有何分誼。而汲汲推奉耶。蓋姚察父子。本與劉師知及寄兄荔同官於陳。入隋。又與荔之子世基世南同仕。遂多所瞻徇。而爲之立佳傳也。南史於師知傳。明書其事。洵爲直筆。而寄傳亦全載其勸寶應之書。又無識甚矣。

蕭子顯姚思廉皆爲父作傳入正史

司馬遷班固沈約作史。皆以其父入自序中。未嘗另立父傳。列於正史也。惟蕭子顯作齊書。爲其父豫章王嶷立傳。姚思廉修陳書。爲其父吏部尙書察立傳。凡生平行事。及朝廷之優禮。名流之褒獎。無一不纖屑敘入。故嶷傳至七千餘字。察傳亦至三千餘字。爲人子者。得藉國史以表彰其父。此亦人之至幸也。或疑嶷傳祇載其子廉。子恪。子操。子行。子光。而子顯不載。當是子顯親爲父作傳。故隱己之名。至察傳并載思廉。在陳爲法曹參軍。入隋爲司法。似非思廉所自作者。然傳末云。察所撰梁陳二史。未畢功。虞世基奏思廉踵成之。自爾以來。稍有撰續云云。而不言思廉卒於何時。可見察傳實思廉自作。況察之父僧坦。以醫術著於梁代。官太醫丞。所得賞賜。皆給察遊學。事見南史。而陳書察傳。但云察父上開府僧坦。知名梁代。二宮禮遇優厚。每得賞賜。皆給察兄弟。爲游學之資。而不言以醫術得幸。并不言官太醫丞。蓋思廉恥以方伎輕其家世。故諱之也。則察傳係思廉自作無疑也。

八朝史至宋始行

南北八朝史。宋書成於齊。齊書成於梁。魏書成於北齊。其餘各史。皆唐初修成。然雖成於唐初。而天下實未嘗行也。觀蘇洵等進陳書云。陳書與宋書魏齊梁等書。傳之者少。祕書所藏亦多脫誤。嘉祐六年。始詔校讐。因臣等言。恐館閣所藏。不足以定。請詔京師及天下藏書家。使悉上之。至七年冬。始稍稍集。因得藉以參校。又劉敞等校北齊書云。文襄紀。其首與北史同。而末多取魏孝靜帝紀。其與侯景書。則載梁書侯景傳內。此外序列。尤無倫次。蓋原書已散佚。後人雜取北史。及高氏小識等書。以補之者。是宋時并已失其原本。雖購之天下。亦終無由訂正也。可見各正史。在有唐一代。並未行世。蓋卷帙繁多。唐時尙未有鏤板之法。必須抄錄。自非有大力者。不能備之。惟南北史卷帙稍簡。抄寫易成。故天下多有其書。世人所見八朝事跡。惟恃此耳。若無鏤板之法。各正史蓋已一部不存矣。

廿二史劄記卷九終

廿二史劄記卷十

陽湖趙翼撰

南史仿陳壽三國志體例

宋書武帝本紀。所載晉帝進爵禪位詔策。無慮十餘篇。南史只存九錫一策。登極告天一策。其餘皆刪。此蓋仿陳壽魏志舊式也。漢獻帝建安十八年。賜曹操魏公爵封十郡。加九錫。既有策文。二十年進操爵為王。裴註中。有獻帝詔二道。及禪位曹丕時。袁宏漢紀有詔一道。裴註中又有手詔三道。而壽志一概不載。僅存九錫策一道。禪位策一道。南史刪節宋書。亦只存九錫禪位二策。固知仿壽志例也。

南北史子孫附傳之例

傳一人而其子孫皆附傳內。此史記世家例也。至列傳則各因其人之可傳而傳之。自不必及其後裔。間有父子祖孫各可傳者。則牽連書之。如前漢書之於楚元王向孫周勃子亞李廣孫陵張湯子安世金日磾子安疏廣兄子蕭望之子育翟方進子宜韋賢子成後漢書之於來歙曾孫鄧禹子訓寇恂曾孫耿弇弟國子寶融弟同曾孫馬援子忠伏湛子隆梁統子曾孫商桓榮子郁孫焉曾孫班彪子固班超子勇楊震子秉孫賜曾孫荀淑子爽陳實子紀三國志之於袁紹子喬公孫度子康曹真子爽荀彧子悅孫修曾孫荀淑子爽陳實子紀三國志之於袁紹子喬張昭子承步騭子開呂範子據朱桓子異陸遜子抗陸凱弟允代不過十餘

人。然後漢書班彪與固為一傳。班超與勇又為一傳。一家父子尚各為傳。三國志諸葛瑾與諸葛恪父子也。而亦各為傳。其以子孫附祖父傳之例。沈約宋書已開其端。然如蕭思話。蕭惠開。徐羨之。徐湛之。謝宏。謝莊。王宏。王僧達。范泰。范奕。王曇首。王僧綽。顏延之。顏峻。皆父子也。檀道濟。檀韶。檀祗。謝晦。謝瞻。皆兄弟也。猶皆各自為傳。則以其事當各見。故不牽混。使閱者一覽瞭如也。若一人立傳。而其子孫兄弟宗族。不論有官無官。有事無事。一概附入。竟似代人作家譜。則自魏收始。收謂中原喪亂。譜牒遺逸。是以具書支派。然當時楊愔陸操等。已謂其過於繁碎。乃南北史仿之。而更有甚者。魏書一傳數十人。尚只是元魏一朝之人。南北史則并其子孫之仕於列朝者。俱附此一人之後。遂使一傳之中。南朝則有仕於宋者。又有仕於齊梁及陳者。北朝則有仕於魏者。又有仕於齊周隋者。每閱一傳。即當檢閱數朝之事。轉覺眉目不清。且史雖分南北。而南北又分各朝。今既以子孫附祖父。則魏史內又有齊周隋之人。成何魏史乎。宋史內又有齊梁陳之人。成何宋史乎。又如褚淵王儉。為蕭齊開國文臣之首。而淵附於宋代褚裕之傳內。儉附於宋代王曇首傳內。遂覺蕭齊少此二人。劉宋又多此二人。此究是作史者之弄巧成拙。其後宋子京修唐書。反奉以為成例。而踵行之。其意以為簡括。而不知究非史法也。

案南北史仿魏書子孫附傳之例。亦稍有不同。魏書凡是某人之子孫。盡附於其傳後。如朱端子孟允。及弟珍。珍弟騰。騰弟慶賓。慶賓子清。皆但有官位。毫無事蹟。北史則刪之。較為簡淨。新唐書仿之。又更有別擇。必其子孫有事可傳者附之。否則削而不書。尚不至如魏書北史之代人作家譜也。

南史刪宋書最多

南史仿陳壽三國志體例 南北史子孫附傳之例 南史刪宋書最多

南北史大概就各朝正史量爲刪減。魏書宋書所刪較多。然魏書尙不過刪十之二三。宋書則刪十之五六。蓋宋書本過於繁冗。凡詔誥符檄章表悉載全文。一字不遺。故不覺卷帙之多也。今就紀傳所載略摘於左。本紀劉裕誅桓元後。晉帝還都。進裕都督。一詔一策。裕論起義諸人。一疏。討司馬休之一疏。桓元餘黨盡平。晉帝褒策一道。裕討劉毅符。下荊州一檄。又請以僑人歸土。斷一疏。討司馬休之。休之自訴一表。裕招韓延之一書。延之答裕一書。平洛陽後。進裕位相國。封十郡。加九錫。一詔一策。裕西伐。過張良墓。祭文一道。克長安後。晉帝進裕爵爲王。加封十郡。一詔。裕受宋公九錫之命。下令國中。赦文一道。晉帝禪位。一詔一策。一璽書。羣臣勸裕不許。太史令駱達陳符瑞一表。卽位告天一策。御太極殿。一詔。特存王導謝安等祀。一詔。追論戰亡將士。一詔。遣使巡方。一詔。增百官俸。一詔。改舊制。從寬一詔。優復彭沛三郡。一詔。赦罪人。一詔。置晉帝守陵戶。一詔。禁淫祠。一詔。興學校。一詔。悉載全文。不減一字。南史惟載韓延之答裕一書。以見休之被伐之枉。及九錫文。一禪位策。一登極後。告天策一。以見革易之典故。而其他概從刪削。太史令所奏詳瑞。宋書但括之云。數十條。南史亦好與之過。傳。如王宏傳載其辭爵一表。因早求遜位一表。成祭與宏論彭城王不宜在外一書。宏自請彭城王入輔。一疏。答詔一道。宏又請以相府事力全歸彭城王。一疏。答詔一道。其同伍犯法。不罪士人。應罪奴僕一事。載宏創議一疏。江奧一議。孔默之一議。王淮之一議。謝元一議。何尙之一議。又宏折衷一議。案宏爲宋名相。其請彭城王入輔一事。足見其遜讓。至徐羨之傳載其歸政三表。文帝誅羨之等。一詔。傅亮傳載其演慎一篇。謝晦傳載其起兵訴冤一疏。尙書符其罪狀一道。晦檄京邑一道。再訴冤一表。被擒在道作悲人道一篇。王徽傳載其與江敷辭官一書。二千餘字。與王僧綽一書。二千餘字。答何偃一書。二千餘字。弔弟宗謙文一篇。二千餘字。鄭鮮之傳載其議滕恬父喪不返。仕宦如故一書。三千餘字。彈劉毅一疏。一千餘字。

諫北伐一表。一千餘字。何承天傳載其諫北伐一表。五千餘字。何尙之傳載其鑄錢一議。及沈演之一議。又袁淑止其致仕後再出一書。謝靈運傳載其撰征賦一篇。一萬餘字。山居賦一篇。數萬字。勸伐河北一疏。二千字。顏延之傳載其庭誥一篇。四千餘字。袁豹傳載其伐蜀一檄。沈攸之傳載蕭道成罪狀攸之一檄。王僧達傳載其求守徐州一疏。一千餘字。請解職一疏。二千餘字。孔靈符傳徒民一事。載江夏王一議。湘東王一議。沈懷文一議。王元謨一議。王昇之一議。顏竣傳鑄錢一事。先載徐爰一議。沈慶之一議。江夏王一議。方載竣二議。又庾徽之劾竣一表。顧覲之傳載其定命論三千餘字。周朗傳載其答羊希書二千餘字。上言時政書三千餘字。吳喜傳載明帝數喜罪一書。三千餘字。建平王宏傳載劉璉爲宏訴冤一書。二千餘字。且不特此也。鄧琬傳雖無書疏。而專敘濃湖赭圻之戰。至一二萬字。竟似演義小說。又如記功冊籍。宜乎卷帙之多也。南史於此等處。一概刪削。有關係者。則彙括數語存之。可謂簡淨得史裁之正矣。宜乎宋子京謂其刊落醜詞。過於舊書遠甚也。

南史過求簡淨之失

南史有過求簡淨而失之者。王鎮惡傳。武帝謀討劉毅。鎮惡以百舸前驅。揚聲劉兗州上。毅以爲信然。不知見襲云云。所謂劉兗州者何人耶。是時毅有疾。求遣其從弟兗州刺史劉藩爲副。故武帝僞許之。而鎮惡假其號以襲之也。宋書所載甚明。南史不先敘明。遂覺兗州句突無來歷。此猶不過文字之小疵也。謝晦傳。宋書載其被討時。自訴表云。若臣等願欲執權。不專爲國。初廢營陽。陛下在遠。武皇之子。尙有童稚。擁以號令。誰敢非之。而泝流三千。虛館三月。奉迎鑾駕。血心若斯。易爲可鑒。祇以王宏王曇首等。在陛下左右。不除臣等。罔得專權。所以交結讒慝。成此亂堵。此最爲當日實情。南史雖摘敘數語。而未能明其本志之無他。此

則但求簡淨而未免太略而沒其真也。當徐羨之傳亮謝晦。受武帝顧命。立少帝義符。而義符失德。羨之等謀欲廢立。而廬陵王義真。以次當立。又輕動多過。不任四海。乃先奏廢義真。然後廢帝。而迎文帝入嗣。其於謀國。非不忠也。文帝即位之次年。羨之等即上表歸政。則亦非真欲久於其權。而別有異圖者。其曰徐傅執權於內。檀謝分鎮於外。可以日久不敗。此亦王華王曇首等之誣詞。而未必晦等之始念也。祇以華曇首等係文帝從龍之臣。急於柄用。而徐傅謝等受遺先帝。久任事權。不除去之。無由代其處。是以百方媒孽。勸帝以次翦除。然後已可得志。觀於王華傳。謂華見羨之等秉權。日夜構之於帝。此可知三人之死。不死於文帝。而死於華及曇首等明矣。宋書於亮傳。載其演慎一篇。見其小心畏禍。晦傳載其自訴二表。見其本志為國。此正作史者用意所在。而南史盡刪之。未免徒求文字之淨。而沒其情事之實矣。惟羨之等廢少帝而又弑之。并殺義真。此則威權大恣。殺人兩兄。而北面事之。豈有不敗者。母怪華曇首等之得逞。其構陷也。霍光不學無術。僅廢昌邑王。使之歸國。羨之等不學無術。乃更甚於霍光。當時范泰已預燭其必敗。曰吾觀古今多矣。未有受遺顧託。而嗣君見殺。賢王嬰戮者也。則雖無華等之傾陷。亦豈有自全之理乎。

南史誤處

南史宋後廢帝紀。謂孝武二十八子。明帝殺其十六。餘皆帝殺之。今案宋書前廢帝明帝後廢帝三本紀。及孝武諸子傳。孝武子新安王子鸞。南海王子師。則前廢帝子業所殺也。明帝所殺者。前廢帝子業。豫章王子尚。晉安王子勛。安陸王子綏。臨海王子頊。邵陵王子元。永嘉王子仁。始安王子真。淮南王子孟。南平王子彥。廬陵王子興。松滋侯子房。東平王子嗣。又子趨。子期。子悅。皆未封。而為明帝所殺。其餘晉陵王子雲。淮陽王子霄。及未封之子深。子鳳。子元。子衡。子況。子文。子雍。皆早夭。是孝武諸子。為前廢帝殺者二。明帝所殺者十六。殤者九。南史孝武子傳內。又有齊敬王子羽。亦二歲而亡。是孝武諸子。除前廢帝及明帝所殺。共十八人外。餘十人皆夭死。竝無為後廢帝所殺者。後廢帝紀內。但有桂陽王休範。建平王景素。舉兵被殺之事。而非孝武子也。然則南史所云。明帝殺十六。餘皆後廢帝所殺者。實繆悠之詞。即以南史各紀傳核對。亦無後廢帝殺孝武子之事。此李延壽之誤也。又檀詔傳。謂詔卒。子臻嗣。位員外郎。案宋書詔傳。詔卒。子緒嗣。臻則檀祇之子也。在祇傳內。今以臻為詔子。亦誤。

南史增齊書處

南史於宋書。大概刪十之三四。以宋書所載章表符檄。本多蕪詞也。於齊不惟不刪。且大增補。今以兩書相校。惟豫章王巖。及竟陵王子良二傳。多所刪削。其他則各有所增。姑摘錄於左。

王儉傳。增齊高帝為相。儉請問於帝曰。功高不賞。以公今日地位。欲北面居人臣。可乎。帝正色裁之。而神采內和。儉又言。公若小復推遷。恐人情易變。七尺不能保。帝笑曰。卿言不無理。儉即曰。當令褚公知之。帝曰。我當自往。乃造淵。款言移晷曰。我夢應得官。淵曰。今授始爾。恐一二年間。未容便移。帝還告儉。儉曰。褚是未達事理。乃即令虞整作詔。及高帝為太尉。以至受禪詔策。皆出於儉。此正見儉傾心於齊高。為佐命功臣之處。更定衣服之制。引漢書及魏都賦。為藩國侍臣服貂之證。又引晉典勸進表。定百僚致敬齊公之禮。引春秋曹世子來朝。定齊國世子之禮。及受禪改元。應特舉郊祭之禮。立春在上辛後。仍應南郊之禮。皆援據有典。此正見儉深於禮學。為開國文臣之首。

褚淵傳。增幼時父湛之有所愛牛墮井。湛之躬率左右救之。淵勿顧也。湛之歿。有兩府寶物。

在淵生母郭氏處。嫡母吳氏求之。郭不與。淵再三請。乃從之。山陰公主見淵貌美。請於廢帝。召以自侍。備見逼。淵終不移志。時淮北已屬魏。江南無鯁魚。一枚直數千錢。或有餉三十枚者。門生請賣之。可得十萬錢。淵悉以與親游。噉之。少日而盡。後廢帝時。袁粲知淵私於齊高。謂淵曰。國家所倚。惟公與劉丹陽及祭耳。願各自勉。無為竹帛所笑。淵曰。願以鄙心寄公腹內。然竟不能真固。齊高功業日重。王儉議加九錫。齊高恐淵不同。任退曰。淵保妻子。愛性命。非有奇才。退力能制之。果無違異。

張敬兒傳。敬兒貧時。嘗為襄陽城東吳泰家擔水。通其婢。事發。逃空棺中。以蓋加上。乃免。及建鵠尾軍功。收籍吳氏家財數千萬。并取所通婢為妾。

王敬則傳。增。生時母為女巫。謂應得鳴鼓角。人笑之曰。汝子得為人鳴鼓角。幸矣。及長。與既陽縣吏聞謂曰。我若得既陽縣。當鞭汝背。吏唾其面曰。汝得既陽縣。我應作司徒公矣。又嘗至高麗。與其國女子私通。後將被收。乃逃歸。後果得既陽令。昔日吏逃亡。勒令出。遇之甚厚。曰。我已得既陽。汝何時作司徒公耶。

禪位時。宋順帝逃入宮內。敬則將與入宮。啓譬令出。順帝謂敬則曰。欲見殺乎。答曰。出居別宮耳。官昔取司馬家亦如此。順帝泣曰。惟願生生世世。不復與帝王作因緣。宮內盡哭。敬則與王儉同拜開府儀同三司。徐孝嗣戲儉曰。今日可謂合璧。儉曰。不意老子與韓非同傳。或以告敬則。敬則欣然曰。我南沙縣小吏。遂與王衛軍同日拜三公。復何恨。

柳世隆傳。增。世隆初起兵。應明帝。為孔道存所敗。逃匿。其母妻竝繫在獄。時購世隆甚急。或斬一貌似者。送道存。道存示其母妻。母哭不甚哀。而妻號慟方甚。竊謂姑曰。今不悲。恐為人所覺。故大慟以滅其迹也。世隆性清廉。張緒曰。君當以清名遺子孫耶。答曰。一身之外。亦復何須。子孫不才。將為爭府。如其才也。不如一經。韋祖征鄉里舊德。世隆雖貴。每為之拜。或

勸祖征止之。答曰。司馬公為後生楷法。吾何必止之。

張瓌傳。增。安陸王紆行部雍州。見丐者。問何不事產而行乞。答曰。昔張瓌使君在州。百姓家得相保。後人苛虐。故至行乞。後拜太常卿。自以閑職。輒歸家。武帝曰。卿輩未富貴。謂人不與富貴。既富貴。那復欲委去。

周奉叔傳。增。奉叔就王敬則求米二百斛。敬則以百斛與之。不受。敬則大懼。乃更餉二百斛。敬則有一妓。帝令奉叔求之。奉叔徑率左右。刀皆半拔。直入其家。敬則懼。跣足入內。既而自計不免。乃大呼奉叔曰。弟那忽見。願奉叔宣旨求妓。意乃釋。

王廣之傳。增。廣之求劉劭所乘馬。皇甫肅曰。廣之敢奪節下馬。當斬。後廣之破敵還。甚敬肅。勳亡後。肅轉依廣之。廣之啓為東海太守。其不念舊惡如此。

豫章王巖傳。南史所刪最多。以此傳本太冗。至八九千字也。然又有增者。是時武帝奢侈。後宮萬餘人。宮內不容。暴室皆滿。巖後房亦千餘人。苟不獻書諫巖。巖咨嗟良久。為之稍減。又增巖死後。忽見形於沈文季。曰。我未便應死。皇太子加膏中十一藥。使我癱不差。湯中又加一藥。使我利不斷。吾已訴先帝矣。俄而太子薨。又嘗見形於後園。呼直兵。直兵無手板。左右以玉板與之。出園後。直兵倒地。仍失玉板。齊書皆無之。蓋不欲見其父之中毒。且為文惠太子諱也。巖乃蕭子

武陵王奕傳。增。幼時生母死。奕思慕不異成人。高帝令與武帝同居。帝時甚貧。諸子學書。無紙筆。奕嘗以指畫空中。及畫掌學字。遂工篆法。無棊局。乃破荻為片。縱橫為之。指點行勢。遂至名品。後侍武帝宴。醉伏地。貂抄肉拌。帝曰。汚貂。對曰。陛下愛其羽毛。而疎其骨肉。又嘗在帝前。與竟陵王子良圍棋。子良大北。豫章王巖私勸其讓。奕曰。生平未嘗一口妄語。執

心疏婞。偏不知悔。

江夏王鋒傳。增其母張氏。為宋蒼梧王逼取。又欲害鋒。高帝乃匿鋒於張氏村舍。五歲學鳳尾諾。一學即工。武帝禁藩邸諸王不得讀異書。五經之外。惟許看孝子圖。鋒乃密使人買書。鋒善琴。帝欲試以臨人。鋒曰。昔鄒忌鼓琴。齊威王委以國政。遂出為南徐州刺史。善與人交。幕僚王和。赴益州任。來告流涕曰。下官少來。未嘗作詩。今日違戀。不覺文生於情。鋒工書。南郡王昭業謂武帝曰。臣書勝江夏帝曰。閣梨第一。法身第二。法身昭業小名。閣梨鋒小名也。明帝輔政時。鋒危懼深。自晦迹。江祏曰。江夏王有才行。而善能匿迹。鋒聞嘆曰。江祏遂為混沌畫眉。益反敵耳。寡人聲酒自耽。狗馬是好。豈復一毫於生平哉。嘗著修柏賦。以寓意。見明帝言次及遙光才力可任。鋒曰。遙光之於殿下。猶殿下之於高皇。衛宗廟。安社稷。實有攸寄。明帝失色。後被殺。江敷聞之流涕曰。芳蘭當門。不得不鋤。其修柏之賦乎。宜都王鏗傳。增三歲喪母。及有識。聞知母死。悲禱。一夕果夢一女人云。是其母。因向左右說夢中所見形貌衣服。皆如平生。聞者以為孝感。善射。常插甘蔗於百步外射之。十發十中。明帝誅高武諸子。鏗詠陸機弔魏武云。昔以四海為己任。死則以愛子託人。左右皆泣下。後果遣呂文顯齋藥至。正逢八關齋。鏗從容謂曰。高帝昔寵任君。何事有今日之行。答曰。出不得已。乃仰藥死。又死後見夢於其師陶宏景云。當託生某家。宏景參訪果符。乃著夢記。江東王鉉傳。增幼時高帝嘗畫臥纏髮。鉉上高帝腹弄繩。帝因以繩賜之。及崩後。鉉以錦函盛繩。歲時開示。輒流涕嗚咽。被殺時。欣然曰。死生命也。終不效建安王乞為奴。乃仰藥死。雒陵王子良傳。所刪亦最多。如諫遣臺使督租一疏。請墾荒田一疏。諫租布折錢一疏。諫射登路。子良不悅。帝曰。何不讀書。子良曰。娘今何在。何用讀書。帝乃召還裴后。子良亡後。袁象謂陸慧曉曰。齊氏微弱。已數年矣。爪牙柱石之臣都盡。所餘惟風流名士耳。若不立長君。無以鎮四海。王融欲立子良。實安社稷。恨其不能斷事。以至被殺。今蒼生方塗炭。正當灑耳聽之。

魚復侯子響傳。增子響以董蠻為僚屬。武帝聞之曰。人以蠻名。何得藉藉。乃改名為仲舒。謂今日仲舒何如。昔日仲舒對曰。昔董仲舒出自私庭。今仲舒降自天帝。故當勝之。晉安王子懋傳。增幼時母阮淑媛嘗病危。請僧祈禱。有獻蓮花供佛者。子懋禮佛曰。若使阿姨病愈。願佛令此花不萎。七日齋畢。花更鮮好。當世稱其孝感。子懋被害。參軍周英防閣。陸超之董僧慧皆抗節不屈。王元邁執僧慧。僧慧曰。晉安舉事。僕實與謀。今得為主人。死不恨矣。願至主人。大斂畢。退就死。元邁許之。還具白明帝。以配東冶。子懋子昭基。年九歲。以方寸絹為書。探問消息。僧慧得書曰。此郎君書也。悲慟而卒。陸超之見子懋死。或勸其逃亡。答曰。人皆有死。何足懼。吾若逃。非惟孤晉安之眷。亦恐田橫客笑人。有門生姓周者。謂超之曰。可得賞。乃同超之坐。自後斬之。及殯斂。周又助舉棺。墮壓其頭。折而死。聞者以為天道焉。建安王子真傳。增明帝使裴叔業就典籤柯令孫殺之。子真走入牀下。叩頭乞為奴。不許。遂見害。南海王子罕傳。增母樂容寢疾。子罕晝夜祈禱。以竹為燈。續照夜。此續一夕枝葉茂大。母疾亦愈。巴陵王子倫傳。增明帝遣茹法亮殺子倫。子倫鎮琅琊。有守兵。恐其見拒。以問典籤裴伯茂。伯茂曰。若遣兵取之。恐不可。即辨。若委伯茂。一小吏力耳。法亮乃令伯茂以酖逼之。子倫謂法亮曰。君是身家舊人。今銜此命。當由事不獲已。此酒非勸酬之爵。因仰之而死。其下因歷敘典籤之權重。謂明帝殺諸王。悉典籤所殺。無一人抗者。孔珪聞之曰。若不立籤帥。故當不至此。事見典籤條內。

南史增齊書處

南史與齊書互異處

齊書張敬兒傳。謂敬兒既得方伯。意知滿足。初得鼓吹。羞便奏之。是敬兒本無大志。南史則敘其征荊州時。每見諸將。輒自言未貴時。夢村中社樹忽高數十丈。在雍州。又夢此樹高至天。以此誘部曲。又為謠言。使村兒歌之曰。天子在何處。宅在赤谷口。天子是阿誰。非豬即是狗。敬兒本名苟兒。家在赤谷。敬兒少習武事。既從容都下。益不得志云。是明言敬兒有反志。與齊書本傳不同。蓋李延壽好取新奇語入史。既探社樹及童謠。則傳不能又謂其意存知足也。齊書周奉叔傳。謂鬱林欲誅宰輔。時明帝嘗乃出奉叔為都督青冀二州軍事。以為外援。南史則謂明帝輔政。令蕭詵說帝。出奉叔為外援。又說奉叔以方岳之重。奉叔乃許。是奉叔之出。乃明帝意。非鬱林意也。案奉叔勇力絕人。鬱林欲誅宰輔。方倚以為助。豈肯出之於外。當是明帝謀廢立。懼其在帝左右為難。故說帝出之。此則南史為得其實也。齊書竟陵王子良傳。子良在宋時為郡陵王友。王名友。尋廢此官。遷子良為安南長史。南史則云宋道衰謝。諸王微弱。故不廢此官。兩傳迥異。齊書蕭昭胄傳。東昏無道。昭胄與蕭宣胡松等謀。因東昏出行。閉城拒之。會東昏新起芳樂苑。月餘不出。故事泄而敗。南史則謂朱光尚託鬼道。為東昏所信。光尚知昭胄等謀。託言蔣王云。巴陵王在外欲反。故東昏不敢出。四十餘日。事敗乃伏誅。齊書魚復侯子響傳。子響殺臺使尹略等。武帝遣蕭順之帥兵至。子響部下逃散。子響乃自服降賜死。南史則云順之將發舟時。文惠太子素忌子響。囑順之早為之所。勿令生還。順之乃縊殺之。是子響之死。出文惠之意。自是實事。齊書蓋為文惠諱。且順之即梁武之父。兼為順之諱也。

南史增刪梁書處

南史增梁書事蹟最多。李延壽專以博採見長。正史所有文詞。必刪汰之。事蹟必彙括之。以歸簡淨。而於正史所無者。凡瑣言碎事。新奇可喜之蹟。無不補綴入卷。而梁書本據國史舊文。有關係則書。無關係則不書。即有關係。而其中不無忌諱。亦即隱而不書。故行墨最簡。遂覺南史所增益多也。今略舉其增刪處。兩相比較。可以見二書之大概也。

南史刪梁書處

梁武本紀。齊東昏無道。帝在雍州。使張宏策陳計於長兄行郢。事懿謀共起。兵靖亂。梁書載其語甚詳。南史但云使宏策陳計於懿。語在懿傳。蓋梁書不立懿傳。故以此敘於本紀。南史另立懿傳。則以此詳於懿傳中。而本紀從略也。帝平京邑。有肆赦一令。革除昏政一令。恤戰亡將士一令。節省浮費一令。齊帝進帝爵梁公。九錫文一篇。百僚勸進文二篇。齊帝進帝爵為梁王一詔。齊帝禪位一詔。璽書一道。南史皆刪之。但存九錫文一篇。勸進文一篇而已。此陳壽之例。說已見梁書內。簡文紀。梁書有即位一詔。大赦一詔。大寶元年改元一詔。南史皆刪之。大寶二年。梁書書湘東王繹。遣王僧辨討侯景。擒其將任約。宋子仙等。南史亦刪之。以此事敘入元帝紀。故簡文紀不敘也。梁書簡文紀元帝紀。遣王僧辨討侯景。擒其將任約。宋子仙等。南史亦刪之。以此事敘入元帝紀。故簡文紀不敘也。紀並敘。未免繁複。元帝紀。梁書大寶二年。簡文崩後。有王僧辨等勸進一表。答書一道。又勸進一表。大寶三年。帝討侯景。一檄。僧辨平侯景。又勸進一表。徐陵在魏。遣使勸進一表。帝即位一詔。南史皆刪。只在僧辨等勸進一表而已。又僧辨傳。齊文宣送梁貞陽侯蕭淵明入為梁主。梁書載文宣與僧辨一書。僧辨一啓。貞陽答僧辨一書。又一啓。貞陽又答一書。南史亦盡刪之。梁書元帝使鮑泉闢河東王譽。久不尅。乃使王僧辨代之。僧

辨至。泉愕然曰：得王竟陵來助我，賊不足平矣。僧辨既入，背泉而坐，曰：鮑郎有罪，今旨使我鎖卿，卿勿以故意相期。此事既載於泉傳，又載於僧辨傳，殊屬繁複。南史則詳其事於泉傳，而僧辨傳則略之。又沈約傳，梁書載其郊居賦一篇，三千餘字，將以見其恬適耶？則約本躁競也。將以見其工於文耶？則約之工文，又不止此賦也。南史亦刪之。此皆南史刪節之得當者也。亦有不當刪而刪者。本紀武帝起兵時，有檄文一道，正見伐罪除暴之不容已。南史不載。但云移檄建業，及帝出河，命王茂等圍郢城，久不拔。西臺遣席闡文來議，欲與魏連和。帝答以非策。此段文字最長，見帝之英斷。南史亦不載。蕭昱傳，梁書載其乞試用邊州一表，武帝斥責一詔。南史盡刪之。許懋傳，梁書載封禪國山一表，正見其徵引之博。議論之正。南史亦盡刪之。但云帝見其議稱善而已。此外亦無事蹟可紀。則何必立此傳耶？梁書賀琛傳，載其論大功之末，不可冠子嫁女一議，甚詳。南史亦全載其文，以其有關於禮制也。懋封禪一表，所係更大。乃獨刪之。何耶？梁書王僧辨傳，附其弟僧智逃入齊，并附徐嗣徽小傳。此皆因僧辨之難，間關被害者，自應附見。而南史一概刪之。此又不當刪而刪者也。至如江淹傳，載其上建平王景素一書，蓋仿漢書鄒陽獄中上書例也。陳伯之傳，伯之奔魏，臨川王宏北伐，使邱遲作書與伯之，伯之遂擁衆八千以歸。南史亦載其全文，以其文之工也。任昉傳，昉沒後，諸子流離，劉孝標憫之，乃廣朱公叔絕交論。南史亦載其全文，亦以一死一生，乃見交情為千古所同慨也。此又見延壽之意存斟酌，不盡以刪節為能者。

南史增梁書有關係處

武帝紀。增皇考之薨不得志。武帝父順之在齊武帝時。討魚復侯子響。殺之。齊武心惡之。順之憂懼而卒。見齊書子響傳。至是鬱林失德。齊明帝輔政。帝欲助明帝以傾武帝之嗣。乃與明帝謀廢立等事。又增齊明性猜忌。帝避時嫌。

常乘折角小牛車以自晦。晚年為侯景所制。臨崩口苦蜜不得。再曰：荷荷而崩。元帝紀。增帝性情矯飾。多猜忌。於名無所假借。人有勝己。必加毀害。王銍兄弟有盛名。帝妬之。乃改寵姬王氏之父名琳。以同其父之名。忌劉之遴才。使人鳩之。雖骨肉亦罹其禍。始居母憂。依丁蘭刻木為像。及武帝崩。祕喪逾年。乃發。方刻檀為像。朝夕事之。其虛憍如此。武陵之平。議者欲因其舟楫遷都建鄴。宗懷黃羅漢皆楚人。不願移。帝亦不欲動。乃止。西魏來攻。城將破。乃聚書十萬卷燒之。在幽辱中。猶作四絕句。

徐妃傳。增妃不見禮於元帝。二三年始一入房。妃以帝眇一目。知帝將至。先為半面妝待之。帝大怒。妃性妬。見無寵之妾。便交杯接坐。纔覺有娠。即手加刀刃。先與瑤光寺智遠道人私通。又與帝左右暨季江者淫通。季江每歎曰：柏直狗雖老猶能獵。蕭漂陽馬雖老猶駿。徐娘雖老猶尚多情。又有賀徵者。色美。妃要之於普賢尼寺。書白角扇為詩贈之。後為帝逼死。帝嘗著金樓子。述其穢行。

昭明太子傳。增丁貴嬪薨。太子求得善墓地。有賣地者。欲以己地出售。乃賂奄人俞三副。言於帝。謂太子所得地。不如己地。於帝最吉。帝便命市之。既葬。有道士善圖墓。謂此地不利。長子。教以用蠟鵝諸物厭之。有宮監密聞於帝。帝遣檢果然。將窮其事。徐勉固諫而止。由是太子終以此慙懼。以及於薨。其後嗣亦不得立。

南康王會理傳。增會理在建業。伺侯景出征。欲與柳仲禮等起事。拒景。建安侯賁以謀告王偉。遂被誅。

武陵王紀傳。增紀在蜀十七年。積貲無數。殿馬至八千匹。統兵東下。黃金一斤為餅。百餅為筩。至有百筩。銀五倍之。每戰則懸以示賞。而終不給。臨賀王正德傳。增正德奔魏。又逃歸。復西豐侯本封。益肆橫。與弟樂山侯正則。及潮溝董當

門之子暹。南岸夏侯夔之子。為四凶。嘗殺人於道。其車服牛馬。號西豐駱馬。樂山烏牛。董暹。金帖織成戰襖。武帝詔責之。謂其專為逋逃。主劫掠行路。致京邑士女。早閉晏開。徐敖失妻。橫屍道路。王伯敖列卿之女。乃奪為妾。又正德妹長樂公主適謝禧。正德與姦。乃燒主第。縛一婢。加金釧於其手。聲云主燒死。而藏於家。呼為柳夫人。生一子。其事稍露。後因奪張準雉媒。準於衆中罵曰。雉媒非長樂主。何可掠奪。皇太子恐帝聞之。亟為和解。乃送還雉媒。蕭懿傳。增懿在齊功高枉死。武帝即位之日。即追封長沙郡王。第三日追封兄敷。及弟暘融。逾月始追尊皇考妣。先卑後尊。為識者所譏。

蕭藻傳。增藻出刺益州。先是鄧元起在蜀。自以有冠。劉季連功。特宿將。輕藻年少。藻怒乃殺之。元起在蜀時。聚積如山。金玉為一室。曰內藏。綺縠為一室。曰外府。藻以外府賜將士。內藏送京。已無私焉。

臨川王宏傳。增宏統軍北伐。時軍容甚盛。既克梁城。諸將欲乘勝深入。宏聞魏援兵至。遂不敢進。呂僧珍亦贊之。裴邃曰。是行也。固敵是求。何難之避。馬仙琕曰。但有前死一尺。何得退生一寸。昌義之曰。呂僧珍可斬也。豈有百萬之師。輕言可退。朱僧胡辛生拔劍起曰。欲退自退。下官當向前取死。議罷。宏終不敢出。魏人遣以巾幗。歌曰。不畏蕭娘與呂姥。但畏合肥有韋武。韋武。韋叔也。宏仍不進。於是軍政不和。遂大潰而歸。棄甲投戈。填滿山谷。士卒喪失。十之八九。又增宏敗後。常懷愧憤。有人伏於朱雀航。伺帝竊發。被獲。稱為宏所使。宏自辨無此事。帝乃宥之。宏恣意聚斂。有庫百間。帝疑其藏軍仗。具饌至其家。宴半醉曰。我欲履行汝後房。見其積錢百萬。標一黃榜。千萬懸一紫標。凡三十餘間。帝疑始釋。大悅曰。阿六汝生活大可。豫章王綜嘗為錢愚論。以譏之。帝特以激宏。救綜曰。天下文章何限。那忽作此。而宏不知愧也。宏又與帝女永興公主私通。遂謀弑逆。會齋期。公主使二僮伺帝。丁貴嬪疑之。令宮帥擒獲。稱

宏所使。帝殺二僮。祕其事。以漆車載主出。主悲死。

南平王偉傳。增其世子恪刺郢州。侯景之亂。邵陵王綸至。恪以州讓之。綸不受。

鄱陽王恢傳。增其子修鎮漢中。拒魏帥。力屈乃降。宇文泰禮之。令還金陵。元帝方疑忌。修請輸仗馬而後入。及江陵。患發背卒。又增其子諮當簡文為侯景所制。外人莫得見。惟諮以文弱。得出入臥內。景惡之。遣人刺殺之。

沈約傳。增約之先世。田子林子。為宋初開國功臣。按此二人功績最著。本應入宋功臣傳。約欲自誇其先世。故不入列傳。而載於自序內。此私見也。梁書約傳。刪此二人。自屬得體。延壽惟恐遺二人功績。乃亦仍自序之舊而載之。延壽既作南史。則宋史亦其所作。何不補此二人於宋史內。而仍序於約傳耶。

范雲傳。增雲在齊朝時。豫章王巖常在私第。不居東府。竟陵王子良亦好遊。不常居石頭。雲言其非。乃各鎮一城。又增梁武將加九錫。雲適中病。醫者徐文伯謂須一月愈。若欲速愈。恐二年不可復救。雲急於痊愈。以備佐命。文伯乃下火而牀焉。重衾覆之。汗果出。遂愈。二年卒。任昉傳。梁書謂昉卒後。諸子皆幼。人罕瞻郵之。故劉孝標為作廣絕交論。南史增。諸子竝無術業。墜其家聲。兄弟流離。不能自振。生平舊交。莫有收郵之者。

徐勉傳。增勉掌選時。奏立九品。為十八班。自是貪冒者以財貨取通。守道者以貧寒見沒矣。

朱异傳。增异貪冒財賄。欺罔視聽。四方饋餉。曾無推拒。起宅極美麗。退直則酣飲其中。慮日晚臺門閉。先令鹵簿自家列至城門。城門不敢閉。聲勢所驅。熏灼內外。

以上皆增梁書。而多有關於人之善惡。事之成敗者。又如蕭藻傳。增其弟猷。猷弟朗。朗弟明。及猷之子韶。韶弟駿也。臨川王宏傳。增其子正仁。正文。正德。正則。正立。正表。正信。及正德子見理。正立子賁也。南平王偉傳。增其子恪也。鄱陽王恢傳。增其子範。範弟諮。諮弟修。

修弟泰也。始興王憺傳。增其子亮。奕也。任昉傳。增其子東里西華。南容。北叟也。此皆有補於梁書者也。

廿二史劄記卷十終

廿二史劄記卷十一

陽湖趙翼撰

南史增梁書瑣言碎事

武帝紀。增帝兵圍郢州。城將破。有毛人數百。泣投黃鵠磯。蓋城之精也。帝東下。所乘船常有兩龍導引。左右皆見之。軍至建鄴。圍六門。東昏將檀和。給東昏出戰。因來降。時民間謂密相欺者。為和欺。梅蟲兒等曰。今日敗於檀和。可謂和欺矣。又增帝少時符瑞。及在位。信奉佛教。重雲殿游仙化生。皆動。又海中浮鵠山女子。獻紅席等事。

簡文紀。增昭明太子夢。以己班劍授簡文。已而昭明薨。簡文果為皇太子。

元帝紀。增生時符瑞。武帝夢眇目僧。執香爐。託生宮中。適采女阮姓侍側。始褰帷。有風回裾。武帝竟感幸之。遂生帝。又增帝工書善畫。自圖宣尼像。為之贊。人稱三絕。自承聖三年。主衣庫。有黑蛇丈許。數十小蛇隨之。帝惡之。左右曰。錢龍也。乃取數千萬錢。鎮其地。以厭之。又有蛇落帝帽上。所御肩輿中。有小蛇蜿蜒其中。又有龍騰空去。六七月小龍隨之。羣魚騰躍。墜死於地。未幾江陵陷。為西魏所滅。

郗皇后傳。增后酷妬。及終化。為龍。入宮。通夢於帝。或見形。帝體將不安。龍輒激水。騰湧於露井上。常置銀轆轤。金瓶灌百味。以祀之。故帝終身不復娶后。

丁貴嬪傳。增郗后遇之無道。常使日舂米五斛。每中程。若有神助者。

昭明太子傳。增武帝在襄陽起兵時。尚未有子。在途聞太子生。又徐元瑜降。而蕭穎胄死。人

以爲同時三慶。又太子十二歲時。見獄官持案牘。問左右我得判否。即取來。皆署杖五十。有司不敢行。具以聞帝。帝笑而從之。

南康王會理傳。增會理在湘州行事。劉納嘗禁其所爲。會理乃誣以贓賄。收送建鄴。納曰。我一見至尊。當使汝等知。會理遂使人殺之於路。百口俱盡。

廣陵王續傳。增元帝母阮得幸。由丁貴嬪之力。故元帝與簡文帝相得。與續亦少相狎。長而相謗。元帝自荊州還京。攜所寵李桃兒俱歸。時宮禁門戶甚嚴。續奏之。元帝懼。遂先送桃兒還荆。所謂西歸內人也。後續死。元帝在荆聞之。喜躍。屨爲之破。又續好聚斂。臨終啓上金銀器千餘件。帝乃知其多財。謝宣融曰。王之過如日月之蝕。欲令陛下知之。故終不隱。帝意乃解。

武陵王紀傳。增紀初授揚州時。帝於詔書內增數語曰。貞白儉素。是其清也。臨財能讓。是其廉也。知法不犯。是其慎也。庶事無留。是其勤也。後使都督益州。紀辭以遠。帝曰。天下若亂。惟益州可免。故以處汝。汝念我老。我猶當再見汝還益州也。

臨賀王正德傳。增正德奔魏時。爲詩納火籠中。即詠火籠曰。楨幹屈曲盡。蘭麝氛氳消。欲知懷炭日。正是履冰朝。至魏稱被廢太子。蕭寶夤在魏。請殺之。不果。

蕭昂傳。增有一女子。年二十許。散髮黃衣。在武窟山石室中。不甚食。或飲少酒。鵝卵一二。故人呼爲聖姑。求子多驗。造之者滿山谷。昂呼問。無所對。以爲妖。鞭之二十。創即差。失所在。

蕭業傳。增其父懿被害時。業與二弟藻象俱逃。匿王嚴秀家。東昏收嚴秀付獄。考掠備至。以鉗拔手爪。至死不言。乃免禍。又增業以私米購雙助修城工。武帝嘉之。出刺湘州。有二虎無故斃於道。有人謂刺史德政所致。言訖不見。

蕭藻傳。增其從孫韶爲童時。庾信愛之。有斷袖之歡。衣食皆資於信。後入梁。韶鎮郢州。信過

之。韶接信甚薄。坐青油幕。引信入宴。坐信別榻。有自矜色。信不能堪。乃徑上韶床。踐踏肴饌。直視曰。官今日形容大異。韶甚慚。

永陽王敷傳。增敷仕齊爲隨郡內史。有美政。齊明帝謂徐孝嗣曰。學士不解治官。聞蕭隨州置酒清談。而路不拾遺。

南平王偉傳。增其世子恪爲雍州刺史。任用其客江仲舉。蔡遠。王臺。卿。庾仲雍。百姓每有訴。必數處輸錢。民間歌曰。江十萬。蔡五百。王新車。庾大宅。武帝聞之。爲接其句曰。主人憤憤不

如客。

范雲傳。增雲在齊時。與明帝說夢。見太宰文宣王之事。明帝哀感。待其子昭胃等稍弛。江祐嘗求雲女結婚。以剪刀爲聘。及祐貴。雲曰。荆布之室。理隔華盛。乃還其剪。祐別結姻焉。梁武

少與雲相得。雲乃築室相依。帝每至其家。雲妻輒聞蹕聲。又嘗與雲宿。顧僧嵩舍。嵩妻方產。有鬼在外曰。此中有王有相。雲謂帝曰。王當仰屬。相以見歸。後果驗。

江淹傳。增晚年才思微退。夢張景陽向其索錦。淹探懷中數尺與之。景陽曰。那便割裂都盡。顧見邱遲曰。餘此數尺。聊以遺君。又夢郭璞向其索筆。淹即以五色筆與之。爾後爲詩。終無

新句。

任昉傳。增昉在齊東昏時。紆意於梅蟲兒。得中旨。用爲中書令。往謝尚書令王亮。亮曰。卿宜謝梅。那忽謝我。又增時人稱任筆沈詩。昉以爲病。晚節更好作詩。欲以傾沈。而用事過多。屬

詞不得流便。都下士子慕之。轉爲穿鑿。於是有才盡之歎矣。

王僧孺傳。增僧孺論素問中。用砭石事。謂古人以石爲針。許慎說文所謂以石刺病也。又載晉宋以來。譜學散亂一事。又附同時文人虞羲。邱國賓。蕭文炎。邱令楷。江洪。劉孝孫。徐夤等。因敘文炎等擊鉢立韻。響滅而詩成等事。

胡僧祐傳。僧祐嘗以所加鼓吹。置齋中自娛。或言此是公羽儀。公名位已重。不宜若此。答曰。我性愛之。恆須見耳。出游亦以自隨。

陰子春傳。增青州有神廟。刺史王神念毀之。棟上一大蛇。長丈餘。遂入海。子春夜夢一人乞地安置。乃辦牲醴。請召安置一處。夜夢前人來謝曰。當以一州相報。後果因破魏兵。授南青州刺史。

杜岸傳。岸為蕭管所擒。管母數岸罪。岸斥之為老婢。管命拔其舌。燻其肉而烹之。盡滅諸杜。發其冢墓。及建業平。杜則兄弟亦發。安寧陵以報。

以上所增皆瑣言碎事。無甚關係者。李延壽修史。專以博採異聞。資人談助。為能事。故凡稍涉新奇者。必羅列不遺。即記載相同者。亦必稍異其詞。以駭觀聽。如羊侃傳。謂武帝新造兩刀。稍長丈四尺。令侃試之。南史則謂長二丈四尺。梁書謂侃挽弓至十餘石。南史則云。二十石。皆欲以奇動人也。然有時採掇過多。轉覺行文蕪雜者。如豫章王綜傳。正敘綜奔魏後。梁兵大潰而歸。為魏兵抄掠。而因及任煥。乘驢馬走。為抄傷足。歇橋下。抄者又至。煥足傷不能上馬。馬跪其前蹄。煥遂得騎而逸。又如王僧辨傳。正敘其攻郢州。入羅城。忽又敘有大星如車輪墜賊營。去地十餘丈。又有龍五色光耀。入鸚鵡洲水中。等事。平郢州後。正敘其進兵潯陽。忽又敘軍中多夢。周何二廟神云。吾已助天子討賊。乘朱航而返。日已殺景矣。同夢者數十百人等事。及師至鵲頭。風浪大作。僧辨仰天告誓。風遂止息。忽又敘羣魚躍水飛空。官軍上有五色雲。雙龍夾檻等事。既復京師。又奉命征陸納。方敘納據長沙拒守。忽又敘天日清明。俄而大雨。時人謂為泣軍。咸知納必敗也。又有兩龍自城西江中騰躍升天。遙映江水。父老咸悲曰。地龍已去。國其亡乎。諸如此類。必一一裝入。母怪行文轉多滯滯。不如梁書之爽勁也。

梁南二史岐互處

長沙嗣王業傳。梁書敘其父懿。當東昏無道。崔慧景奉江夏王寶元圍臺城。東昏徵懿赴援。懿在歷陽。即投箸而起。進兵擊敗慧景。乃加懿侍中尚書令。而倖臣茹法珍等忌懿功高位重。尋構東昏賜死。南史懿傳。則謂懿率兵入援時。武帝遣虞安福勸懿誅賊。後即勒兵入宮。行伊霍故事。若放兵受其厚爵。必生後悔。懿不從。遂及於難云。案懿在歷陽。聞詔即赴。一二日已達京師。敗慧景時。武帝方在襄陽。距京二千里。豈能逆知其事。而遣使在未平慧景之前。此必誤也。梁書本傳。無武帝勸懿廢立之事。南史慧景未反前。武帝遣趙祖悅勸懿與晉陽之甲。當即此一事。而係之於兩處耳。

邵陵王綸傳。梁書載其少年為丹陽尹時。侵漁細民。為少府丞何智通所奏。綸使戴子高刺殺智通。智通子訴於闕下。帝令圍綸第。捕子高。綸匿之。竟不出。坐是罷官。後復爵。其載綸之不善如此而已。南史則增綸因帝敕責。乃取一老公類帝者。加以袞冕。朝以為君。自陳無罪。旋即剝禡。而撻之於庭。又因昭明太子薨。帝立簡文為太子。綸以為非。乃伏兵於莽。常伺車駕。有張僧倖知之。謀頗泄。又獻曲阿酒百器。帝以賜寺人。飲之而斃。帝由此始不自安。每加衛士。以警宮禁。云案綸當侯景之變。率兵赴援鍾山之戰。最力。後兵敗而逃。聞湘東王繹以兵圍河東。王譽作書勸湘東。息家門之憤。赴君父之難。湘東不聽。反以兵逼綸。綸遂遁入齊昌。尚思匡復。為西魏兵所攻。被殺。是綸非肆逆者。且帝既先防其為亂。加衛士防之矣。侯景反時。豈肯又加以征討大都督之權。令其統諸軍討賊乎。此亦必南史好採異聞。而不究事之真偽也。至武陵王紀傳。梁書謂侯景之亂。紀不赴援。南史則謂紀先遣世子圓照。領兵三萬。受湘東王繹節度。繹令且駐白帝。未許東下。及武帝凶問至。紀總戎將發。繹又使胡智監

至蜀止之。是紀未嘗不發兵也。而梁書所謂不發兵者。蓋本元帝時國史。元帝既殺紀。欲著其逆節。而有是言。所謂欲加之罪。其無辭乎。此書當以南史為正。

王僧孺傳。梁書載其為南康王長史時。被典籤中傷去職。奉辭王府一箋。凡千餘字。案箋內有云。去矣何生。高樹芳烈之語。既辭王府。何以獨稱何生。殊不可解。南史雖刪此文。而謂僧孺將去。有友人何炯。猶在王府。僧孺與炯書。以見意。然後何生句始明。蓋別何炯書。非辭王府箋也。此又可見南史詳細處。至任昉傳。梁書南史俱謂昉出為新安太守。卒於官。而劉孝標廣絕交論有云。瞑目東粵。藐爾諸孤。流離大海之南。寄命瘴癘之地。是則昉沒於粵。非沒於新安也。二書俱誤。

南史於陳書無甚增刪

南史於他書多所增刪。獨至陳書則甚少。今以兩書比對。如杜僧明。周文育。侯安都。侯瑱。歐陽頔。吳明徹。黃法氈。淳于量。章昭達。程靈洗等傳。大概相同。但稍節其字句耳。其陳書所有而南史刪之者。周鐵虎傳。刪馬明戰死之事。任忠傳。刪後主倖臣沈客卿施文慶弄權誤國之事。華皎傳。刪戴僧朔曹慶錢明本魯閑席慧略等附見之事。傅縡傳。刪其明道論一篇。沈炯傳。刪其請終養一疏。答詔一道。江總傳。刪其修心賦一篇而已。其陳書所無而增之。及陳書所略而詳之者。如蕭摩訶傳。隋將賀若弼兵至建鄴。魯廣達力戰。賀若弼與七總管兵八千人。各勒陣以待之。弼躬當廣達。麾下死者二百七十餘人。弼縱烟以自隱。窘而復振。陳人得人頭輒走。獻後主取賞。弼更趨孔範軍。範敗走。陳軍遂潰。隋將擒蕭摩訶。送弼。弼以刀臨頸。辭色不撓。乃釋而禮之。又陳慧紀傳。慧紀聞隋師攻建鄴。先遣呂肅據巫峽。以鐵鎖橫江。四十餘戰。隋軍死者五千餘人。陳軍盡取其鼻。以邀賞。既而隋軍獲陳卒。則縱遣之。別帥廖

世寵詐降於隋。欲燒隋艦。風浪大起。火反燒陳船。陳軍大敗。慧紀尙率兵東下。隋晉王廣遣使以慧紀子來諭降。又使降將樊毅等。諭上流城戍悉解。慧紀不得已乃降。此陳書所略而詳之者也。任忠傳。忠降隋數年而死。隋文帝謂羣臣曰。平陳之初。我悔不殺任蠻奴。受人榮祿。兼當重寄。不能橫屍。而云無所用力。與宏演納肝。何其異也。傅縡傳。縡以直諫死。死後有蛇屈尾來上靈座。去而復來。百餘日。時有彈指聲。吳明徹傳。明徹為周所擒。封懷德郡公。義陽王叔達傳。陳書止載其入隋為絳郡通守。南史并載其入唐為禮部尙書。此皆陳書所無。而南史增之者也。其餘但刪減行墨。而絕無添列事蹟。蓋李延壽修南北二史。閱十七年。至修陳書。則已精力漸竭。故不能多為搜輯耳。

南史與陳書岐互處

南史於陳書雖無甚增刪。然如衡陽王傳。直書其為文帝所害。始興王伯茂傳。直書其為宣帝所害。劉師知傳。直書其害梁敬帝之事。使奸惡不能藏匿。此最有功於陳書。事俱見陳書避諱條內。

其他有與陳書岐互者。長沙王叔堅傳。陳書謂後主待堅漸薄。堅不自安。乃為左道祈福。刻木作偶人。衣以道士服。晝夜醮之。有人上書告其事。後主令宣敕責之。堅曰。非有他故。但欲求親媚耳。是左道厭魅。叔堅實有其事也。南史則云。後主陰令人造其厭魅之具。又令人告之。案驗令實。是叔堅本無此事。而後主誣陷之耳。又江總自序。太建之末。權移羣小。屢被摧黜。生平惟奉佛教。深悟苦空。陳書本傳。謂此序時人謂之實錄。南史則謂此敘識者譏其言跡之乖。惟此兩傳。二書岐互。觀於江總諂事後主。與自序不同。則亦當以南史為定也。

宋齊多荒主

南史於陳書無甚增刪 南史與陳書岐互處 宋齊多荒主

古來荒亂之君。何代蔑有。然未有如江左宋齊兩朝之多者。宋武以雄傑得天下。僅三年。而即有義符。文帝元嘉三十年。號稱治平。而未有元凶。劾之悖逆。孝武僅八年。而有子業。明帝亦八年。而有昱。齊高武父子僅十五年。而有昭業。明帝五年。而有寶卷。統計八九十年中。童昏狂暴。接踵繼出。蓋劫運之中。天方長亂。創業者不永年。繼體者必敗德。是以一朝甫興。不轉盼而輒覆滅。此固氣運使然也。今摘於左。宋少帝義符。武帝之長子也。善騎射。解音律。即位後。所為多乖戾。於華林園。為列肆。親自酤賣。又開瀆聚土。以象破岡埭。與左右引船唱呼。以為歡樂。徐羨之等廢立之夕。帝方遊天泉池。即龍舟而寢。詰朝未興。兵士進殺。二侍者并傷。帝指扶出。東閣收殮。羣臣拜辭。以皇太后令。廢為營陽王。遂徙於吳郡。未幾。羨之等使中書舍人邢安泰。弑帝於金昌亭。帝有勇力。不受制。突走出昌門。追以門闔踏之而殞。前廢帝子業。孝武帝之長子也。幼而狷急。在東宮。每為孝武所責。孝武西巡。帝參承起居。書迹不謹。孝武責之曰。書不長進。此是一條耳。初即位。受璽綬。傲然無哀容。始猶難諸大臣及戴法興等。既殺法興。於是又誅羣公。太后疾篤。呼帝。帝曰。病人間有鬼。那可往。太后怒。謂侍者曰。將刀來破我腹。那得生此寧馨兒。山陰公主帝妹也。淫恣過度。帝為置面首左右三十人。每出。使公主與朝臣共陪輦。自以在東宮時。不為孝武所愛。將掘其景寧陵。太史言不利。於帝而止。乃縱糞於陵。罵孝武為鱗奴。又掘殷貴妃墓。忿其在孝武時。專寵也。文帝第十女新蔡公主。帝之姑也。納之宮中。立為貴嬪。改姓謝氏。殺一婢。假稱公主薨逝。以鸞輅龍旂送還其家。又忌諸父建安王休仁。湘東王彧。帝即明山陽王休祐。聚之殿內。毆捶陵曳。無所不至。三王竝肥壯。帝以籠盛之。或尤肥。號為猪王。號休仁為殺王。休祐為賊王。嘗以木槽盛飯。納諸雞食。攪和之。裸彧入地坑中。令以口就槽食之。以為歡笑。令左右淫休仁生母楊太妃。備諸醜狀。又令淫南平王敬猷母。不從。即殺敬猷。及其弟敬淵。時廷尉劉蒙妻有孕。帝迎

入宮。冀生男。立為太子。會或嘗忤旨。帝裸之。縛其手脚。以杖貫之。使擔付大官。即日屠。休仁笑曰。未應死。帝問其故。休仁曰。待皇子生。殺豬作湯餅。帝意解。乃一宿出之。將南巡荆湘。期旦殺彧。休仁等然後發引。是夜彧與帝侍臣阮佃夫王道隆李道兒密結。帝左右壽寂之。姜產之等十一人共謀殺帝。先是帝遊竹林堂。使婦人裸身相逐。一婦人不從。命斬之。夜夢一女子罵其悖虐無道。帝怒。於宮中求得貌類所夢者。戮之。是夕又夢所戮女罵曰。汝枉殺我。我訴上帝矣。至是巫言此堂有鬼。帝與山陰公主及六宮綵女數百人捕鬼。帝親射之。事畢。將奏樂。壽寂之懷刀入。姜產之為副。諸姬皆走。帝亦走。追及之。大呼寂寂者三。手不能舉。乃被弑。後廢帝昱。明帝之長子也。五六歲即能緣漆竿。去地丈餘。食頃方下。漸長。喜怒乖節。左右失旨者。手加撲打。及即位。內畏太后。外憚大臣。未得肆志。三年後。好出入。單將左右。或十里。或二十里。或入市中。遇慢罵。則悅而受焉。四年後。無日不出。與解僧智張五兒。恆夜出承明門。夕去晨返。晨出暮歸。從者竝執鋌矛。道上男婦及犬馬牛驢。無免者。人問白晝不開門。道無行人。嘗著小褲褶。不衣冠。有白楮數十。鉗鑿刀。鋸不離左右。為擊腦髓。陰剖心之誅。日有數十。至屍臥。流血。然後快。左右人見之。有顰眉者。帝即令正立。以矛刺之。囉靈殿養驢數十頭。所自乘馬。養於御牀側。與右衛營女子私通。每從之遊。持數千錢。為酒肉費。出逢婚姻葬送。輒與挽車小兒羣飲。以為歡。既殺阮佃夫。佃夫有腹心人張羊。逃匿。後捕得。自以車轢殺之。殺杜延載。杜幼文。皆手自鬻割。蔡孫超有蒜氣。剖腹視之。執盾馳馬。自往刺杜叔文於元武湖北。聞沈勃多寶貨。往劫之。揮刀獨前。勃知不免。手搏帝耳。罵之曰。汝罪贖。紂遂見害。帝嘗露車一乘。以出入。從數十人。羽儀追之。恆不及。又各慮禍。亦不敢追。但整部伍。別在一處。瞻望而已。凡諸鄙事。遇目即能。鍛銀裁衣作帽。無不精絕。未嘗吹簫。執管便韻。天性好殺。一日無事。既慘慘不樂。內外憂惶。夕不及旦。蕭道成與直閣將軍王敬則謀之。七

月七日帝微行出北湖張五兒馬墜湖帝自馳騎刺馬屠割之與左右作羌胡伎為樂又於
 鬱岡賭跳後往青園尼寺新安寺偷狗就曇度道人煮之飲酒楊玉夫嘗有寵忽然見憎見
 輒切齒曰明日當殺小子是夜令玉夫伺織女渡河來報因與內人穿針訖大醉臥於仁壽
 殿東阿氈帳中王敬則先結玉夫及陳奉伯楊萬年等二十五人是夕玉夫俟帝眠熟與萬
 年同入氈帳取千牛刀殺之齊廢帝鬱林王武帝之孫文惠太子之子也文惠早薨武帝
 立為皇太孫性辨慧陰懷鄙惡與左右無賴二十餘人共衣食臥起妃何氏擇其中美者皆
 與交歡密就富人求錢無敢不與凡諸小人皆預加爵位許以南面之日即便施行師史仁
 祖侍書胡天翼懼禍皆自殺文惠太子每節其用度帝謂豫章王妃曰阿婆佛法言有福生
 帝王家今反是大罪不如市邊屠沽文惠疾及薨帝侍疾居喪哀容號毀見者皆嗚咽纔還
 內室即歡笑飲食備極甘滋葬畢立為皇太孫武帝往東宮帝迎拜號慟欲絕武帝自下輿
 抱持之以為必能負荷也帝令女巫楊氏禱祠速求天位文惠之薨謂由楊氏之力又令禱
 祈武帝晏駕武帝疾甚帝與妃何氏書紙中央作大喜字而作三十六小喜字繞之武帝臨
 崩謂曰五年中一委宰相五年以後勿復委人執帝手曰阿奴若憶翁當好作如此者再大
 斂始畢即呼武帝諸伎奏樂又好狗馬即位未旬日即毀武帝招婉殿作馬埽馳騎而墜面
 額竝傷稱疾不出者數日多聚名鷹快犬飼以梁肉武帝梓宮下渚帝於端門內奉辭便稱
 疾還內奏胡伎鞞鞞之聲響震內外王敬則問蕭坦之曰不太忽邪坦之曰此是內人哭
 響徹耳山陵之後微服遊市里多往文帝陵隧中與羣小作諸鄙褻擲塗賭跳放鷹走狗極
 意賞賜動至數十萬每見錢曰我昔思汝一个不得今日得用汝未武帝聚錢上庫五億萬
 齋庫三億萬金銀布帛不可勝計未期年用已過半以諸寶器相擊剖碎以為笑樂好鬪雞
 買雞價至數千徐龍駒為後宮舍人日夜在宮內帝與文帝幸姬霍氏私通改姓徐氏龍駒

勸長留宮中聲云度霍氏為尼以餘人代之皇后亦淫亂齋閣通夜洞開內外無別西昌侯
 鸞帝即明使蕭謀等誅倖臣曹道剛朱隆之等率兵自尚書省入王晏徐孝嗣等繼進帝在壽
 昌殿方裸身與霍氏相對謀兵入宮帝走向徐姬房內拔劍自刺不入以帛纏頭頸輿接出
 西弄遇弒齊廢帝東昏侯寶卷明帝第二子也以母后故立為皇太子在東宮好弄不喜
 書學嘗夜捕鼠達旦以為樂明帝臨崩囑以後事曰作事不可在人後故委任羣小誅殺大
 臣性訥澁少言不與朝士接惡明帝靈在太極殿欲速葬徐孝嗣力爭得踰月每當哭輒云
 喉痛羊圍入臨無髮號慟俯仰頓遂落地帝大笑曰此禿秋啼來乎自江祐等誅後無所忌
 憚日夜戲馬擊鼓吹角左右數百人叫雜以羌胡橫吹諸伎嘗以五鼓就臥至晡乃起王侯
 朝見至晡乃得前或際暗遣出臺閣奏案不知所在閣豎以紙包裹魚肉還家竝是五省黃
 案也元旦朝會食後方出禮纒畢便還西序寢百僚陪位者自己至申皆僵仆拜潘妃為貴
 妃乘臥輿帝騎馬從後著織成袴褶金薄帽七寶稍金銀杖具等各有名字戎服急裝不避
 寒暑陵冒雨雪馳騁阮奕渴輒下馬取腰邊蠶器酌水飲之乘具懼為雨濕織雜采珠為覆
 好為擔幢初學時幢每傾倒其後白虎幢七丈五尺齒上擔之折齒不倦黃門五六十人為
 騎客又選無賴善走者為逐馬置射雉場二百六十處霧中帷幃皆紅綠錦為之金銀鏤弩
 牙瑋瑁帖箭每出與鷹犬隊主徐令孫翳隊主俞靈韻齊馬而走又不欲人見之驅逐百姓
 惟置空宅一月率二十餘出既往無定處尉司常慮得罪東行驅西南行驅北應旦出夜便
 驅逐打鼓踏圍鼓聲所聞便應走避不及者應手格殺從萬春門東至郊外數十里皆懸
 幔為高幃處處禁斷疾病者悉扛移無人扛者扶匍道側吏司又捶打絕命者相繼有棄病
 人於青溪邊者吏懼帝見推置水中須臾便死魏興太守王敬賓新死未斂家被驅不得留
 視及還兩眼已為鼠食盡有一婦人當產不能去帝即剖其腹看男女長秋卿王假病篤不

得留家。乃死於路邊。丹陽尹王志被驅。狼狽步走。藏酒甌邊。至夜半方得歸。蔣山定林寺一僧。病不能去。立殺之。左右韓暉光曰。老道人可念。帝曰。汝見麋鹿。亦不射耶。璿儀等殿。及華林祕閣。三千餘間。盡被火燒。有左右趙鬼者。能誦西京賦云。柏梁既災。建章是營。於是大起芳樂。芳德等殿。又為潘妃起神仙永壽玉壽三殿。皆飾以金璧。莊嚴寺有玉九子鈴。外國寺佛。面有光相。禪靈寺塔。有諸寶珥。皆剔取以為殿飾。又鑿金為蓮花。使潘妃行其上。曰。步步生蓮花也。潘氏服御。極選庫物。不周。貴市人間金寶。價皆數倍。琥珀一雙。直百七十萬。又訂出雄雉頭。鶴氅。白鷺縵。百品千條。無復窮已。親倖小人。因緣為奸。科一輪十。百姓困窮。號泣滿路。凡諸市買。遇便掠奪。商旅無訴。又以閩武堂為芳樂苑。當暑種樹。朝種夕死。徵求人。家望樹便取。毀牆撤屋出之。合抱者亦皆移植取玩。俄頃烈日中至。便焦枯死。而又種無復已極。諸樓壁上。畫男女私褻之狀。明帝時所聚金寶。悉泥而用之。猶不足。令富戶買金。限以賤價。又不還直。潘妃威行遠近。父寶慶挾勢逞毒。富人悉誣以罪。而沒入之。潘妃生女。百日而亡。帝為制衰經。羣小來弔。帝蔬膳積旬。不聽音伎。陶人王寶孫等。共治肴羞。為天子解菜。又於苑中立店肆。帝與宮人等。共為裨販。以潘妃為市令。自為市吏錄事。帝小有失。妃亦予杖。乃敕虎賁不得進。大荆雖畏潘氏。而私與諸姊妹淫通。又開渠立埭。躬自引船。埭上設店。坐而屠肉。於時百姓歌云。閩武堂。種楊柳。至尊屠肉。潘妃沽酒。朱光尚託鬼道。謂帝曰。向見先帝。瞋怒。帝乃縛菰為明帝形。北向斬之。懸首苑門。會魏師來伐。令楊南徐二州人。三丁取兩遠郡悉令上米。一人准五十斛。輸米既畢。就役如故。蕭衍師至。帝袴褶登南掖門。又虛設馬仗。千人張弓。拔矢出東掖門。稱蔣王出盪。外圍既立。屢戰不勝。帝猶惜金錢。不肯賞賜。茹法珍叩頭請之。帝曰。賊來獨取我耶。何為就我求物。將軍王珍國張稷等懼禍。乃結後閣舍人錢強。遊盪主崔叔智。夜開雲龍門。稷珍國勒兵入殿。帝方吹笙歌。作兒女子。臥未熟。聞兵

入。急趨出。陶人黃泰平刃傷其膝。直後張齊斬首送蕭衍。宣德太后令廢為東昏侯。陳後主叔寶。宣帝嫡長子也。即位後。荒於酒色。不郵政事。左右嬖佞。珥貂者五十人。婦人美麗從者千餘人。常使張貴妃孔貴人等八人夾坐。江總孔範等十人預宴。號曰狎客。先令八婦人擘采箋。製五言詩。十客一時繼和。遲罰酒。君臣酣飲。從夕達旦。以此為常。盛修宮室。無時休止。稅江稅市。征收百端。刑罰酷濫。牢獄常滿。隋兵至。入井避之。軍人呼之不應。欲下石。乃聞呼聲。以繩引之。驚其太重。及出。乃與張孔二嬪同乘而上。高顯入宮。見其臣下所啓軍事。猶在牀下。尚未啓封也。入隋以善終。本紀。魏徵史論。後主於光熙殿前。起臨春綺綺望仙三閣。閣高數丈。竝數十間。其窗牖壁帶。懸楣欄檻之類。竝以沈檀香木為之。又飾以金玉。間以珠翠。外施珠簾。內有寶牀寶帳。其服玩之屬。瑰奇珍麗。近古所未有。每微風暫至。香聞數里。朝日初照。光映後庭。其下積石為山。引水為池。植以奇植。雜以花藥。後主自居迎春閣。張貴妃居結綺閣。龔孔二貴嬪居望仙閣。竝複道交相往來。又有王李二美人。張薛二淑媛。袁昭儀。何婕妤。江修容等七人。竝有寵。遞代以遊其上。以宮人有文學者。袁大捨等。為女學士。後主每引賓客。對貴妃等遊宴。則使諸貴人及女學士。與狎客共賦新詩。互相贈答。採其尤豔麗者。以為曲詞。被以新聲。選宮女有容色者。以千百數。令習而歌之。分部迭進。持以相樂。其曲有玉樹後庭花。臨春樂等。大指所歸。皆美張貴妃孔貴嬪之容色也。其略曰。璧月夜夜滿。瓊樹朝朝新。而張貴妃髮長七尺。鬢黑如漆。其光可鑑。特聰慧有神采。進止閑雅。容色端嚴。每瞻視盼睇。光采溢目。照映左右。常於閣上。靚妝臨於軒檻。宮中遙望。飄若神仙。才辯強記。善候人主顏色。是時後主怠於政事。百司啓奏。竝因宦者蔡脫兒李善度進請。後主置張貴妃於膝上。共決之。李蔡所不能記者。貴妃竝為條疏。無所遺脫。由是益加寵異。冠絕後庭。而後宮之家。不遵法度。有挂於理者。但求哀於貴妃。貴妃則令李蔡先啓其事。而後從容為言。

之大臣有不從者亦因而譖之所言無不聽於是張孔之勢薰灼四方大臣執政亦從風而靡聞官便佞之徒內外交結轉相引進賄賂公行賞罰無常綱紀替亂矣

案宋齊陳書及南史所記如此其無道最甚者其受禍亦最烈若僅荒於酒色不郵政事則雖亡國而身尚得全又可見劫運煩促中仍有報施不爽者可以觀天恩矣

宋世閨門無禮

宋武起自鄉豪以詐力得天下其於家庭之教固未暇及也是以宮闈之亂無復倫理趙倩尚文帝女海鹽公主始與王濬出入宮掖與主私通倩知之與主肆詈搏擊至引絕帳帶事上聞文帝詔離婚殺主所生母蔣美人宋書趙倫之傳如此南史則謂倩與公主素相愛因戲言以手擊主事上聞文帝怒遂離婚孝武閨庭無禮有所御幸嘗留止其母路太后房內故人間咸有醜聲宮掖事秘莫能辨也路太后又與南郡王義宣諸女淫亂義宣因此發怒遂舉兵反義宣敗後帝又密取其女入宮假姓殷氏拜為淑儀左右宣泄者多死殷卒帝命謝莊作哀册文殷淑儀傳前廢帝子業以文帝女新蔡公主為貴嬪改姓謝氏殺一宮婢代之詭言主薨以武賁鈇戟鸞輅龍旂送還其家廢帝紀并見何遜傳帝姊山陰公主淫恣過度帝謂曰妾與陛下雖男女有殊俱託體先帝陛下後宮數百而妾惟駙馬一人事不均平一何至此帝為置面首左右三十人公主又以吏部郎褚淵貌美就帝請以自侍備見逼迫十餘日淵誓死不回乃得免廢帝紀帝又使左右淫建安王休仁母楊太妃劉道隆欲得帝歡盡諸醜狀休仁妃殷氏有疾召祖翻診視祖翻貌美殷悅之遂與姦事泄遣還家賜死仁傳明帝內宴裸婦人而觀之以為歡笑王皇后獨以扇障面帝怒曰外舍寒乞今共為樂何為不視后曰為樂之方甚多豈有姑姊妹相聚而裸婦人形體以此為樂實外舍所無帝大怒后傳帝又以妃陳氏賜李道兒尋又迎還生後廢帝故人

間皆呼廢帝為李氏子廢帝亦自稱李將軍或自謂李統陳太妃傳帝又素肥晚年廢疾不能內御諸弟姬人有孕者輒取入宮生子則殺其母而與六宮所愛者養之順帝本桂陽王休範子也以陳昭華為母陳昭華傳此見於紀傳者宮庭內習尚如此宜乎士大夫以聯姻帝室為畏途且凡為公主者皆淫妬人主亦自知之故江數當尚主明帝使人代數作辭婚表徧示諸公主以愧厲之文穆皇亦一代得失之林也

齊鬱林尊其母王太后稱宣德宮置男左右三十人前代所未有也南史王梁武與殷淑素舊乃以女永興公主妻其子鈞鈞形貌短小為主所憎每被召入先滿壁書殷淑字鈞輒流涕而出主又命東而反之鈞不勝怒而言於帝帝以犀如意擊主碎其背是梁時公主亦然

宋子孫屠戮之慘

宋武帝七子長義符即位以失德為徐羨之等所廢殺於金昌亭次廬陵王義真亦被廢殺於新安郡次文帝義隆為其子劭所弑次彭城王義康為文帝賜死其子允文次江夏王義恭為前廢帝所殺先有二十子盡為劭所殺後次南郡王義宣以謀反為朱修之所殺惟愷逃在民間亦捕殺餘子次衡陽王義季以飲酒致殞傳國至孫齊受禪國除是武帝七子惟在江陵者皆為修之所殺次義季善終有後其餘皆死於非命且無後也文帝十九子長元凶劭次始興王濬皆以弑逆被誅劭四子濬三子皆梟首次孝武帝次南平王鐸為孝武所忌使沈慶之攻殺之無子次建平王宏善終其子景素後廢帝時被殺次廬江王緯明帝逼令自殺有子克明次晉熙王景前廢帝欲討之乃奔魏禪陽死惟景奔魏後為駙馬都尉有子承緒孫文遠等次武昌王渾孝武帝

宋世閨門無禮 宋子孫屠戮之慘

逼令自殺。無子。次明帝。次始安王休仁。為明帝所忌。賜死。其子伯融。伯猷。後廢帝次晉平王休祐。明帝使人觸之。墜馬死。道成以朝命。並賜死。次海陵王休茂。以反被殺。次鄱陽王休業。臨慶王休倩。新野王夷父。皆早卒。次桂陽王休範。舉兵討蕭道成。為張敬兒所殺。子德宣。德嗣。皆被殺。次巴陵王休若。為明帝賜死。子冲。是文帝十九子。惟孝武及明帝嗣位。紹及宏善終。景奔魏。休業休倩夷父早卒。其餘皆不得死。且亦無後也。孝武帝二十八子。天殤者十。為前廢帝所殺者二。為明帝所殺者十六。見南史。當明帝時。以孝武子孫。誅殺已盡。轉以己子武陵王贊。為孝武後。則孝武子孫。已無一在者可知也。案劉休傳。明帝素肥瘠。不能御內。諸王妾有孕者。密取入宮。生子則閉其母於後房。順帝本桂陽王休範子也。蒼梧亦非帝子。陳太妃先為李道兒妾。故蒼梧自稱李統云。然則明帝雖有十二子。皆非親子也。而何以自護其假子。而盡殺祖宗之子孫。卒之十二子中。後廢帝及順帝。皆為蕭道成所弑。隨陽王翽。新興王嵩。始建王禧。亦為道成所殺。智井燮。躋。皆出繼。而燮亦為道成所殺。智井燮生卒不可攷。惟法良及邵陵王友。暨第四子之未名者。以早夭免誅。然則明帝十二子。其真偽本不可知。而即其自號為親子者。天卒不過數人。其餘亦皆不得其死。且皆年幼無子也。南史順帝紀。謂帝遜位被害。後宋之王侯。無少長皆盡矣。然則宋武九子。四十餘孫。六七十曾孫。死於非命者。十之七八。且無一有後於世者。當其勃焉興也。子孫繁衍。為帝為王。榮貴富盛。極一世之福。及其敗也。如風之捲籜。一掃而空之。橫屍喋血。斬艾無噍類。欲求為匹夫之傳家保世。而不可得。斯固南北分裂時。劫運使然。抑亦宋武以猜忍起家。肆虐晉室。戾氣所結。流禍於後嗣。孝武明帝。又繼以凶忍慘毒。誅夷骨肉。惟恐不盡。兄弟子姓。悉草薶而禽。獮之。皆諸帝之自為屠戮。非假手於他族也。卒至宗支盡。而已之子孫。轉為他族所屠。豈非天道好還之明驗哉。前廢帝嘗夢其母王太后。謂之曰。汝不孝不仁。本無人君之相。子尚愚悖。亦非運祚所

及。孝武險虐滅道。怨結神人。兒子雖多。竝無天命。是冥冥中固有鑒觀不爽者。孝武既以多殺文帝子。而絕嗣。明帝又以多殺孝武子。而其子亡國殞身。無復子遺。真所謂自作之孽也。

廿二史劄記卷十一終

宋子孫屠戮之慘

廿二史劄記卷十二

陽湖趙翼撰

人君即位冠白紗帽

宋前廢帝子業將殺湘東王或或結左右壽寂之等弑帝於後堂建安王休仁便稱臣引或升西堂登御座事出倉猝猶著烏紗帽休仁呼主衣以白紗帽代之乃即位是為明帝明帝後廢帝昱無道蕭道成使王敬則結帝左右陳奉伯等弑之明且召大臣會議敬則遽呼虎賁鉞戟羽儀手自取白紗帽加道成首令道成即位曰事須及熱道成呵之乃止齊高帝紀又齊書柳世隆傳沈攸之起兵謂諸將曰我被太后令建義下都大事若尅白紗帽當共著耳是古來人君即位例著白紗帽蓋本太子由喪次即位之制故事相沿終以白紗帽為登極之服也

齊梁之君多才學

創業之君兼擅才學曹魏父子固已曠絕百代其次則齊梁二朝亦不可及也齊高帝雖不以才學名然少為諸生劉瓛傳從雷次宗受業治禮及左氏春秋本紀為領軍時與謝超宗共屬文愛超宗才翰超宗傳即位後見武陵王奕效謝康樂體詩訓之曰康樂放蕩作體不辨首尾安仁士衡深可宗尚顏延之抑其次也是帝之深於詩文也奕傳又嘗與王僧虔賭書畢謂僧虔曰誰為第一僧虔曰臣書第一陛下亦第一帝笑曰卿可謂善自為謀僧虔傳是帝之

精於書法也其子孫亦多以才著臨川王映能左右書映傳鄱陽王鏐好文章桂陽王鏐好文名理人稱為郗桂鏐傳江夏王鋒五歲學鳳尾諾一學即工十歲能屬文武帝謂其書為第一明帝輔政翦除高武子孫鋒作修柏賦以寓意鋒傳此其子之多才學也文惠太子臨國學與王儉講禮記母不敬周易乾震之義文惠傳竟陵王子良招致學士鈔五經百家為四部要略千卷子良傳晉安王子懋撰春秋例苑三十卷子懋傳隨郡王子隆能文武帝曰此我家東阿也子隆傳此其孫之多才學也而諸孫中尤以豫章王嶷之諸子為最子範入梁為南平王從事製千字文令蔡遠注之府中文筆皆子範屬草簡文遇侯景之逼葬其後使子範作哀冊文詞極工惋帝曰此段莊陵萬事零落惟哀冊尚有典刑子顯著鴻序賦沈約見之極為傾倒又採衆家後漢書考正同異作後漢書一百卷又撰齊書六十卷普通北伐記五卷貴儉傳三卷文集二十卷其子體亦工詩於宣猷堂與諸名人餞謝暉出守賦詩用十五劇韻獨先就又極工子顯傳子顯弟子雲有文藻弱冠撰晉書年二十六書成百餘卷又工書百濟國使人求其書植子雲將出都使者望船一步一拜子雲遣問之曰侍中尺牘之美名聞海外今日所求惟在名迹乃停舟書三十紙與之其子特亦工書梁武謂之曰子敬之迹不及右軍蕭特之筆遂過於父子雲傳此亦蕭齊後人負一代文學之望者也至蕭梁父子間尤為獨擅千古武帝少而篤學洞達儒元雖萬機多務猶卷不輟手造制旨孝經義周易講疏及六十四卦二繫文言序卦等義樂社義毛詩答問春秋答問尚書大義中庸講疏孔子正言老子講疏共二百餘卷又令明山賓等述制旨并撰吉凶軍賓嘉五禮一千餘卷又造通史親制讚序凡六百卷天性睿敏下筆成章千賦百詩直疏便就諸文集又一百卷竝撰金策三十卷兼長釋義製涅槃大品淨名三慧諸經義又復數百卷歷觀古帝王藝能博學罕或有焉武本昭明太子三歲受孝經論語五歲遍讀五經及長讀書數行竝下過目皆憶每遊

人君即位冠白紗帽 齊梁之君多才學

宴祖餞賦詩輒十數韻。或作劇韻。皆屬思便成。無所點易。著文集二十卷。古今典詰文言爲正序十卷。五言詩之善者。爲文章英華二十卷。文選三十卷。本傳。簡文帝六歲便能屬文。既長。九流百氏。經目必記。篇章詞賦。操筆立成。博綜儒書。善言元理。自序其詩云。余七歲有詩癖。長弗倦也。史論謂其傷於輕豔。當時號曰宮體。所著昭明太子傳五卷。諸王傳三十卷。禮大義二十卷。老子義二十卷。莊子義二十卷。長春義記一百卷。法寶連璧三百卷。本紀。元帝好學。博極羣書。才辨敏速。冠絕一時。著孝德傳三十卷。忠臣傳三十卷。丹陽尹傳十卷。注漢書一百一十五卷。周易講疏十卷。內典博要一百卷。連山三十卷。洞林三卷。玉韜十卷。老子講疏四卷。全德志。懷舊志。荆南志。江州記。貢職圖。又古人同姓名錄一卷。筮經十二卷。式贊三卷。文集五十卷。本紀。南康王績。七歲有人洗改官文書者。即能察出。本傳。邵陵王綸。預餞衡州刺史元慶和。於坐賦詩十二篇。末云。方同廣川國。寂寞久無聲。武帝大賞之。曰。汝人才如此。何慮無聲。其後湘東王繹。與河東王譽交兵。綸作書勸其息。家庭之爭。赴君父之急。詞極愷切。動人。本傳。武陵王紀。少勤學。有文才。屬詞不好輕華。甚有骨氣。本傳。此梁武父子間才學也。帝弟南平王偉。精元學。著二旨義。別爲新通。又製性情機神等論。周捨殷芸俱不能屈。本傳。鄱陽王恢。獵史籍。本傳。安成王秀。精意學術。搜集傳記。招劉孝標爲類苑。未畢而已行於世。本傳。此又帝諸弟之才學也。昭明諸子。史不著其能文。簡文子大心。幼聰明。善屬文。大臨以明經射策甲科。大連少俊爽。工文。兼善丹青。武帝賜以馬。卽爲謝啓。其詞甚美。大鈞七歲學詩。武帝賜以王羲之書一卷。元帝子方等。嘗著論以魚鳥自況。因不得於父也。曾注范蔚宗後漢書。未就。所撰三十國春秋。及靜住子。行於世。第三子方諸。博學明老易。善談元詞辨風生。南康王績子會理。少聰慧。好文史。其弟通理。博學有文才。嘗祭孔文學墓。爲之立碑。其文甚美。邵陵王綸子堅。善草隸。其弟確。尤工楷法。公家碑誌。皆令書之。除祕書丞。武帝

謂曰。以汝能文。故有此授。武陵王紀子圓。正爲元帝囚於荊州。曾有連句詩曰。水長二江急。雲生三峽昏。願貫淮南罪。思報阜陵恩。元帝覽詩而泣。此皆見於各本傳者。此武帝諸孫之才學也。帝兄懿之子淵。蕩善屬文。尤好古體。非公宴不妄作。雖小文。成輒棄本。懿之孫孝儼。從帝遊華林園。於坐獻相風烏華光殿景陽山等頌。南平王偉之孫靜。宗室後進。有文才。篤志好學。散書滿席。手自校讐。鄱陽王恢之子範。無學術。而率意題章。皆有奇致。嘗得舊琵琶。齊竟陵王子良舊物也。卽攬筆爲詠。以示湘東王。王作琵琶賦和之。始興王憺之子映。因野穀生爲嘉穀頌。其弟奕。當簡文入居監撫。爲儲德頌。以獻安成王秀之子機。博覽彊記。有詩賦數千言。元帝序而傳之。機弟推亦善屬文。爲簡文所賞。此亦皆見於本傳者。又帝從子從孫之才學也。

齊明帝殺高武子孫

宋子孫多不得其死。猶是文帝孝武廢帝明帝數君之所爲。至齊高武子孫。則皆明帝一人所殺。其慘毒自古所未有也。明帝本高帝兄子。早孤。高帝撫之。恩過諸子。歷高武二朝。爵通侯。官僕射。至鬱林王時。輔政。因鬱林無道。弑之。而立海陵。不數月。又廢弑之。而奪其位。自以得不以正。親子皆幼小。而高武子孫。日漸長大。遂盡滅之。無遺種。子岳。今按高帝十九子。長武帝。次豫章王嶷。臨川王映。長沙王晃。武陵王爽。安成王暠。始興王鑑。皆卒於明帝前。故未被害。又早殤者四人。其餘鄱陽王鏘。桂陽王鐸。江夏王鋒。南平王銳。宜都王鏗。晉熙王錄。河東王鉉。衡陽王鈞。皆明帝所殺也。武帝二十三子。長文惠太子早薨。次竟陵王子良。善終。魚復侯子響。武帝時以擅殺長史。拒臺兵。見殺。又早殤者四人。其餘廬陵王子卿。安陸王子敬。晉陵王子懋。隨郡王子隆。建安王子真。西陽王子明。南海王子罕。巴陵王子倫。邵陵王子貞。

臨賀王子岳。西陽王子文。衡陽王子峻。南康王子琳。湘東王子建。衡陽王子珉。南郡王子夏。皆明帝所殺也。文惠太子子鬱。林王昭業。海陵王昭文。既為明帝所弑。巴陵王昭秀。桂陽王昭粲。亦明帝殺之。甚至竟陵王子良之子昭胄。昭穎。亦明帝所殺。統計高帝後。惟豫章王嶷有子子廉。子恪。子操。子範。子顯。子雲等。有後於梁。其餘諸子。及武帝文惠諸子孫。大半皆被明帝之禍。且俱無後。按齊高嘗戒武帝曰。宋氏若骨肉相殘。他族豈得乘其衰敝。故終武帝世。諸兄弟尚得保全。然齊高但知宋之自相屠戮。而不知己之殺劉氏子孫之慘。當巴陵王子倫被害時。謂茹法亮曰。先朝殺滅劉氏。今日之事。理數固然。是天理即人心。殺人子孫者。人亦殺其子孫。金翅下殿。搏食小龍無數。子夏傳。明帝名。即金翅鳥也。斯固齊高之自取也。然齊明之忍心害理。亦已至矣。建武中。凡三誅諸王。每一行事。帝輒先燒香火。嗚咽流涕。人以此知其夜當有殺戮。子岳傳。每殺諸王。皆以夜遣兵圍宅。或斧砍關。排牆而入。謝傳。當時高武子孫。朝不保夕。每朝見。鞠躬俯僕。不敢正行直視。銜傳。桂陽王鐸。見帝後。出謂人曰。吾前日見上流涕嗚咽。而鄱陽隨郡誅。今日又流涕而有愧色。其在吾耶。是夕果見殺。鐸傳。宜都王鐸。詠陸機弔魏武云。昔以四海為己任。死則以愛子託人。左右皆泣。未幾賜死。銜傳。王敬則起兵向闕。以奉南康王子恪為名。子恪逃走。不知所在。明帝欲盡殺高武子孫。乃悉召入尚書省。敕人各兩左右自隨。孩抱者乳母隨入。其夜太醫煮藥。都水辦棺材數十具。須三更悉殺之。會子恪自吳奔歸。二更刺啓入。時刻已至。而帝眠未醒。沈徽孚單景雋少留其事。及帝覺。乃白子恪已至。帝驚曰。未盡諸王命耶。景雋具以事答。明日悉遣諸王侯還第。昭傳。蓋天良難昧。帝亦動於心之所不安也。然其後又卒皆誅死。然則齊明之殘忍慘毒。無復人理。真禽獸之不若矣。卒之高武子孫既盡。而已之子東昏侯寶卷。和帝寶融。皆被廢殺之禍。江夏王寶玄。先為東昏所殺。鄱陽王寶寅逃入魏。後亦謀反誅。郡陵王寶攸。晉熙王寶嵩。桂陽王寶貞。皆

中興元二年賜死。惟廣陵王寶源以先卒。未被禍。巴陵王寶義。以廢疾得善終。餘皆早夭。是明帝之子。亦無一得免禍者。始安王遙光。明帝親兄子。明帝謀害諸王。皆遙光贊成之。後遙光亦以反誅。真所謂天理昭彰。報施不爽。凡殺人以利己者。可以觀於此矣。

齊制典籤之權太重

齊制諸王出鎮。其年少者。則置行事及典籤以佐之。一州政事。以及諸王之起居飲食。皆聽命焉。而典籤尤為切近。齊書孝武諸子傳論。謂帝子臨州。年皆幼小。故輔以上佐。簡自帝心。州國府第。先事後行。飲食起居。動應聞啓。行事執其權。典籤掣其肘。處地雖重。行己莫由。斯宋氏之餘風。在齊而彌甚也。今見於列傳者。武陵王奕為丹陽尹。始不置行事。得自親政。奕傳。隨郡王子隆督益州。始親府州事。子隆傳。可見其始皆有行事。不得自專也。蔡約為宜都王長史。行府州事。時諸王行事。多相裁割。約在任。主佐之間。穆如也。約傳。可見行事如約者少也。劉暄為江夏王寶元郢州行事。執事過刻。有人獻馬。寶元欲看之。暄曰。馬何須看。妃索煮臠。暄曰。已煮鵝。不復煩此。寶元曰。舅殊無渭陽之情。江祐傳。可見行事之威制也。此行事之弊也。其籤帥之權。如武陵王奕在江州。忤典籤趙渥。趙渥啓其得失。即召還京。奕傳。宜都王鏗舉動。每為籤帥所判。立意多不得行。鏗傳。南海王子罕。欲暫遊東堂。典籤姜秀不許。還泣謂母曰。兒欲移五步。不得與。囚何異。邵陵王子貞。求熊白。厨人答以無。典籤命不敢與。西陽王子明。欲送書侍讀鮑僕。典籤吳修之不許。乃止。俱見子倫傳。其有不甘受制。而擅殺典籤者。則必治以專輒之罪。如長沙王晃為典籤所裁。晃殺之。高帝大怒。手詔賜杖。晃傳。魚復侯子響。為行事劉寅典籤吳修之等所奏。武帝遣臺使檢校。子響憤殺寅修之等。後以抗拒臺兵。被誅。子響是以威行州郡。權重藩君。勢積重而難反。當子響之殺寅等也。武帝聞之。曰。子響遂反。

戴僧靜大言曰：諸王都應反，帝問故，對曰：諸王無罪，而一時被囚，取一挺藕，一杯漿，籤帥不在，則竟日忍渴，諸州但聞有籤帥，不聞有刺史。見子倫傳，而僧靜傳，武帝使僧靜往討，僧靜曰：過悞殺人，有何大罪，而忽遣軍西上耶？僧靜不敢奉詔。竟陵王子良嘗問范雲曰：士大夫何故詣籤帥？雲曰：詣長史以下，皆無益，詣籤帥，便有十倍之利，不詣何為？子倫傳。故明帝殺諸王，無一不就，典籤殺之，其初輔政時，防制諸王，先致密旨於上佐。孔琬傳。又令蕭謀召諸王，典籤約不許，諸王外接人物，謙傳。其害巴陵王子倫也，懼其有兵，能拒命，以問典籤裴伯茂，伯茂曰：若遣兵，恐不可，即得委伯茂，則一小吏力耳，果以酖逼之死。子倫傳。又遣裴叔業害南平王銳，防閑周伯玉，欲斬叔業，舉兵匡社稷，典籤叱左右斬之，銳遂見害。銳傳。積威之漸，一至於此。

按南史呂文顯傳，故事府州部內論事，皆用籤，前敍所論之事，後書某官某籤，故府州置典籤，掌之本五品吏耳。宋季多以幼小王子出為方鎮，人主皆以親近左右為典籤，一歲中還都者數四，人主輒問以刺史之賢否，往往出於其口，於是威行州郡，權重藩君，齊明帝知之，始制諸州論事不得遣典籤，其任稍輕，其後仍復積重，梁書江革為廬陵王長史，時少王行事，多傾意於籤帥，革以正直自處，不與籤帥同坐，蓋以典籤本微賤者也，然官小而權重，革之為此，豈至梁時籤帥已輕，不復如齊時之威福在手耶？

南朝以射雉為獵

南朝都金陵，無蒐狩之地，故嘗以射雉為獵。宋明帝射雉，至日中無所得，甚慚曰：吾且來如臯，遂空行可笑。褚炫對曰：今節候雖適，而雲霧尚凝，故斯輩之禽，驕心未警，帝意解，乃於雉場置酒。宋書。帝至巖山射雉，有一雉不肯入場，日暮將返，留晉平王休祜待之，令勿得雉，勿返，休祜便馳去，上令壽寂之等追之，蹶令墜馬死。休祜傳。齊武帝永明六年，郟郟超諫射雉，

上為之止，久之超竟誅，後又將射雉，竟陵王子良又諫止。子良傳。東昏置雉場二百九十六處，翳中帷幃皆紅綠錦為之，有鷹犬隊主，翳隊主等官。齊紀。

江左世族無功臣

六朝最重世族，已見叢考前編，其時有所謂舊門、次門、後門、勳門、役門之類，以士庶之別為貴賤之分，積習相沿，遂成定制。陶侃微時，郎中令楊暉與之同乘，溫雅謂暉曰：奈何與小人同載，都鑿陷陳午賊中，有同邑人張寶先附賊來見，竟卿鑿鑿曰：相與邦壤，義不及通，何可怙亂至此？寶慚而退。楊方在都，縉紳咸厚之，方自以地寒，不願留京，求補遠郡，乃出為高梁太守，王僧虔為吳興郡守，聽民何係先等一百十家為舊門，遂為阮佃夫所劾，張敬兒斬桂陽王休範，以功高當乞鎮襄陽，齊高輔政，以敬兒人位本輕，不欲便處以襄陽重鎮，侯景請婚王謝，梁武曰：王謝門高，可於朱張以下求之，一時風尚如此，即有出自寒微，奮立功業，官高位重，而其自視猶不敢與世族較，陳顯達既貴，自以人微位重，每遷官，常有愧懼之色，誠諸子曰：我本志不及此，汝等勿以富貴驕人，又謂諸子曰：塵尾是王謝家物，汝不須捉此，王敬則與王儉同拜開府，褚淵戲儉以為連璧，儉曰：老子遂與韓非同傳，或以告敬則，敬則欣然曰：我本南沙小吏，今得與王衛軍同拜三公，復何恨？敬則傳。王琳為梁元帝所忌，出為廣州刺史，琳私謂李膺曰：官正疑琳耳，琳分望有限，豈與官爭為帝乎？何不使琳鎮雍州，琳自放兵作田，為國捍禦外侮也。琳傳。且不特此也，齊高在宋，以平桂陽之功，加中領軍，猶固讓與袁粲，褚淵書自稱下官，常人志不及遠，褚淵傳。及即位後，臨崩遺詔亦曰：吾本布衣素族，念不到此，本紀可見當時門第之見，習為固然，雖帝王不能改易也。然江左諸帝，乃皆出自素族，宋武本丹徒京口里人，少時伐荻新洲，又嘗負刁逵社錢被執，其寒賤可知也。齊高自稱素

族則非高門可知也。梁武與齊高同族，亦非高門也。陳武初館於義興許氏，始仕爲里司，再仕爲油庫吏，其寒微亦可知也。其他立功立事爲國宣力者，亦皆出於寒人。如顧榮、卜壺、毛寶、朱伺、朱序、劉牢之、劉毅等之於晉，檀道濟、朱齡石、沈田子、毛修之、朱修之、劉康祖、到彥之、沈慶之等之於宋，王敬則、張敬兒、陳顯達、崔慧景等之於齊，陳伯之、陳慶之、蘭欽、曹景宗、張惠紹、昌義之、王琳、杜龕等之於梁，周文育、侯安都、黃法氈、吳明徹等之於陳，皆禦武戡亂，爲國家所倚賴，而所謂高門大族者，不過雍容令僕，裙屐相高，求如王導、謝安、杜石、國家者，不一二數也。次則如王宏、王曇首、褚淵、王儉等，與時推遷，爲興朝佐命，以自保其家世，雖朝市革易，而我之門第如故，以是爲世家大族，迥異於庶姓而已。此江左風會習尚之極敝也。

梁武存齊室子孫

宋之於晉，齊之於宋，每當革易，輒取前代子孫盡殄之。梁武父順之在齊時，以縊殺魚復侯子響事爲孝武所惡，不得志而死，故梁武贊齊明帝，除孝武子孫，以復私讎。然亦本明帝意，非梁武能主之也。後其兄懿，又爲明帝子東昏侯所殺，故革易時，亦盡誅明帝子以復之。所謂自雪門恥也。至於齊高子孫，猶有存者。高武子孫，已爲明帝殺。惟豫章王一支猶留。則皆保全而錄用之。如蕭子恪，仕至吳郡太守，子範祕書監，子顯侍中，吏部尚書，子雲國子祭酒，子暉中騎長史，梁武嘗謂子恪等曰：我初平建康，人皆勸我云：時代革易，宜有處分，我依此而行，有何不可。正以江左以來，代謝必行誅戮，有傷和氣，所以運祚不長。昔曹志是魏武帝孫，陳思王之子，事晉武帝，能爲忠臣，此即卿事例。卿等無復自外之意，日久當知我心耳。姚察論曰：魏晉革易，皆抑前代宗支，以絕民望。然劉奕、曹志，猶顯於新朝，及宋遂令司馬氏爲廢姓，齊之代宋，戚屬皆殲，其祚不長，抑亦由此。梁受命而子恪兄弟及羣從並隨才受任，通貴滿朝，君子以是知

高祖之量度越前代矣。

陳武帝多用敵將

陳武帝起自寒微，數年有天下，其將帥自侯安都、黃法氈、胡穎、徐度、杜稜、吳明徹，諸人外，其餘功臣皆出於仇敵中者。杜僧明、周文育，則起兵圍廣州，爲帝所擒者也。歐陽頔亦事蕭勃，爲周文育擒，送於帝者也。侯瑱、周鐵虎、程靈洗，則王僧辨故將也。魯悉達、孫瑒、周昞、樊毅、樊猛，則王琳故將也。或臨陣擒獲，或力屈來降，帝皆釋而用之。委以心膂，卒得其力，以成偏安之業。其度量恢廓，知人善任，固自有過人者。如侯瑱、據豫章，自以本事僧辨，不肯入朝，及部衆叛散，或勸其投北齊，瑱以帝有大量，必能容人，乃詣闕歸罪，魯悉達據晉熙，王琳授以鎮北將軍，帝亦授以征西將軍，悉達兩受之，而皆不就，帝使沈泰潛師襲之，亦不克。後爲北齊師所破，乃來歸，武帝謂曰：來何遲也。對曰：陛下授臣以官，恩至厚矣，使沈泰來襲，威亦深矣。臣所以自歸者，以陛下豁達大度，同符漢祖故也。帝曰：卿言得之矣。可見帝之度量，當時早有以見信於人，故能驅策羣雄，藉以集事。魏鄭公史論謂帝志度宏遠，懷抱豁如，或取士於仇讎，或擢才於亡命，掩其受金之過，宥其吠堯之罪，委以心腹爪牙，咸得其死力，方諸鼎峙之雄，足以無慚權備矣。然則雖偏安江左，固亦有帝王之量哉。

齊梁臺使之害

齊書竟陵王子良傳：宋元嘉中，簿書賦稅，皆責成郡縣，孝武帝急速，乃遣臺使，自此公私勞擾。齊初子良疏曰：此輩使人，既非詳慎，或貪險崎嶇，營求此役，朝辭禁門，形態卽異，暮宿村縣，威福便行，脅過津吏，恐喝郵傳，既望城郭，便飛下嚴符，但稱行臺，未知所督，先詗官吏，卻

梁武存齊室子孫 陳武帝多用敵將 齊梁臺使之害

攝羣曹絳標寸紙一日數至四鄉所召莫辨枉直萬姓駭迫爭致餽遺今日酒諧肉飫即許附申明日禮輕貨薄復責科算及其狃蒜轉積鵝粟漸盈遠則分鬻他境近則託質吏民反請郡邑助民祈緩此齊室臺使之害也梁書賀琛傳亦有疏曰今東境戶口空虛皆由使命繁數大邦大縣舟船銜命者非惟十數即窮幽之鄉極遠之邑亦皆必至驚困邑宰則拱手聽其漁獵桀黠長吏又因之而為貪殘故細民棄業流冗者多此梁室臺使之弊也以田租丁賦動遣臺使分催本非政體此輩假公營私騷及雞犬固事之所必有也然如子良所云狃蒜鵝粟之類則徵索尚屬微細後世固不至以簿書賦役動遣使徵求然有時以重案特命大官出勘名曰欽差其中未嘗無公正之人能廉潔持身平反定獄然不可多得也不肖者則因以為利藉權索賄動至數萬金小民之受累猶少官府之被禍已深前明劉瑾竊柄時科道出使歸例以千金為餽猶覺其細已甚也何況齊梁臺使僅索雞豚果粟之類固不足救矣夫外吏不可信而遣朝官小官不可信而遣大僚宜其勵官方而達民隱乃滋累更甚則不如不遣之為愈也

後漢桓帝數遣黃門常侍及中使伯榮往來甘陵伯榮尤驕蹇所經郡國莫不迎送禮謁陳忠上言使者所過威權翕赫震動郡縣王侯二千石為伯榮獨拜車下儀體上僭倖於人主長吏懼責發人修道繕理亭傳徵役無度老幼相隨動以萬計賂遺僕從人數百匹頓踏呼嗟莫不叩心後代欽差之弊往往類此

六朝多以反語作讖

自反切之學興遂有以反語作讖者三國志諸葛恪未被害時民間謠曰諸葛恪蘆葦單衣箴鉤落於何相逢成子閣成子閣反語石子岡也後恪為孫峻所殺投尸於石子岡晉書孝

武紀帝為清暑殿識者謂清暑反語為楚聲哀楚之徵也齊書益州向無諸王作鎮宋時有邵碩曰後有王勝喜來作此州及齊武帝以始興王鑑為益州刺史勝喜反語為始興也碩言果驗又文惠太子啓武帝乞東田作小苑東田反語為顛童後其子鬱林王即位果以童昏見廢梁書武帝創同泰寺後又創大通門以對寺之南取反語以協同泰也遂改年號為大通以符寺及門名昭明太子時有謠曰鹿子開城門城門開鹿子鹿子開者反語謂來子哭時太子之長子歡為南徐州刺史太子薨乃遣人追歡來臨喪故曰來子哭也

哀策文

周制飾終之典以諡誄為重漢惠帝始增哀策漢書本紀中二年令諸侯王薨大鴻臚奏諡誄策列侯薨大行奏諡誄策應劭注謂賜諡及誄文哀策也沿及晉宋猶以諡誄為重魏志郭后傳裴松之注后崩有哀策文晉書文明王皇后傳武帝時后為皇太后既崩帝手疏后德行命史官為哀策文及帝楊后崩亦命史官作哀策其文俱載本傳感懷太子為賈后所害後追復皇太子特為哀策文又江統陸機竝作誄頌焉李允卒皇太子命王贊誄之其文甚美王珣傳孝武帝崩哀策諡議皆珣所草宋文帝袁皇后薨詔顏延之為哀策文甚麗帝自增撫存悼亡感今懷昔八字孝武殷貴嬪薨命謝莊為誄文都下傳寫紙為之貴至齊則專重哀策文齊武裴后薨羣臣議立石誌王儉曰石誌不出禮經今既有哀策不煩石誌乃止可見齊以後專以哀策為重也今見於齊梁書各列傳者梁武丁貴嬪薨張纘為哀策文昭明太子薨王筠為哀策文簡文為侯景所制其后薨蕭子範為哀策文簡文讀之曰今葬禮雖缺此文猶不減於舊是也唐代宗獨孤后薨命宰相常袞為哀策猶沿此制

南朝陳地最小

晉南渡後。南北分裂。南朝之地。惟晉末宋初最大。至陳則極小矣。劉裕相晉。滅慕容超而復青齊。降姚洸而復洛陽。滅姚泓而復關中。其後關中雖為赫連勃勃所奪。而沂河西上。時遣王仲德在北岸陸行。魏將尉建棄滑臺。仲德入據之。自後魏屢攻得而復失。魏明元帝欲南伐。崔浩謂當略地以淮為限。則滑臺虎牢。反在我軍之北。是滑臺虎牢。尚為宋地。宋將到彥之王仲德攻河南。明元帝遣長孫道生等追擊。至歷城而還。是歷城亦宋地也。宋元嘉十九年。詔闕里往經寇亂。應下魯郡。修復學舍。是魯郡亦宋地也。直至魏太武帝遣安頡攻拔洛陽。剋虎牢。剋滑臺。帝臨江起行宮於瓜步。宋餽百牢。乃班師。於是河南之地多入魏。魏孝文帝時。宋薛安都以彭城。畢眾敬以兗州。常珍奇以懸瓠。俱屬於魏。張永沈攸之與魏戰。又大敗。於是宋遂失淮北四州。及豫州淮南地。其後齊將裴叔業。又以壽春降魏。於是淮北之地。亦盡入於魏。故蕭齊北境。已小於宋。迨梁武帝使張紹惠取宿豫。蕭容取梁城。韋叡取合肥。以及義陽邵陽之戰。浮山堰之築。兩國交兵。爭沿淮之地者十餘年。互有勝負。魏孝明帝時。元法僧以徐州降梁。梁武遣蕭綜守之。綜仍以徐州降魏。魏末爾朱榮之亂。北海王顥奔梁。梁立為魏主。使陳慶之送之歸國。深入千里。孝莊帝北走。顥遂入洛。梁之勢幾振。其後顥戰敗被擒。魏仍復所失地。而梁之地尚無恙也。及侯景之亂。西魏寇安陸。執司州刺史柳仲禮。盡沒漢東之地。其淮陽山陽淮陰等地俱降東魏。鄴陽王範又以合州降東魏。東魏遂盡有淮南之地。景又攻陷廣陵。使郭元建守之。景敗。元建以廣陵降北齊。時東魏孝靜帝已遜位於齊文宣。於是江北亦為北齊所有。是時蕭繹在江陵。乞師於西魏。令蕭循以南鄭與西魏。西魏遂取漢中。繹稱帝於江陵。武陵王紀自成都起兵伐之。西魏使尉遲迴攻成都以救繹。及紀為繹所殺。

而迴亦取成都。於是蜀地盡入於西魏矣。是時梁之境自巴陵至建康。惟以長江為限。荊州界。北盡武甯。西拒峽口。而岳陽王蕭譽。以繹殺其兄譽。遂據襄陽。降西魏。西魏遣于謹等伐江陵。克之。殺元帝。即繹。乃以江陵易襄陽。使譽為梁主。而襄陽亦入於西魏矣。元帝歿後。王僧辨陳霸先立其子方智於建業。北齊文宣納蕭淵明入為梁主。陳霸先廢殺之。仍奉方智。其時徐嗣徽任約降北齊。方據石頭城。文宣又遣蕭軌柳達摩東方老等來鎮石頭。為霸先所擒。殺金陵之地。得以不陷。計是時江以北盡入於北齊。西境則蜀中及襄陽。俱入西魏。江陵又為蕭譽所有。梁地更小。於元帝時矣。陳霸先篡位。是為陳武帝。因之以立國。其地之入於周者。西魏恭帝。遜位於周。惟湘州在江之南。周將賀若敦獨孤盛不能守。全師北歸。地歸於陳。其後周陳通好。陳又賂周以黔中地及魯山郡。迨北齊後主荒縱。陳宣帝乘其國亂。使吳明徹取江北。大敗齊師於呂梁。又攻殺王琳於壽陽。於是淮泗之地俱復。而是時周已滅齊。宣帝欲乘亂爭徐兗。又使明徹北伐至彭城。反為周師所敗。明徹被擒。於是周韋孝寬復取壽陽。梁士彥復拔廣陵。陳仍畫江為界。江北之地。盡入於周。故隋承周之地。晉王廣由江都至六合。韓擒虎自廬州直渡采石。賀若弼自揚州直造京口。遂以亡陳也。

按三國時孫吳之地。初只江東六郡。漸及閩粵。後取荊州。始有江陵長沙武陵桂陽等地。而夔府以西。尚屬蜀也。其江北之地。亦只有濡須塢。今無。為州。其餘則皆屬魏。陳地略與之相似。而荊州舊統內。江陵又為後梁所占。是其地又小於孫吳時。

廿二史劄記卷十二終

廿二史劄記卷十三

陽湖趙翼撰

魏書多曲筆

魏收仕於北齊。修史正在齊文宣時。高洋故凡涉齊神武高歡。在魏朝時事。必曲為迴護。如孝莊紀。建義元年。書齊獻武王高歡與于暉等大破羊侃於瑕邱。北史二年。書齊獻武王與上黨王天穆大破邢杲於濟南。杲降。送京斬於都市。北史前廢帝紀。普泰元年。書齊獻武王以爾朱榮逆亂。興義於信都。北史又爾朱榮傳內。書河陰之役。榮欲篡立。齊獻武王及司馬子如勸止之。乃仍奉莊帝。北史劉靈助勸止。此皆深著齊神武之功也。孝武西遷。為西魏。神武立。孝靜帝為東魏。則於西魏之君臣。率多貶詞。孝武之殂。則書宇文黑獺即宇文泰既害出帝。即孝武乃以南陽王寶炬僭尊號。即文斛斯椿隨入關。北史載其死後。家無餘貲。而魏收書則謂其狡獪多事。好亂樂禍。朝野莫不疾之。賀拔勝自魏奔梁。又自梁歸西魏。感梁武之德。見鳥之南飛者。亦不忍射。玉璧之戰。追逐齊神武。幾獲之。北史謂其垂翅江左。憂魏室之危亡。奮翼關西。感梁朝之顧遇。是固君子人也。魏收書則謂其奸行小數。志大膽薄。周章南北。終無所成。致歿於賊中。此皆以其仕於西魏。故肆為詆毀。當時已謂其黨齊毀魏。褒貶肆情。則其曲筆可知也。至孝靜帝紀。歷敘高澄無禮於帝。及帝遜位於齊文宣時。與宮嬪泣別。乘一犢車而去。後文宣行幸。常以帝自隨。竟遇醜而崩等語。按魏收修書。正在文宣時。方諂齊之不暇。豈敢直書其事。此必非收原本。乃後人取北史之文以足之。惟后妃傳內。孝靜帝后

高氏。本神武之女。文宣妹也。而書帝崩後。下嫁楊遵彥。亦似略無忌諱。故叢考前編。謂非收原本。今細按之。正見收之諂附。遵彥欲以其聯姻帝室之榮。則此傳實係收書。非鈔北史之文也。遵彥楊愔字也。史家書名不書字。今獨書其字。尤見其諂情。而不敢書名也。然則收之書。趨附避諱。是非不公。真所謂穢史也。

孝武帝與高歡不協。而西遷。既入關。因閨門無禮。為宇文泰所醜。魏收在齊修魏書。宜乎詳著其醜。乃出帝紀即孝武帝。竝不敘及。但云帝為宇文黑獺所害。是猶存諱惡之義。或收修書時。孝武閨門之事。尚未聞於齊故耶。

魏書紀傳互異處

魏書道武宣穆皇后傳。明元帝之母。魏故事後宮產子。將為儲貳。其母皆賜死。故后以舊法薨。然考紀傳。道武以前。未有此事。明元本紀。載道武將立明元為太子。召而告之曰。昔漢武將立其子而殺其母。不令婦人與國政也。汝當繼統。故吾遠同漢武。於是劉貴人死。明元悲不自勝。據此。則立子先殺其母之例。實自道武始也。遍檢魏書。道武以前。實無此例。而傳何以云魏故事耶。北史亦同此誤。

爾朱榮傳

北史魏諸臣傳。多與魏收書相同。惟爾朱榮傳。當時謂榮子文暘遺收金。請為其父作佳傳。收論內。遂有若修德義之風。則韋彭伊霍。夫何足數等語。故北史此傳。多有改訂。今按收書。大概著其功。而減其惡。先敘其討破萬子乞真。句番和婆輪嶮。句乞步落堅。胡劉阿如。句敕勒北列步若。句勒勤斛律洛陽。句費也頭牧子等。詳悉不遺。至葛榮作亂。則載其請討一疏。

魏書多曲筆 魏書紀傳互異處 爾朱榮傳

明帝之殂。則載其請誅徐紇鄭儼一疏。立莊帝後。載帝加以柱國大將軍一詔。擒葛榮後。載帝加以大丞相一詔。又進位太師一詔。平元顥後。載帝加以天柱大將軍一詔。及榮死後。又載廢帝追贈三詔。而於榮肆橫無君。逞凶濫殺。及莊帝畏逼憂禍。潛謀殺榮之事。則不甚詳。使閱者但覺功多罪少。此收之舞文也。北史則於討破萬子乞真等小賊。不過櫟括數語。其疏與詔。一切刪除。此本北史體例如而河陰之殺朝臣。北史謂二千餘人及莊帝殺榮之事。詳敘之。歷歷如繪。自是功罪各不相掩。然收書河陰之役。榮殺帝兄弟。竝幽帝於別帳。將弑之。已使趙元則作禪文。因鑄己象不成。乃還奉莊帝之處。亦終不能稍諱。則亦未大失實也。惟榮女先為明帝嬪。榮欲以為莊帝后。帝從祖瑩言立之。此事榮傳中。竟絕無一字。則以此后後為齊神武所納。故諱之。然則收非曲徇爾朱。乃曲徇高氏耳。

西魏書

魏自胡太后臨朝。孝明帝崩後。爾朱榮起兵。沈太后少帝於河。立長樂王子攸。是為孝莊帝。帝以榮肆橫。手殺之。爾朱兆等稱兵害帝。立長廣王奕。又以奕詔禪位於廣陵王恭。是為節閔帝。魏書謂高歡起兵討爾朱氏廢節閔而立平陽王修。是為孝武帝。未幾帝與歡不協。乃西遷關中。依宇文泰。歡別立清河王亶子善見為帝。是為東魏。而孝武為西魏。按歡廢節閔時。會朝臣議。僉謂孝文不可無後。故立孝武。天下共以為主。已三年始西遷。是魏統自應屬孝武。孝武崩。文帝立。文帝崩。廢帝恭帝繼之。皆魏之正統也。魏收在北齊。修魏書。欲以齊繼魏為正統。故自孝武後。即以東魏孝靜帝繼之。而孝武後諸弟不復作紀。此收之私見也。魏潛作魏書。以西魏為正統。自是正論。惜其書不傳。故西魏文帝等紀年紀事。轉見於周文帝即宇文泰紀內。幸北史增文帝諸紀。名分始正。而魏書究不得為完書。近日謝蘊山藩伯。另撰西

魏書。以次于魏書之後。誠得史裁之正也。其採掇亦甚詳。可稱良史。惟列傳尚有遺漏。如八柱國內。少李弼。獨孤信。趙貴。侯莫陳崇。十二大將軍內。少侯莫陳順。宇文遵。達奚武。李遠。豆盧寧。宇文貴。楊忠。王雄。按柱國本爾朱榮官號。榮敗後。此官遂廢。魏文帝以宇文泰功大。始命為之。其後功參佐命。望實俱重者。亦居此職。自大統十六年以前。任者凡八人。泰統百揆。元欣皇族。其餘六人。各督二大將軍。分掌禁旅。出則征伐。是諸臣乃大統十六年以前功臣。雖皆宇文泰擢用。然是時魏祚未移。泰亦尚為魏臣。諸人方與泰比肩事魏。則皆西魏臣也。豈得無傳。又蘇綽在魏。仿周禮定官制。與盧辨同事。今綽有傳。而辨無傳。亦屬掛漏。曾屬蘊山補之。未知增入否。

附謝蘊山答書

前過常州。快聆璧論。得慰積懷。昨惠手書。過蒙期許。拙詩復寵以序文。感何如之。承示西魏書掛漏處。極費清心。所有宗室內。少元育元贊。八柱國內。少李弼獨孤信等。十二大將軍內。少侯莫陳順等。誠屬疏略。然斷代為書。列傳當有限制。嘗怪漢之臧洪。陶謙。荀彧。公孫瓚。董卓。二袁諸人。皆未入漢書。則無此義例矣。弟為此書之初。搜羅周隋兩朝之會仕西魏者。仕建安者甚多。使俱入漢書。則無此義例矣。弟為此書之初。搜羅周隋兩朝之會仕西魏者。凡三百餘人。周書列傳。非西魏臣者。十無一二。勢難廢周書而改為西魏。故拙撰列傳。以宇文受禪為斷。其下仕周隋者。即不立傳。雖尉遲迴獨孤信輩。勳業爛然。亦從刪削。然封爵表。載其爵秩大事。異域表。載其勳略。柱國大將軍之制。載於百官考。似可與列傳互為補苴。不致缺漏矣。此區區作書之旨。不識高明以為然否。大抵吾輩著書。得失參半。一人見識既單。精力有限。不得良友正之。則疑無從改訂。尚祈不吝教言。尤荷高誼。吾兄近日著述。如已脫

稿亦望寄示。或可效一得之愚也。諸惟鑒原是幸。

答謝蘊山藩伯書

承示西魏書斷自宇文受禪。而以僕所指八柱國十二大將軍。有不能盡入西魏者。具見斟酌苦心。僕深愧考核未精。妄參末議矣。漢以後數朝。皆以禪代為革命。其臣多歷仕前後兩朝。故作史者。必先立限斷。晉武時議立晉書限斷。荀勗欲以魏正始為斷。王瓚欲以嘉平為斷。賈謐欲以泰始為斷。後因張華謂宜用正始。其議遂定。徐爰宋書舊本。列晉末諸臣。及叛賊并劉毅等。與宋武同起義者。沈約修宋書。以桓元焦縱盧循身為晉賊。無關後代。吳隱都僧施義。止前朝不宜入宋。劉毅何無忌。諸葛長民。魏詠之。檀憑之。志在匡晉。亦非宋臣。遂一概刪卻。此皆古人先立限斷之法。足下西魏書。以宇文受禪為斷。可謂扼要矣。然亦有未可盡拘者。陳壽魏志。列入漢末諸臣。董卓陶謙呂布二袁劉表等。誠有如足下所云。殊失史裁。然壽作三國志時。後漢尚未有正史。而諸臣事多與曹操相涉。不立傳則記載不明。故仿史記項羽陳涉之例。遂列漢臣于魏志。及范蔚宗出。悉收入後漢書。而後漢魏兩朝人物。祭若列眉。足下西魏書。列斛斯椿賈顯度賀拔勝等傳。正用范書例也。而范書中有荀彧一傳。或出仕即參曹操軍事。始終為其謀主。佐成大業。則聽其傳于魏志可矣。而蔚宗以其心存漢朝。阻魏九錫。特入於漢臣內。此又作史者于限斷之中。寓變通之例。今西魏八柱國十二大將軍。雖多宇文泰擢用。其後又多仕于周者。然其先則與泰同官魏朝。且泰于魏文帝時。尚不失臣節。其出師嘗奉魏帝以行。所仿周禮六官。亦必奏而後著為令。非如操之目無漢獻也。則與泰同立功于西魏者。尚皆魏臣。況李弼侯莫陳順。當周閔帝受禪之年。即卒。趙貴。獨孤信。竝以謀殺宇文護而被害。似不得盡指為周臣。而西魏書不列傳也。如以仕周者。不終

于魏。則有新唐書傳趙光允王處直之例在。二人皆唐臣。後歷仕朱梁。後唐。而新唐書仍為立傳。光允則敘其歷官知制誥而止。處直則敘其天復初封太原郡王而止。以此官猶是唐所授。以後則不復敘也。否則有隋唐二書。各傳裴矩之例在。矩入唐為民部尚書。唐人修隋書。以其在隋朝事蹟最多。特為立傳。後宋祁以其說曹且舉山東之地歸唐。又為立傳于唐書。是一人兩傳。古亦有此例。西魏達奚武入周。有迎齊將司馬消難。拒斛律敦等功。而其先戰沙苑。戰河橋。斬齊將高敖曹。敗梁將蕭循。皆魏朝事也。豆盧寧入周。有討稽胡劉桑德等功。然其先從擒竇泰。復宏農。破沙苑。平梁合定。討乙鐵忽。皆魏朝事也。楊忠入周。有破齊師于晉陽等功。而其先從平潼關。破回洛城。斬齊將辛纂。擒梁將柳仲禮。皆魏朝事也。宇文貴入周。但有討吐谷渾之功。而其先從爾朱榮擒葛榮。平邢杲。拒元顥。則尚在孝武以前。及從孝武入關。援賀若統。敗堯雄。走任祥。降是云寶。亦皆魏朝事。魏文帝以金卮置侯上。射中者賜之。貴一發而中。帝即賜貴。且獎諭之。則更為魏帝所寵任者。竊意此諸人。仍應補傳于西魏。但敘其在魏立功之處。而入周後事蹟。周書本有傳。固不妨竝存。似與隋唐二書傳裴矩。趙光允。王處直之例相合。不必以其曾仕周。遂不入魏書也。前後五代之人。多歷仕數朝。仕難位置。如後五代時。張全義附梁最密。而薛居正以其再仕後唐。則入于唐臣傳。馮道歷仕數朝。居正以其歿于周。亦入于周臣傳。終覺未妥。故歐陽修另立雜傳以處之。今以仕周者。遂不入魏書。意雖嚴。而事未備也。且前代各史。凡手創帝業。身未為帝。至其子始禪代者。皆聽其入新朝紀內。而前朝不復立傳。如後漢書不立曹操傳。魏志不立司馬懿父子傳。後魏書不立高歡傳。是也。今西魏書以宇文泰為西魏功臣之首。特為立傳。此與後周書立楊忠傳。同一卓識。泰既立傳于西魏。而與泰同仕魏朝。同受魏封之人。反以其仕周遺之。轉不免留全書之缺矣。承諭著書。必資友朋訂正。此誠大人先生虛懷集益之雅量。故僕敢再進替

提羊社。崔暹。鄴道元。谷楷也。齊書酷吏傳。邸珍。宋游道。盧斐。畢義雲也。周書酷吏傳。王文同也。北史則以高遵。羊社。鄴道元。谷楷。宋游道。盧斐。畢義雲。各從其家傳。其餘入酷吏傳。

北史全用隋書

北史於魏齊周正史間。有改訂之處。惟於隋則全用隋書。略為刪節。竝無改正。且多有迴護之處。如隋文帝之篡。隋書本紀。既循照歷代國史舊式。敘九錫文。禪位詔。并帝三讓。乃受。絕不見攘奪之迹矣。北史亦一一照本抄謄。略無一語差異。祇刪去九錫文。以省繁冗而已。文帝殺宇文諸王。周書謂諸王皆以謀執政被害。而北史則第書誅陳王純。誅代王達。誅滕王道。一似有罪而伏法者。帝即位後。封靜帝為介國公。年方九歲。開皇元年。周書謂隋志也。而北史但書介國公薨。上舉哀於朝堂。諡曰周靜帝。一似善終。而加以恩禮者。其於文帝之崩。書帝疾甚。與百僚辭訣。握手歔歔。崩於大寶殿。又載遺詔一篇。有惡子孫。已為百姓除去。今嗣位者。乃好子孫等語。一似憑几末命。壽考令終。竝非遭害者。煬帝紀。亦但書高祖崩。上即位於仁壽宮。而煬帝使張衡侍疾致斃。及矯詔即位之事。絕不見形迹。即張衡傳亦不著其弑逆。但載其賜死時。自言我為人作何事。而望久活。監刑者塞耳促殺之而已。惟於宣華夫人傳。文帝以太子廣無禮於夫人。速召故太子勇。楊素急以白太子廣。廣遂令張衡入寢殿。令夫人及後宮侍疾者皆出。俄而帝崩。此則略露端倪於隱約之間。然亦未嘗直書也。隋書書法。承歷代相沿舊例。尚不足怪。李延壽自作私史。正當據事直書。垂於後世。何必有所瞻徇。乃忌諱如此。豈於隋獨有所黨附耶。抑隋書本延壽奉詔所修。其書法已如此。故不便岐互耶。然正史隱諱者。賴有私史。若依樣胡盧。略無別白。則亦何貴於自成一家言也。

南北史兩國交兵不詳載

南北史以簡淨為主。大概就各朝正史。刪十之三四。如每代革易之際。以禪讓為篡奪者。必有九錫文。三讓表。禪位詔冊。陳陳相因。遂成一定格式。南北史則刪之而僅存一二詔策。其他列傳內。文詞無關輕重者。亦多裁汰。如許善心。神雀賦。隋書全載原文。北史但記其事。而不載其賦。如此類者。不一而足。宋子京所謂刊落醜詞。過舊書遠甚者也。其於南北交兵事。尤多刪削。今即以北史與魏史校對。如魏書明元帝泰常七年。魏攻滑臺。宋將王景度棄城走。八年。克虎牢。獲宋將毛德祖等。此事在宋少帝景平元年。宋書魏軍克虎牢。執司州刺史毛德祖。以去。南史卻不書。太武帝神龜元年。宋將王仲德寇濟陽。王元謨竺靈秀寇滎陽。魏兵擊破之。四年。安頡平滑臺。擒宋將朱修之。李元德等。追檀道濟。至歷城而還。此事在宋元嘉八年。檀道濟引兵還。復為索虜所陷。檀道濟引兵還。太平真君四年。皮豹子等破宋兵於濁水。七年。永昌王仁擒宋將王章於高平。十一年。仁斬宋將劉坦之於汝東。宋將蕭斌之寇濟州。王買德棄城走。斌之入城。遣王元謨寇滑臺。帝南伐。遣長孫真率騎五千赴之。元謨斌之皆遁。乃命諸將竝進。宋將臧盾拒守。燕王譚破其援。兵胡崇之。永昌王又攻拔懸瓠。車駕至淮。斬宋將唐德祖。遂至瓜步。宋人大懼。獻百牢。請進。女皇孫以求和。帝以師婚非禮。許和而不許婚。北史俱不書。但云帝南征。命諸將分道竝進。所至城邑皆下。起行宮於瓜步。宋文帝遣使進百牢。竝請進女。帝許和而不許婚。又如孝文帝太和四年。齊將崔文仲陷壽春。崔慧景寇武興。魏詔元嘉等南討。破齊將盧紹之於朐山。又詔馮熙等出正陽。賀羅出鍾離。諸將擊破齊將桓康於淮陽。俘三萬餘人。北史亦不詳載。但云元嘉破齊軍。俘三萬口。十三年。齊將陳顯達陷醴陽。左僕射穆亮討之。十五年。齊兵寇淮陽。太守王僧儁擊走之。二十一年。帝留諸將攻赭陽。自至宛城。剋其郛。至新野。築長圍。困之。大破齊將於河北。二

十二年齊將蔡道福成公期胡松等各棄地遁走又攻宛城拔之其將房伯玉出降齊將裴叔業寇渦陽詔鄭思明救之二十三年齊將陳顯達寇潁州詔元英討之顯達陷馬圈車駕南伐顯達遁走北史皆不書宣武帝正始元年梁將姜慶真陷壽春外郭州兵擊走之統軍劉思祖大破梁兵於邵陽擒其將趙景悅等元英又破梁將王僧炳於樊城又破梁將馬仙琕於義陽拔之北史皆不書但書破馬仙琕一事而已二年邢巒擒梁將范始男等王足斬梁將王明達等薛真度又破梁將王超宗等北史俱不書但云頻大破之是年又詔中山王英南討襄河三年梁將王茂先寇荊州詔楊大眼討之斬其將王花等茂先遁追至漢水拔其王城梁將張惠紹宿豫韋叡陷合肥詔尙書元遙南討奚康生破張惠紹斬其將宋黑中山王英破其將王伯敖邢巒破其將桓和於孤山諸將別克固城蒙山兖州平邢巒敗梁兵於宿豫張惠紹棄宿豫蕭昞棄淮陽南走徐州平中山王英大破梁軍於淮南梁臨川王宏等棄淮東走遂攻鍾離四年鍾離大水英敗績而回北史皆不書但書命中山王英南討破梁將王伯敖及圍鍾離因大水敗回而已淮陽之役臨川王宏大兵逃回實兩國大事乃亦不書蓋延壽敘事專以簡括為主固不能一一詳書且南北交兵各自誇勝諱敗國史固各記其所記延壽則合南北皆出其一手惟恐照本鈔謄一經核對則事迹多不相符故也即如齊神武紀神武圍王思政於玉壁欲以致敵西師不敢出乃班師而周文紀謂周文聞齊神武至玉壁乃出軍蒲坂神武即退是西師未嘗不敢出也芒山之戰齊紀謂神武大敗而周文俘斬六萬會有軍士奔西軍告以神武所在西軍盡銳來攻神武幾為賀拔勝所獲僅而免是東軍先勝而後敗也周紀則云齊神武陣芒山數日不進周文率軍夜登山未明而擊之神武為賀拔勝所逐僅免而趙貴等五軍居右戰不利齊神武合軍再戰周文又不利是西魏軍亦先勝後敗兩紀相校則周紀少敘先為東軍所敗一節齊紀又少敘再戰而敗

西軍一節致不相合且齊神武奔脫後合兵再戰周文不利之處應敘於齊紀以誇勝乃反敘於周紀而齊紀不書此戰之後齊紀謂神武遣劉豐徇地至宏農而還周紀謂齊神武自至陝達奚武禦之乃退亦不相符可見作史之難兩國交涉處一經校對輒多罅隙宜乎延壽之不敢詳書也按北史大略亦有不明處如魏宣武帝景明年齊將陳伯之寇淮南是伯之北魏書則景明三年書伯之來降正始元年伯之破梁將趙祖悅及昌義之三月伯之自梁城南奔則先其降北而後奔南較為明折北史不書其降魏一節殊無來歷若以伯之降魏事小故不書然據漢中來降何以又書也

北史與魏齊周隋書岐互處

北史與魏齊周隋各史比對大略相同間有小異處今為摘出魏書神元帝遣子文帝沙漢如魏是年魏景元二年也北史則謂遣文帝如晉是歲晉景元二年也按景元尚是魏陳留王年號魏書以屬魏從其名也是時權已在晉北史以屬晉從其實也魏書凡宗室皆係以元姓如元觚元儀元題之類是也按拓跋之改姓元乃孝文帝時事道武以來固未嘗有此乃以後來所改之姓追敘於未改之前殊屬倒裝北史則書秦王觚東平公儀襄城公題較為得實爾朱榮河陰之殺朝士魏書謂責百官以明帝被害之故北史謂榮妄言高陽王雍欲反故殺之周書楊忠傳忠從獨孤信破穰城居半年以東魏之逼與信俱奔梁後從梁歸關中周文召居帳內是奔梁後方歸西魏也北史云東魏之逼忠與信俱歸關中周文召居帳下則刪却奔梁一節未免過求簡淨之失其他與正史稍有岐互者魏孝文南伐魏書步騎百餘萬北史作三十餘萬齊文宣逼魏孝靜帝禪位魏書有襄城王旭入奏請靜帝法堯禪舜北史作襄城王景西魏克南鄭周書謂梁蕭循降北史作蕭修周書文帝紀有沃野賊衛可孤北史作衛可瓌宏農之戰周書謂斬東魏將李徽伯北史謂擒李徽伯此皆稍有差

北史與魏齊周隋書岐互處

異之處。延壽自序。謂正史外。又勸究雜史千餘卷。故有此改訂也。

北史書法與周隋書不同處

周書文帝紀內。魏大統十二年。齊神武圍玉璧不克。以疾班師。十三年春遂殂。十五年侯景弑梁武帝。十六年齊文宣廢魏孝靜而自立。北史周紀皆不書。以是時周文帝尚為魏臣。諸事皆書於魏史。故也。隋書文帝紀。專敘文帝事。而其父忠立功於周室之處不敘。以周書已立忠傳也。北史則於周代不立忠傳。而以忠事敘於隋文紀內。周書文帝孝閔帝明帝三本紀各為一論。北史則三帝合為一論。而論詞仍襲括周書三論用之。周書武帝宣帝靜帝紀各為一論。北史亦襲括其語為一論。至如隋文帝煬帝恭帝紀論。則全用隋書一字不易。惟文帝論開首龍德在田。奇表見異八字。換以樹基立本。積德累仁耳。然隋文以詭詐攘位。有何積德累仁耶。

北史紀傳互異處

隋書文帝本紀。周五王謀隋文帝。帝以酒肴造趙王招。觀其指趣。王伏甲於臥內。賴元胄以免。是文帝知招欲謀害。故以酒肴赴之。以觀其意也。元胄傳則云。招欲害帝。帝不之知。乃將酒肴詣其宅。則已與紀異矣。周書趙王招傳云。招邀隋文帝至第。飲於寢室。則又非隋文之以酒肴赴之也。周隋書各記所記。故不同如此。北史則延壽一手所成。乃此等處全鈔舊文。初不檢點。遂亦歧互。

大業十四年

隋煬帝江都之難。在大業十四年。而隋書及北史。只書十三年者。緣十三年唐高祖起兵入長安。奉代王侑為帝。改元義寧。而煬帝大業之號。已從削除。修史者皆唐臣。自應遵本朝之制。以義寧紀年。而煬帝之被弑。轉書於義寧二年之內。其實天下共主。一日尚存。終當稱其年號。則大業十四年不可沒也。

太上皇帝

太上皇帝。漢高祖有天下後。奉其父太公之稱。非太公有天下。傳於子。而有是稱也。漢書高祖紀曰。帝有天下。歸於子。子有天下。歸於父。此人道之極也。今公卿大夫。已尊父為皇帝。而太公未有尊號。今上太公曰。太上皇帝。蔡邕曰。太上皇帝。不言帝。非天子也。顏師古曰。天子之尊。故曰皇帝。高祖時。其父在。故不曰帝。則皇是稍輕者也。裴松之註。漢祖尊其父為皇帝。其實貴而無位。高祖稱皇帝。比之於帝。實稍重也。其以天下傳子。而稱太上皇帝者。各史所載。共十四君。今記於左。按左傳。晉景公有疾。立太子。而實惠於金。城號謂太上皇帝。唐高祖立隋代王侑。尊煬帝為太上皇帝。此皆借亂革易時事。名同而實異。更不可列。入內禪之內也。

呂光即天王位。年號龍飛。在位十年。以老病。立子紹為天王。自稱太上皇帝。晉書載記。後魏獻文帝即位後。雅薄時務。常有遺世之心。在位七年。年十七。即內禪。使太保陸馥。大尉源賀。奉皇帝璽綬。冊命皇太子升帝位。是為孝文帝。羣臣奏曰。昔三皇之世。淡泊無為。故漢高祖尊其父曰太上皇帝。不統天下。今皇帝幼冲。萬幾大政。猶宜陛下總之。謹上尊號曰太上皇帝。帝乃從之。遂徙居崇光宮。采椽不斲。土階而已。國之大事。仍以奏聞。孝文帝每月一朝。崇光宮。後改稱寧光宮。其後討蠕蠕拾寅等事。獻文帝仍躬御戎車。承明二年崩。年二十三。魏書。北齊武成帝即位五年。年二十。八歲。以天文有變。太史奏當有變易。祖珽乃上表。言陛下雖貴為

天子未是極貴。按春秋元命苞。乙酉之歲。除革舊政。今太歲在乙酉。宜傳位東宮。應天道。乃上魏獻文帝禪子故事。帝從之。祖珽傳乃傳位於皇太子緯。是為齊後主。十時年大赦改元。百官上尊號為太上皇帝。軍國大事。仍以奏聞。北齊書然是時武成帝仍往來晉陽鄴都。凡除拜生殺。仍自主之。後主天統四年崩。凡為太上皇帝四年。北齊書

後主緯隆化二年。十時年自晉陽戰敗回鄴。以周師日逼。乃傳位太子恆。八時方改隆化二年為承光元年。尊後主為太上皇帝。後主先走青州。幼主亦東走。又禪位於任城王湝。以太上皇為無上皇。幼主為守國天王。不數日。父子俱為周所執。北齊書

後周宣帝以大象元年。十時年傳位於皇太子衍。七時年詔曰。朕以寡薄。祇承鴻緒。上賴先朝得一之迹。下藉羣后不二之心。興隆國本。用宏天歷。皇太子衍地居上嗣。正統所歸。遠憑積德之休。允叶無疆之慶。朕今傳位於衍。乃瞻四海。深合謳歌之望。傳子一人。高蹈風塵之表。萬方兆庶。諒朕意焉。於是自稱天元皇帝。所居稱天臺。皇帝衍稱正陽宮。朝廷政事。仍宣帝處分。大象二年崩。年二十二。周書

唐高祖武德九年六月。秦王世民殺皇太子建成。齊王元吉。乃立世民為皇太子聽政。是歲八月。皇太子即皇帝位於東宮顯德殿。貞觀三年。太上皇徙居大安宮。新唐書本紀書法如此。但言皇太子即位。而不

言高祖傳位。以見其迫於勢。之不得已也。以下皆唐書。

唐睿宗在武后時。已立為帝。後中宗歸為帝。睿宗仍為相王。中宗為韋后及安樂公主所弑。韋后臨朝。臨淄王隆基。睿宗子率兵討亂。誅韋氏及安樂公主。於是睿宗即皇帝位。立臨淄王為皇太子。先天元年。立為皇帝。聽小事。自稱太上皇。聽大事。明年詔歸政於皇帝。是為元宗。唐元宗享國既久。嘗欲傳位於太子。楊國忠等甚懼。使楊貴妃銜土祈哀。乃不果。天寶十五載。安祿山反。帝避亂至馬嵬。太子從行。父老請留太子討賊。帝許之。遣壽王瑁及高力士諭

太子。太子乃治兵於朔方。因裴冕杜鴻漸等請。遂即位於靈武。是為肅宗。尊元宗為上皇。天

帝遣使奏聞。元宗遣韋見素房琯崔渙奉皇帝冊至靈武。肅宗復兩京。至德二載。迎元宗歸至咸陽。備法駕於望賢驛。元宗御樓。肅宗紫袍望樓拜舞。元宗降樓。肅宗泣辭黃袍。元宗自為衣之。肅宗伏地固辭。元宗曰。天下人心。皆歸於汝。使朕得保殘齡。即汝之孝也。肅宗乃受。元宗居興慶宮。乾元元年。元宗入御宣政殿。授肅宗傳國受命寶。及符冊。號曰光天文武大聖孝感皇帝。肅宗又上元宗尊號曰聖王天帝。上元元年。肅宗病。李輔國矯詔遷元宗於西內。寶應元年。元宗崩。

唐順宗即位。病暗。乃立廣陵王純為皇太子。命權句當軍國事。明年立為皇帝。是為憲宗。而順宗稱太上皇。元和元年。憲宗上尊號曰應乾聖壽太上皇。

宋徽宗宣和七年。以金兵之逼。先命皇太子為開封牧。尋詔皇太子嗣位。自稱道君皇帝。太子即位。是為欽宗。尊徽宗為教主道君太上皇帝。居龍德宮。靖康元年。徽宗避金兵。至鎮江府。金兵退。還京師。明年金人以二帝北行。以下皆宋史。

宋高宗自元懿太子薨。訪太祖子孫伯字行內者。育於宮中。紹興二年。得伯玖。賜名旻。後封晉安郡王。三十年立為皇子。更名瑋。三十一年。金海陵入寇。瑋從高宗至金陵。已而海陵被弑。金兵退。高宗自金陵歸。三十二年。立為皇太子。改名昚。高宗久有傳位之意。至是乃降御札。皇太子可即位。朕稱太上皇帝。退處德壽宮。遣中使召太子入禁中。太子趨避殿側。高宗勉諭再三。於是高宗出御紫宸殿。宰臣奏事畢。高宗還宮。百官移班殿門外。拜詔畢。復班殿廷。內侍掖太子至御榻前即位。是為孝宗。孝宗是時猶側立不敢坐。內侍扶掖至八九。乃略坐。宰相率百官稱賀。孝宗遽興。宰相升殿固請。孝宗愀然曰。此大位恐不克當。高宗即駕往德壽宮。孝宗步送出祥曦門。冒雨掖輦。至宮門不止。高宗麾謝再三。令左右扶還。顧曰。吾付

託得人無憾矣。自是每五日一朝德壽宮。百官月兩朝。高宗詔每月四朝。孝宗上高宗尊號曰光堯壽聖太上皇帝。孝宗終身備極孝養。兩宮無纖毫間隔。至淳熙十四年。高宗崩。年八十一。凡爲太上皇帝者二十四年。孝宗行三年之喪。

宋孝宗淳熙十五年。詔自今御內殿。令皇太子侍立。十六年二月。詔傳位皇太子。以德壽宮爲重華宮。是日孝宗吉服。御紫宸殿。行內禪禮。百官稱賀畢。內侍請太子坐。太子固辭。內侍扶掖。乃卽位。是爲光宗。光宗是時微坐。復興丞相率百官賀。禮畢。樞密院奏事。光宗仍立聽。班退。孝宗反喪服。御後殿。光宗侍立。尋登輦。同詣重華宮。光宗還內。上尊號曰至尊壽皇聖帝。

宋光宗紹熙四年七月以後。因疾不能朝。重華宮。明年孝宗疾甚。光宗仍不能朝。孝宗崩後。亦不能過宮行喪。乃立子嘉王爲皇太子。趙汝愚密請太皇太后於禪祭日。命皇太子卽位。尊光宗爲太上皇。至日衆官扶太子入素幄。披黃袍。太子卻立未坐。汝愚率同列再拜。須臾催仗訖。百官班定。內侍扶掖。乃卽位。是爲寧宗。寧宗詔建泰安宮。以奉太上皇。自是五日一朝。尋詔以秋暑。太上皇未須移御。卽以寢殿爲泰安宮。上尊號曰聖安壽仁太上皇帝。慶元六年崩。

明英宗土木之變。陷於也先。皇太后諭立皇長子見深爲皇太子。命郕王弟英宗輔之。代總朝政。後議者謂時方多難。宜立長君。皇太后亦遣太監金英傳旨郕王。宜早正大位。於是郕王卽帝位。是爲景帝。景帝遙尊英宗爲太上皇。後也先送英宗歸。景帝奉迎之禮甚簡。將至京。始備法駕於安定門外。英宗自東安門入。景帝迎拜。英宗答拜。各述己意。遜讓良久。乃送英宗於南宮。羣臣就見而退。後羣臣請朝英宗。萬壽聖節及元旦。景帝皆不許。已又廢太子見深爲沂王。而立己子見濟爲皇太子。又殺侍英宗之太監阮浪等。皇太子見濟尋卒。御史鍾

同等請復儲。皆被杖。并伐南城中高樹。英宗危甚。及景帝不豫。石亨徐有貞等迎英宗復位。明史。

以上皆歷代太上皇故事。北朝諸君固無足道。唐宋則名分典禮。各著稱史冊。然洪容齋謂唐四君順宗以病不能臨政。高祖以秦王殺兄弟。明皇幸蜀。太子擅立。惟睿宗傳位。發於誠心。然至先天二年。太平公主被誅之明日。始盡行歸政。則猶有不得已者。惟宋高孝兩朝爲千古所未有云。此固確論也。然南宋國僅偏安。嗣君又非親子。究不得爲大全。惟我

高宗純皇帝當大一統之運。臨御六十年。親傳寶位。猶時勤訓政。享年至八十有九。今上自受禪後。極尊養之誠。無一日不親承。

色笑。視宋孝宗之一月四朝。曾不足比數焉。然則兩宮授受。慈孝兼隆。福德大備。眞開闢以來所未見。豈不盛哉。

廿二史劄記卷十三終

帝王行三年之喪

三代後帝王行三年之喪者咸稱晉武帝宋孝宗然尚有晉康帝姚興魏孝文帝後周武帝北漢劉承鈞世未之知也今摘於後

晉文帝司馬昭之喪臣民皆從權制三日除服既葬武帝亦除然猶練冠蔬食及謁崇陽陵仍以衰經從行表秀奏既除不宜復服乃止羊祜曰三年之喪漢文除之毀禮傷義今主上至孝若因此復先王之法不亦善乎羣臣異議乃止羣臣又請易服復膳詔曰可試省孔子答宰我之言無俟紛紜也遂蔬素終三年後王太后殂帝居喪一遵古禮既葬有司請除服詔曰前代典禮質文不同何必援近制使達喪闕然乎竟素服以終三年武帝崩後既葬即宜釋服杜預奏皇太子宜復古

康帝紀有司奏成帝崩已一周請改素服進膳如舊詔曰權制之作出自近代雖曰適事實敵薄之始先王崇之後世猶念而況因循又從輕降義不可矣是康帝亦行三年喪也

姚興母虵氏死興哀毀過禮羣臣請依漢魏故事既葬即吉李嵩疏曰孝治天下先王之令典也宜遵聖性以光孝道既葬之後仍素服臨朝率先天下尹繹駁之曰帝王喪制漢魏為準嵩矯常越禮請付有司論罪興曰嵩忠臣孝子有何咎乎其一依嵩議晉書載記

魏孝文帝遭文明太后之喪欲行三年之喪羣臣固請依遺詔過葬即吉帝不許乃以衰服過期終四節之墓明年正月始聽政於皇信堂又明年遇文明太后再周忌日哭於陵左絕膳三日哭不輟聲魏書

後周武帝皇太后叱奴氏崩帝詔曰三年之喪達乎天子古今不易之道朕宜遵前典以申罔極百寮以下仍遵遺令公卿固請過葬即吉帝不許於是遂申三年之制五服之內亦令

依禮後周書

北漢劉承鈞於乾祐七年遭其父世祖之喪承鈞謂以日易月非禮也始行三年喪至乾祐

九年冬始除服十國春秋

宋孝宗遭高宗之喪詔朕當衰服三年羣臣自遵易月之令自是每七日及朔望皆詣德壽宮至大祥帝以白布巾袍御延和殿若詣德壽宮仍經杖如初葬後帝親行奉迎虞主之禮自是七虞八虞九虞卒哭奉辭皆如之又下詔曰朕欲衰經三年羣臣屢請御殿故以布素視事雖詔俟過耐廟勉從所請然稽諸典禮心實未安行之終制乃為近古宜體至意勿復有請於是遂終喪三年將內禪時密諭兩府欲禪位退休以畢高宗三年之喪屆期吉服御紫宸殿行內禪禮畢仍返喪服駕詣重華宮至服闋始除宋史孝宗崩光宗病不能執喪寧宗即位已服期欲大祥畢更服兩月御史胡紘言孫為祖服已期矣今欲加兩月不知用何典禮若謂嫡孫承重則太上皇即光宗聖躬久已康復在宮中自行三年之喪而陛下又行之是二孤也云云是光宗亦行三年之喪朱子語類

女后之賢

洪容齋標三女后之賢謂王莽女為漢平帝后自劉氏之廢稱疾不朝會莽敬而哀之欲嫁之不肯及莽敗后曰何面目以見漢家自投火中死楊堅女為周宣帝后知其父有異圖意頗不平及禪位憤惋愈甚堅內愧之欲奪其志后誓不許乃止李昇女為吳太子璉妃昇既篡封為永興公主妃聞人呼公主則流涕而辭之三后之事略同可畏而仰也然此三后猶人所知容齋所記尚有遺漏漢靈帝崩子辨即位是為少帝董卓廢為宏農王尋進酖弑之臨服酖時與妻唐姬泣別姬還潁川父會稽太守瑁欲嫁之誓不肯後李傕遣兵鈔關東掠

帝王行三年之喪 女后之賢

得之。惟欲妻之。不聽而終不自名。獻帝聞之。詔迎姬拜為宏農王妃。晉愍懷太子遜妃王氏。名惠風。王衍女也。太子既廢。衍請離婚。及劉曜陷洛陽。以惠風賜其將喬屬。惠風拔劍拒屬。曰。我太尉公女。皇太子妃。豈為汝逆胡所辱。屬遂殺之。苻堅奔五將山。為姚萇所擒。其張夫人自殺。苻登妻毛氏。壯勇善騎射。為姚萇所襲。營壘既陷。猶彎弓跨馬。率壯士數百人。與萇交戰。力屈被執。萇欲納之。毛氏罵曰。吾天子后。豈為賊羌所辱。何不速殺我。萇怒殺之。呂紹為呂纂所弑。妻張氏色美。呂隆欲汚之。張氏自投樓下。二脛俱折。誦佛經而死。以上皆晉書列女傳。呂纂既篡。為呂超所誅。其妻楊氏色美。超將娶之。使其父語之。楊氏曰。大人賣女與氏。以求富貴。一之已甚。其可使女辱於二氏乎。乃自殺。北史。西魏廢帝后。宇文泰之女也。帝為泰所廢。后以忠於魏被禍。北史。此皆亡國后妃之賢者。摘出以補容齋所未及。

南北朝通好以使命為重

南北朝通好。嘗藉使命增國之光。必妙選行人。擇其容止可觀。文學優贍者。以充聘使。如魏游明根。嘗三使於宋。李彪嘗六使於齊。齊武帝以裴昭明有將命之才。特命使魏。皆以其能稱。使職也。其後益以使命為重。李諧傳謂南北交聘。務以俊父相矜。銜命接客。必盡一時之選。無才地者。不得與焉。梁使每入。鄴下為之傾動。貴游子弟。盛飾聚觀。館門成市。魏使至。梁亦如之。一時風尚如此。凡充使及伴使。皆不輕授。邢邵在魏。為一時文人之冠。特以不持威儀。遂不令出使。邢邵傳。北齊李緯與崔暹不協。嘗曰。雖失貴人意。聘使不能舍我。後果使梁。李緯傳。崔瞻曾經熱病。面多癍痕。然雍容可觀。詞韻溫雅。遂出使於陳。崔瞻傳。此出使之精於選擇也。其出使而增重鄰國者。魏游明根使宋。宋孝武稱其長者。迎送禮加。常使游明。高推使宋。宋稱其才辨。高允傳。李彪使齊。將還。齊主親至琅琊山。命羣臣賦詩送別。李彪傳。北齊崔悅將使

梁。悅曰。文采與識。悅不推李諧。口頰顧。諧乃大勝。乃以李諧。盧元明。李業興出使。梁武謂左右曰。卿輩嘗言北方無人。此等從何處來。李諧傳。李渾聘梁。梁武曰。伯陽之後。久而彌盛。趙李人物。今實良多。李渾傳。魏收與王昕聘梁。昕風流文辨。收詞藻富逸。梁君臣咸敬禮。魏收傳。使崔彥穆聘陳。彥穆風韻閑曠。器度方雅。為江表所稱。崔彥穆傳。此皆出使之有光者也。其鄰國之接待聘使。亦必選有才行者充之。魏使至齊。齊以宗夫與任昉同接魏使。皆時選也。宗夫傳。王融有才辨。乃命兼主客接魏使。房景高宋弁。以融年少。問主客年幾。融曰。五十之年。已踰其半。景高曰。在北聞君曲水詩序。實願一見。融乃示之。弁曰。昔觀相如封禪。知漢武之德。今覽王生詩序。用見齊主之盛。王融傳。劉繪以才辨奉敕接魏使。事畢。當撰記。繪曰。無論潤色未易。但得我語亦難矣。劉繪傳。齊永明中。魏使至。詔選朝士有詞辨者。接使於界。乃以范岫往迎。范岫傳。魏使劉善明聘梁。梁使宋弁接之。預讌者皆歸化北人。善明欲見王錫。張纘。乃使錫纘入宴。善明遍論經史。錫纘隨而酬對。善明深嘆服之。張纘傳。齊使劉纘至魏。文成命李安世接之。安世善舉止。纘嘆曰。不有君子。豈能國乎。李安世傳。李諧。盧元明。聘梁。梁武以蕭搗詞令可觀。令受幣於賓館。蕭搗傳。梁使至魏。陸印每接讌。即席賦詩。印必先成。遂以敏速見美。陸印傳。劉孝儀聘魏。魏詔邢昕迎於境上。邢昕傳。徐君房庾信聘魏。名譽甚高。選接待者。皆一時之秀。盧元景之徒。皆降階攝職。更遞司賓。盧元景傳。梁使至北齊。齊每令裴讓攝主客郎。接待之。裴讓傳。陳使傅綽聘北齊。齊令薛道衡接待對。綽贈詩五百韻。道衡和之。南北稱美。薛道衡傳。陳使賀徹周漬相繼聘隋。隋每令盧昌衡接待之。盧昌衡傳。隋陸爽博學有口辨。每陳使至。文帝嘗使爽迎勞。陸爽傳。此又可見伴使者亦必慎選也。今按劉纘聘魏。指方山問接伴。李安世曰。此山去燕然遠近。安世曰。亦石頭之於番禺耳。李安世傳。魏李繪使梁。與梁人泛言氏族。袁狎自謂出自黃帝。姓在十四之限。繪曰。兄所出雖遠。當共車千秋分一字耳。李繪傳。李業興使梁。梁

南北朝通好以使命為重

朱异問洛中委粟山是南郊耶。業興曰：是圓邱，非南郊。异曰：北間郊邱異地，是用鄭義。此中用王義業興曰：江左用王義除禪，應是二十五日。何以王儉喪禮，仍用鄭義二十七日？李業興傳。梁徐陵使東魏，宴日甚暑。魏收曰：今日之熱，當由徐常侍帶來。陵曰：昔王肅至魏，為魏制禮儀。今我來聘，使卿復知寒暑。陳書徐陵傳。此等猶不過以言語文學見長。無大關係。若事涉朝政邊事，而能以片言全國體，折敵謀，則尤有足尚者。如魏太武南伐宋，太尉江夏王義恭、安北將軍武陵王駿守彭城，太武使李孝伯至城下，勞問曰：主上有詔，詔太尉安北可暫出相見。宋張暘出對曰：有詔之言，何得稱之於此？孝伯曰：鄰國之君，何為不稱詔於鄰國之臣？何至杜門絕橋？暘曰：二王以魏帝營壘未立，此間精甲十萬，恐相凌踐，故耳。孝伯曰：主將令行禁止，何待絕橋杜門？又何必以十萬誇大？我亦有良馬百萬，可以此相矜乎？孝伯應答如流，風容閑雅，暘甚相嗟賞。魏書李孝伯傳。宋人亦稱孝伯足辭辨北土之美。暘隨宜應答，音韻詳雅，北人美之。宋書張暘傳。劉纘使魏，市肆交易，金玉甚賤。纘曰：當是山川所出。李安世曰：我朝不貴金玉，故同於瓦礫耳。纘初將大市，聞安世言，慙而罷。齊書安世傳。齊高帝篡位，使車僧朗於魏，魏主問齊王何故奪宋天下。僧朗辨對甚明。齊書車僧朗傳。魏文明太后崩，齊使裴昭明來弔，欲朝服行事，不肯喪服。魏成淹折之曰：元冠不弔，童稚共聞。昔季孫將行，請遭喪之禮，何得以朝服行？弔昭明言我高帝崩，魏遣李彪來弔，不喪服。淹曰：彪本請喪服以行，及至齊，齊已即吉。君臣皆鳴玉行庭，使臣何容衰服？今我皇方親行喪服，豈得以此方比也？昭明遂以喪服入。成淹傳。及魏使李彪報謝，則入宴，辭樂曰：我皇孝性自天，除纘後尚以素服從事，使臣不敢聞樂。齊不能屈。李彪傳。齊明帝廢海陵王自立，魏孝文來伐壽春，城中遣王慶遠出與孝文語，遂退兵。齊書蕭遙傳。陳文帝弟安成王頊在梁，魏克江陵，隨例遷長安，宇文泰欲歸之，遣杜杲使陳道意。陳文帝大喜，即賂以黔中及魯山郡。後杲送頊歸，陳帝曰：家弟得歸，實貴朝大惠，然不還魯山，恐

未能如此。杲曰：安成在我朝，咸陽一布衣耳，然是陳之介弟，其貴豈止一城，我朝親睦九族，推己及人，所以送歸。今謂以土地易骨肉，何以聞之四方？陳帝大慚曰：前言戲之耳。後杲又使陳，宣帝謂曰：若欲合從圖齊，當以樊鄧見與。杲曰：合從圖齊，豈惟樊鄧之利，必須城鎮，宜待得之於齊。今先索漢南，使臣不敢聞命。宣帝甚敬之。邢杲傳。此等使臣實能為國家折衝樽俎之間，使鄰國不敢輕視，真所謂使於四方，不辱君命者。又不徒以言語文學見長而已。宜是時南北皆以選使為重也。

後魏追諡之濫

有天下，追尊其先世，禮也。然不過兩三代，獨後魏則無限制。道武帝建國稱帝，既追尊其始祖力微為神元皇帝，自神元以下，沙漠汗曰文帝，悉鹿曰章帝，綽曰平帝，弗曰思帝，祿官曰昭帝，猗迤曰桓帝，猗盧曰穆帝，鬱律曰太祖，平文帝，賀偃曰惠帝，紇那曰煬帝，翳槐曰烈帝，什翼犍曰昭成帝，凡十三帝。又從神元而上，追尊極遠之祖。毛曰成帝，貸曰節帝，觀曰莊帝，樓曰明帝，越曰安帝，推寅曰宣帝，利曰景帝，俟曰元帝，肆曰和帝，機曰定帝，蓋曰禧帝，倫曰威帝，鄰曰獻帝。詰汾曰聖武帝，又共十四帝。則不惟諡號遙加，并名諱亦出於追製。苟欲崇其祖先，而至於濫褻已甚，此不經之甚者也。按魏澹謂平文以前，本部落之君長，道武遠追二十八帝，實越典禮。今魏書及北史所載，止二十七帝，殊不合。魏澹所云，考平文時，長孫斤反拔刀向御前，太子實格之，傷脇而薨。後追諡為獻明帝，所云二十八帝者，獻明當在內也。魏書北史以獻明未登位，無事可紀，故缺之耳。

按漢制開國之君稱祖，以下則俱稱宗。自曹魏始，三代稱祖，武帝稱太祖，文帝稱高祖，明帝稱烈祖。明帝廟號乃生前所定，尤屬不經，故孫盛譏之。晉亦三代稱祖，司馬懿追稱高祖，昭追稱太祖，武帝稱

世祖慕容氏亦三代稱祖。虞追稱高祖。姚追稱太祖。僞僭號稱烈祖。姚秦亦三代稱祖。弋仲追稱始祖。裴稱太祖。興稱高祖。至元魏則更有兩太祖。道武既追尊平文帝為太祖。及道武崩。其廟號又稱太祖。此列朝所未見也。其後太武帝稱世祖。獻文帝稱顯祖。孝文帝稱高祖。北齊則高歡追稱高祖。文宣帝稱顯祖。武成帝稱世祖。亦三代稱祖。周宇文泰追稱太祖。武帝稱高祖。南朝則宋武帝稱高祖。文帝稱太祖。孝武帝稱世祖。亦三代稱祖。齊高帝稱太祖。武帝稱世祖。梁武帝稱高祖。元帝稱世祖。陳武帝稱高祖。文帝稱世祖。祖以功宗以德。原非必一祖之外。不得再稱祖。然亦須揆其功而祖之。創業中興。有大功於世。祖之可也。如魏明帝。宋文帝。孝武帝。後魏獻文帝。北齊武成帝。諸君。不過蒙業繼體。在位僅數年。無功可紀。乃亦以祖為廟號。僭偽之朝。苟為崇奉。固不可為法也。

保太后

禮記曾子問篇子游問曰。喪慈母如母禮歟。孔子曰。非禮也。古者男子外有傅。內有慈母。君命所使。教子也。何服之有。魯昭公少喪母。有慈母良。及死。公欲喪之。有司以為非禮。公乃以練冠喪。慈母喪。慈母自魯昭公始也。然但練冠以居。而孔子已以為非禮。按慈母亦有不同。或子幼母死。父命妾長育之者。父卒而遭此妾之喪。尚有三年之服。以重父命也。若但父使之保抱。則不過保母而已。晉書顧和傳。成帝以保母周氏有保育之勞。欲假以名號。和奏謂古無此例。惟漢靈帝以乳母趙嬈為平氏君。此末世之私恩。非先王之令典。乃止。是古未有崇奉保母之制也。乃後魏自道武創例。立太子。則先殺其母。以防母后預政。自是遂著為令。而帝即位。皆無太后。於是轉奉保母為太后。太武帝保母竇氏。本以夫家坐事沒入宮。明元帝命為太武保母。太武既立。尊為保太后。後又尊為皇太后。太后登崞山。謂左右曰。吾母養

帝躬。死必不為賤鬼。然於先朝無位次。不可違禮。從葬園陵。此山之士。可以終託。故歿後遂葬崞山。從其志也。文成帝乳母常氏。亦有劬勞之功。文成即位。尊為保太后。再進為皇太后。是時文成妃李氏生獻文。後將立獻文為太子。常太后依故事。令李氏條記在南兄弟付託。其宗兄洪之痛哭而死。以保母而能主宮闈之政。賜死太子之母。則當日之尊。竟同皇太后。可知也。文成帝又極尊奉封太后之兄英為遼西王。弟喜帶方公。三妹皆縣君。妹夫皆公侯。又追贈太后祖為公。父為王。母為王太妃。可謂濫矣。親母則必賜死。保母轉極尊崇。魏法之矯枉過正。莫不善於此。

異姓封王之濫自後魏始

太武帝即位。封長孫嵩北平王。奚斤宜城王。長孫翰平陽王。叔孫建丹陽王。司馬楚之琅琊王。杜超陽平王。穆壽宜都王。長孫道生上黨王。樓伏連廣陵王。自是功臣無有不王者。文成帝封周怱樂陵王。杜遣閭若文。劉尼。杜元寶。源賀。閭武。皮常英。閭毗。閭紇。尉眷。乙渾。李峻。俱進爵為王。又封陸麗為平原王。麗乞以讓父。帝曰。吾豈不能以二王封卿父子也。乃封其父侯東平王。後麗之子叡。事獻文帝。又封東郡王。一門之內。遂有三王。獻文帝又封慕容白曜。濟南王。韓頽襄城王。孝文帝亦封陳建魏郡王。苟頽河東王。王叡中山王。張祐新平王。太和十六年。始詔諸遠族。非太祖子孫。及異姓封王者。皆降為公。公為侯。侯為伯。其子男仍舊。皆除將軍之號。惟長孫道生以大功特不降。自是名器稍重。至北齊武成帝時。又極猥褻。奄人鄧長容。韓寶業。盧勒。又齊紹。秦子徵。陳德信。俱封王。後主緯時。庶姓封王者尤多。穆提婆。城陽郡王。高阿那肱。淮陽郡王。韓長鸞。昌黎郡王。皆倖臣也。張景仁。以待書封王。傳謂倉頡以來。八體進爵。一人而已。又有倉頭陳山提。蓋豐樂。劉郁斤。趙道德。劉桃枝。梅勝郎。辛洛周。高

保太后 異姓封王之濫自後魏始

舍盛。至武平時。皆封王。其不及武平者。亦追贈王爵。齊書謂諸倉頭始自家人。情寄深密。及後主時。已是先朝勳舊。故致此叨竊。又有樂人曹僧奴。及其子妙達。以能彈琵琶。亦封王。此外官階更不可數計。開府千餘。儀同無數。諸貴寵追贈祖父。歲一進官。位極而止。馬及鷹犬。皆有郡君儀。同之號。如赤彪儀同。逍遙郡君。凌霄郡君之類。甚至鬪鷄亦號開府。官爵之濫。至此極矣。故當時受之者。不以為榮。且反有以為辱者。陽休之為中書監。封燕郡王。謂人曰。我非奴。何忽有此授。可見人之賤之。至不齒於人列也。荒亂之朝。何所不至。固不可以常理論矣。

後魏以鑄像卜休咎

北史魏后妃傳序云。魏故事。將立皇后。必令手鑄金人。以成者為吉。否則不得立也。道武帝妃慕容氏有寵。帝令后鑄金人。成。乃立為后。後薨。又寵劉氏。以鑄金不成。不登后位。明元帝妃姚氏。鑄金不成。未升尊位。然帝禮之如后。薨。遂贈為后。加諡焉。然非特立后用此法也。爾朱榮以明帝崩。將有所立。乃以銅鑄孝文及咸陽王禧等五王之子孫像。成者當立為主。惟莊帝獨就。乃迎立之。及河陰之役。榮欲僭位。鑄金為己像。數四不成。乃止。齊高洋欲僭位。羣臣皆意以為不可。鑄像卜之。一寫而成。遂決意僭號。蓋當時國俗然也。魏書北齊書及北史。按晉書載記。冉閔遣常煒使於慕容儁。儁使封裕問之曰。聞閔鑄金為己像。壞而不成。何得言有天命。煒言此事非實。此又在元魏之前。則不始於魏矣。蓋本北俗故事。至拓跋而益尚之也。

後魏百官無祿

後魏未有官祿之制。其廉者貧苦異常。如高允草屋數間。布被縵袍。府中惟鹽菜。常令諸子採樵自給是也。允傳。否則必取給於富豪。如崔寬鎮陝。與豪宗盜魁相交結。莫不感其意氣。時官無祿力。惟取給於人。寬以善於結納。大有受取。而與之者無恨。寬傳。文成帝詔諸刺史。每因調發。逼人假貸。大商富賈。要時射利。上下通同。分以潤屋。自今一切禁絕。犯者十疋以上皆死。明元帝又詔使者巡行諸州。校閱守宰貲財。非自家所贍。悉簿為贓。是懲貪之法。未嘗不嚴。然朝廷不制祿以養廉。而徒責以不許受贓。是不清其源。而徒遏其流。安可得也。至孝文帝太和八年。始詔曰。置官班祿。行之尚矣。自中原喪亂。茲制久絕。先朝因循。未遑釐改。今宜班祿。罷諸商人。以簡人事。戶增調絹二疋。穀二斛九升。以為官司之祿。均預調為二疋之賦。即兼商用。祿行之後。贓滿一疋者死。俸以十月為首。每季一請。後以軍興用不足。又詔百官祿四分減一。以充軍用。至明帝時。于忠當國。欲結人心。乃悉復所減之數。此魏制官俸之大概也。按文成詔中。所謂商賈邀利。刺史分潤。孝文詔中。所謂罷諸商人。以簡人事。蓋是時官未有祿。惟藉商賈取利而抽分之。至見於詔書。則陋例已習為常矣。崔寬并交結盜魁。為受納之地。既取利於商賈。自并及於盜賊。亦事之所必至也。上下交征如此。何以立國哉。

後魏刑殺太過

後魏起北方。專以刑殺為政令。自猗盧為代王。即嚴刑峻法。諸部人多以違命得罪。凡後期者。舉部戮之。或有宗室相搆。悉赴死所。或問何往。曰。當就誅戮。其威嚴如此。道武帝以秦王觚使於燕。為所害。及克中山。收害觚者傅高。霸程同等。皆夷五族。以大刃挫殺之。其討劉衛辰。收其子弟宗黨。無少長五千餘人。盡戮死。末年每朝。臣至前。追其舊惡。輒殺之。其餘或以顏色動變。或以喘息不調。或以行步乖節。或以言詞失措。皆以為懷惡在心。變見於外。乃手

後魏以鑄像卜休咎 後魏百官無祿 後魏刑殺太過

自毆擊死者皆陳天安殿前。道武時嘗有神巫謂帝當有暴禍。惟滅清河。殺萬人。乃可免。帝乃滅。死一人代每一行死者數十。有愛妾名萬人。與帝子清河王紹。太武帝雖詔有司。按律令務求厥私通懼事。發乃執帝。臨死。悟清河萬人之讖。在此二人也。然如崔浩之誅。清河崔氏無遠近。及范陽盧氏。太原郭氏。河東柳氏。皆浩之親黨。盡夷其族。甚至僮吏亦夷五族。同修史者亦族誅。浩傳。史臣謂太武果於刑戮。後多悔之。則亦仍其祖父舊法也。至孝文帝始詔一人為惡。殃及合門。朕所不忍。自今非謀反大逆。及外奔者。罪止其身。尋又詔五族者降止同祖。三族者止一門。門誅者止其身。於是刑戮稍減。然自先世以來。冤死者已不可數計矣。按猗盧為其子六修所弑。道武為其子紹所弑。及身之報。已屬顯然。其後亡國時。北齊文宣帝問元韶。光武何故中興。韶曰。為王莽誅諸劉不盡。文宣乃誅諸元。世哲景武等二十五家男子。無少長皆斬。所殺三千人。餘十九家竝禁之。韶亦入地牢。絕食。啗衣袖而死。尋又大誅元氏。壯者斬東市。嬰兒投於空中。以粟承之。悉投屍漳水。剖魚者多得爪甲。都下為之。久不食魚。文宣嘗令諸囚。自金鳳臺各乘紙鳶。以飛。最遠者免死。元黃頭獨能至紫陌。宜得免矣。仍付御史獄。餓死。凡昭成以下。竝無遺焉。然則元魏之後。竟無遺種。實好殺之報也。高允曰。阜陶至德也。其後英蓼先亡。劉項之際。英布黥而王。經世雖久。猶有刑之餘釁。況凡人乎。後周宇文氏之後。為隋所誅。殺殆盡。史臣亦謂渚宮制勝。闔城孳戮。茹茹歸命。盡種誅夷。周祚不永。或由於此。是則天道之報施。固有昭然不爽者也。

按族誅之法。本起於秦。漢高祖入關。所謂父老苦秦苛法。誹謗者族。是也。後漢書楊終疏。亦言秦政酷烈。一人有罪。延及三族。如淳曰。父族。母族。妻族也。張晏曰。父母妻子兄弟也。是族誅本秦酷政。漢高約法三章。則已除之。然韓彭之誅。皆夷三族。購季布敢匿者罪三族。捕貫高等。敢有隨者罪三族。是仍未嘗除也。故崔實政論。謂高祖使蕭何定律。有夷三族之令。至文帝始除之。楊終疏。所謂文帝至仁。除去收孥是也。然文帝雖除。而後如李陵王溫舒等。仍坐罪族誅。

則此刑故在。至魏晉之際。益慘酷。無人理。司馬懿誅曹爽。支黨皆夷三族。男女無少長。姊妹女子之適人者皆殺之。爽傳。王凌之妹。為郭淮妻。凌被誅。淮五子向。淮叩頭流血。淮不能忍。乃致書懿。免之。淮傳。母丘儉之誅。其子旬妻荀氏。應坐死。其兄頌乞其命。乃詔離婚。而荀氏所生女。已嫁劉子元。亦當坐死。以懷妊在獄。荀氏乞為婢。以贖女命。按荀氏之女。則儉孫女也。而亦不免。是誅及四程威乃上議曰。已出之女。父母有罪。既須追刑。夫黨見誅。又須從族矣。司馬氏之酷如此。程威乃上議曰。已出之女。父母有罪。既須追刑。夫黨見誅。又須從戮。是一人之身。內外受辟。男不得罪於他族。女獨嬰禍於二門。事屬不均。請在室者。從父母之誅。出嫁者。從夫家之罰。乃改此制。晉刑法志。其後解結被戮。其女適裴氏者。明日當嫁而禍起。裴氏欲認活之。女曰。家既若此。我何活為。亦坐死。夫以將嫁。而夫家來認之。即可不死。則已稍輕於母邱儉之案矣。然一人有罪。害及無辜。秦漢以來。以此法枉殺者。不知凡幾。又況後魏之誅及五族耶。爾雅。內宗曰。族。母妻則曰。黨。是古所謂族者。專指宗姓而言。故為五。以五為九也。後世乃誤以父。母。妻。子。為五。而不知其非也。然則。父。母。妻。子。則此誅之。自杜預。始當矣。今按漢書。張晏多顧。孫元。謂於喪。服。小。記。所。云。以。三。於。本。族。之。外。及。於。姑。姊。妹。及。女。子。之。適。人。者。至。魏。安。知。之。誅。崔。浩。并。及。於。盧。氏。郭。氏。柳。氏。邱。氏。弟。妻。子。也。祖。如。淳。非。如。淳。注。之。遺。害。耶。故。落。筆。不。可。不。慎。也。

魏以奄人為外吏

後魏多以奄人為外吏。楊範傳。謂靈太后臨朝。中官貴者。皆許以方岳。故宦寺多為外吏。今考魏書。不自靈太后始也。蓋魏時籍沒之制甚嚴。凡官吏有罪者。一經籍沒。則婦女入掖庭。男子小者即為奄寺。故其中往往有士人子孫。知義理有才具者。如仇洛齊。其祖本殿中侍御史。洛齊在太武時為奄人。因綾羅戶。不屬守宰。多隱漏。乃奏請悉歸郡縣。後出為冀州刺史。有能名。王瑀先世晉豫州刺史。瑀被刑入宮。歷事數朝。志在公正。出為冀州刺史。年老致

事。孝文帝時隨遷洛。以家貧特蒙賜帛。趙黑先世本晉平遠將軍。黑沒為奄人。官選部尚書。能自謹厲。當官任舉。頗能得人。獻文欲傳位京兆王子推。黑願以死奉太子。孝文以是得立。後出為定州刺史。克己清儉。憂濟公私。有欲行賂者。黑曰。高官厚祿。足以自給。敢賣公營私耶。孝文聞之。特賜絹穀。孫小父本姚秦護軍。守城殉節。小沒入宮刑。後出為并州刺史。州內四郡百餘人。詣闕頌其政化。後遷冀州刺史。清約自守。當時牧伯無能及。他如抱嶷以忠謹被擢。後因老疾乞外祿。乃出為涇州刺史。自以故老前宦。為政多守法。王質解書學。出為瀛州刺史。在州十年。風化粗行。察奸糾隱。究其情狀。民庶畏服之。此皆在靈太后之前。而閹寺為吏。亦有能勤於其官者。自靈太后後。楊範為白水太守。王溫為鉅鹿太守。瀛州刺史。然皆無可稱。蓋亦視朝政之盛衰為賢否。朝政肅則刑餘為吏。亦能砥節奉公。朝政弛則士大夫亦多貪縱。況此輩乎。俱見魏書。在官傳。

魏孝文遷洛

魏孝文帝以國俗沿上世之陋。欲遷洛以變舊風。恐大臣不欲。乃發京師步騎百餘萬南伐。至洛陽。帝戎服執鞭而出。羣臣稽顙於馬前。請停南伐。帝曰。今者之舉。興發不小。動而無成。何以示後。若不南伐。便當都洛。乃議遷移之計。次年至平城宮。部分遷留。又臨太極殿。喻在代諸臣遷移之略。不紀。時舊臣多不欲行。帝先與彭城王澄議之。謂平城乃用武之地。非可興文。須光宅中原。澄力贊之。乃決。澄傳。帝又謂元贊等曰。朕為天子。何假中原。欲令卿等子弟。博見多智耳。若永居恆北。卿等子弟。不免面墻也。廣陵王羽傳。又嘗問于烈。遷留孰便。烈對曰。聖略深遠。非愚管所及。若隱心而言。樂遷之。與戀舊中半耳。帝曰。卿不鳴異。同朕深感。不言之益。烈傳。時穆泰陸叡以畏遷謀反。泰欲推陽平王曠為主。事敗賜死。泰傳。遷洛後。太子恂

守金墉。畏河內暑熱。召牧馬。欲輕騎奔代。元徽勸門阻之。乃止。帝遂廢恂為庶人。尋亦賜死。恂傳。帝引見朝臣。詔斷北語。一從正音。年三十以上。習性已久。或不可革。三十以下。見在朝之人。語音不許仍舊。違者免所居官。又詔革衣服之制。嘗出行。見婦女仍夾領小袖。乃責咸陽王禧等。禧傳。又詔遷洛人。死者葬河南。不得還北。於是代人南遷者。皆為洛陽人。又詔改國姓為元氏。本紀。蓋帝優於文學。惡本俗之陋。欲以華風變之。故不憚為此舉也。然國勢之衰。實始於此。一傳而宣武再傳。而孝明而鼎祚移矣。蓋徒欲興文治。以比於古帝王。不知武事已漸弛也。其先道武帝遣賀狄于至秦。為姚興所留。因在長安讀書。通尚書論語。舉止似儒者。後歸。道武見其類中國人。遂殺之。賀狄傳。明元帝時。或言國家當遷都鄴。崔浩曰。非計也。今居北方。若山東有事。則輕騎南出。誰知多少。百姓望而遠服。此國家威制四夷之長策。若南徙。則種人不滿。諸州之地。參居榛林之下。不服水土。疾疫死傷。情見事露。四方聞之。有輕侮之意。則聲實俱損矣。崔浩傳。此又開國君臣之深識遠慮也。

顧寧人言中國風俗。多有不如外蕃者。遼史言契丹生計。仰給畜牧。績毛飲漚。以為衣食。狃習勞事。不見紛華。故家給人足。戎備完整。金史世宗曰。女直舊俗。雖不知書。然其祭天地。敬親戚。尊者老。接賓客。皆出自然。乃禁女直人不得改稱漢姓。學南人衣裝。犯者抵罪。又曰。遼不忘舊俗。朕以為是。海陵習學漢人。是忘本也。若依國家舊風。乃長久之計也。金史食貨志。亦謂金中葉以後。鄙遊儉樸。襲宋繁縟之文。又懲宋寬柔。用遼操切之政。是棄二國之所長。而專用其所短。迄金之末。國用易竭。民心易離。實由於此。作法不慎。變法以救其弊。祇益甚焉。此又操化權者所當加意也。

魏孝文帝文學

古今帝王以才學著者。曹魏父子。蕭梁父子為最。然皆生自中土。績學少年。惟魏孝文帝生本北俗。五歲即登帝位。此豈有師儒之訓。執經請業。如經生家所為。乃其聰睿夙成。有不可以常理論者。史稱其雅好讀書。手不釋卷。五經之義。覽之便講。史傳百家。無不該涉。善談莊老。尤精釋義。才藻富贍。好為文章。詩賦銘頌。任興而作。有大文筆。馬上口授。及其成也。不改一字。自太和十年以後。詔冊皆帝文也。餘文章尚百餘篇。史論亦謂帝欽明稽古。煥乎其有文章。諡之以經天緯地。信不虛也。今就各列傳所散見者。撮錄之。帝宴宗室於皇信堂。命任城王澄為七言連韻詩。帝往復極歡。乃罷。澄傳。帝征懸瓠。賜宴與從臣聯句。帝歌曰。白日光天兮無不曜。江左一隅獨未照。彭城王勰曰。願從聖明兮登衡會。萬國馳誠混日外。鄭懿曰。雲雷大振兮天門闢。率土來賓一正歷。邢巒曰。舜舞干戚兮天下歸。文德遠被莫不思。鄭道昭曰。皇風一鼓兮九地匝。戴日依天清六合。帝又歌曰。遵彼汝墳兮昔化貞。未若今日道風明。帝乃命邢巒總集敍記。鄭道昭傳。馮熙造寺於北邙山。賈元素作碑文。帝遊寺見之。稱為佳作。熙卒。帝親為作誌銘。馮熙傳。帝以馮誕為司徒。親為製三讓表。并啓將拜。又代為謝章。誕卒。又親為碑文及挽歌。皆窮美盡哀。馮誕傳。又常遊幸。憇大松下。謂彭城王勰曰。汝可作詩。比至吾間。令就也。勰去帝十步。且行且作曰。問松林。松林經幾冬。山川何如昔。風雲與古同。未至帝所。已成。帝又嘗御清微堂。與羣臣講喪服。李彪曰。古未有人君親講喪禮。臣得親承音問。千載一時。勰傳。劉昶出鎮彭城。帝賜以御集。曰。雖則不文。然欲罷不能。故以相示。聊為一笑。昶傳。崔挺至行在。帝謂曰。別卿以來。倏焉二載。吾所綴文。已成一集。今當給卿副本。挺傳。可見帝深於文學。才藻天成。有不能自諱者。雖亦才人習氣。然聰睿固不可及。其急於遷洛。欲變國俗。而習華風。蓋發於性靈。而不自止也。

廿二史劄記卷十四終

廿二史劄記卷十五

陽湖趙翼撰

北朝經學

六朝人雖以詞藻相尚。然北朝治經者。尚多專門名家。蓋自漢末。鄭康成以經學教授門下。著錄者萬人。流風所被。士皆以通經績學為業。而上之舉孝廉。舉秀才。亦多於其中。取之。故雖經劉石諸朝之亂。而士習相承。未盡變壞。大概元魏時經學。以徐遵明為大宗。周隋間以劉炫劉焯為大宗。按北史儒林傳。遵明講鄭康成所著易。以傳盧景裕崔瑾。是遵明深於易也。尚書之業。遵明所通者。鄭注之今文。後以授李周仁等。是遵明深於尚書也。三禮并出。遵明之門。傳李鉉祖雋熊安生。是遵明深於禮也。館陶趙世家。有服氏春秋。乃晉永嘉舊本。遵明讀之。手撰春秋義章三十卷。河北諸儒。能通服氏春秋者。並出徐生之門。遵明時。又深於春秋也。至隋劉焯於賈王馬鄭章句。多所是非。著有五經述議行世。與劉炫齊名。時稱二劉。炫尤博學多識。韋世康問其所能。炫曰。周禮禮記毛詩尚書公羊左傳孝經論語。孔鄭王何服杜等註。凡十三家。竝堪講授。周易儀禮穀梁。用功差少。在朝知名之士七十餘。皆謂炫所陳不謬。是炫之深於諸經也。其時治經者。各有師承。如李鉉從李周仁受毛詩。劉子猛受禮記。房蚘受周官儀禮。鮮于靈馥受左氏春秋。又受業徐遵明者五年。楊汪受禮於沈重。受漢書於劉臻。劉焯亦受詩於劉軌思。受左氏傳於郭懋。問禮於熊安生。又以劉智海家多墳籍。就之讀十年。此可見諸儒師資有自。非同後世稗耳販目之學也。其業既成。則各有

所著以開後學。如劉芳撰鄭元所註周官儀禮音干寶所註周官音王肅所註尚書音何休所註公羊音范甯所註穀梁音韋昭國語音各一卷衛冀隆精服氏左傳難杜預春秋六十事賈思同又駁冀隆乖錯者十餘條姚文安難服虔左傳解七十七條名曰駁妄李崇祖申明服氏名曰釋謬劉獻之撰三禮大義四卷三傳略例三卷毛詩序義一卷李鉉撰孝經論語毛詩三禮義疏及三傳異同周易義例合三十餘卷沈重著周禮義三十一卷儀禮義三十五卷禮記義三十卷毛詩義二十八卷喪服經義五卷周禮音儀禮音各一卷禮記音毛詩音各二卷樊深撰孝經喪服問各一卷七經異同三卷熊安生撰周禮禮記義疏各三十卷樂遜著孝經論語毛詩左氏春秋序論十餘篇又著春秋序義通賈服說發杜氏達劉炫著春秋攻昧十卷五經正名十三卷孝經述議五卷春秋述議二十卷毛詩述議四十卷魯世達撰毛詩章句義疏四十三卷張仲撰春秋義略異於杜氏者七十餘事及喪服義三卷孝經義三卷論語義三卷此又可見當時治經者各有心得筆之于書非如後世記問掇拾之學也其所以多務實學者固由於士習之古亦上之人有以作興之梁越通經道武帝命授諸皇子經官上大夫盧醜當太武帝監國時入授經後以師傅恩賜爵濟陰公張偉當太武時以通經官中書侍郎張靈暉通經南陽王綽奏以為王師官三品孝文帝尤重儒學尊三老五更又開皇子之學劉芳李彪諸人皆以經書進用董微通經宣武帝徵入璇華宮為諸王師此元魏之崇尚經學也李鉉邢昺皆以通經齊文宣帝詔授太子經馮敬德博學武成帝為後主擇師命為侍講其子元熙又以孝經授緯太子此高齊雖荒亂亦尚知以經術訓子也周武帝以沈重經學授驃騎大將軍開府儀同三司熊安生在齊精三禮周武帝滅齊安生遽令掃門家人怪之安生曰周帝崇儒重道必來見我已而果至樂遜通經節閔帝命為小師氏自譙王儉以下並束修行弟子禮此宇文周之崇尚經學也以上俱見下至各本傳

借偽諸國亦有重儒術者姚興時者儒姜龕淳于岐等經明行修教授長安諸生皆至遠而至與每引龕等講論道藝胡辨講授洛陽關中諸生赴之者輿敕關尉勿稽其出入於是學者咸勸儒風振焉劉延明深於經學涼武昭王以為儒林祭酒及沮渠蒙遜平酒泉亦躬往致禮至牧犍又尊為國師親自致拜焉蒙遜平酒泉時又以宋綏博通經籍特擢之曰不喜克李氏喜得宋綏耳蒙遜又以闕駟通經甚重之常令在左右訪以政事牧犍待之愈重又程駿有文學牧犍擢為東宮侍講皆見晉書載記可見北朝偏安竊據之國亦知以經術為重在上方者既以此取士士亦爭務於此以應上之求故北朝經學較南朝稍盛實上之人有以作興之也

南朝經學

南朝經學本不如北兼以上之人不以此為重故習業益少統計數朝惟蕭齊之初及梁武四十餘年間儒學稍盛齊書劉瓛傳謂晉尚元言宋尚文章故經學不純齊高帝少為諸生即位後王儉為輔又長於經禮是以儒學大振建武以後則日漸衰廢梁書姚察論曰崔伏何嚴等遭梁之崇儒重道皆至高官稽古之力諸儒親遇之陳書儒林傳序亦謂梁武開五館建國學置博士以五經教授帝每臨幸親自試胄故極一時之盛陳初未遑勸課間有以經學名者亦皆梁之遺儒云益可見經學之盛衰總由於上之輕重也今并敘南朝經學諸儒所著述於此伏曼容著周易毛詩喪服集解論語義何休之著禮義百餘篇嚴植之撰凶禮儀注四百七十九卷賀瑒著賓禮儀注一百四十五卷其子革亦通三禮又兼治孝經論語毛詩左傳崔靈恩集註毛詩二十二卷集註周禮四十卷三禮義宗四十七卷左氏經傳義二十二卷左氏條例十卷公羊穀梁文句義十卷孔子祛著尚書義二十卷集註尚書三

十卷。續朱异集註周易一百卷。續何承天集禮論一百五十卷。皇侃撰論語義十卷。何允著周易十卷。毛詩總集六卷。毛詩隱義十卷。禮記隱義二十卷。禮答問五十五卷。王元規著春秋發題及義記十一卷。續經典大義十四卷。孝經義二卷。左傳音三卷。禮記音三卷。張譏撰周易義三十卷。尚書義十五卷。毛詩義二十卷。孝經義八卷。論語義二十卷。顧越著喪服毛詩孝經等義疏四十卷。沈不害著五禮儀一百卷。而宋懷方戚衰竝自魏入梁。以名其家。懷方自魏攜儀禮記疏。祕惜不傳。臨死謂家人曰。戚衰若來。以此付之。否則殉葬。戚衰在梁。亦著三禮義記。遭亂亡失。惟禮記義四十卷行於世。其時自北來者。崔君恩宋懷方戚衰外。尚有孫祥蔣顯等。竝講學。而音辭鄙拙。惟盧廣言論清雅。不類北人。是可見梁武之世。不特江左諸儒崇習經學。而北人之深於經者。亦聞風而來。此南朝經學之極盛也。

後魏多家庭之變

穆帝爲其子六修所弒。昭成帝爲其子實君所弒。道武帝爲其子清河王紹所弒。太武帝爲中常侍宗愛所弒。獻文帝爲其母文明太后所害。孝明帝亦爲其母胡太后所害。統計後魏諸帝。不得令終者凡六人。而禍皆出於家庭之間。蓋剛戾性成。其俗固然也。

魏齊諸帝皆早生子

魏道武帝十五歲生明元帝。景穆太子十三歲生文成帝。文成十五歲生獻文帝。獻文十三歲生孝文帝。北齊後主緯十四歲生子恆。緯弟儼被誅。時年十四。已有遺腹子四人。按高澄年十二。尚魏孝靜帝妹馮翊長公主。蓋魏齊之間。皇子皆早娶。故生子亦早。

魏諸帝多幼年即位

魏道武帝年六歲即位。太武帝十六歲即位。文成帝十三歲即位。獻文帝十一歲即位。孝文帝五歲即位。宣武帝十七歲即位。孝明帝六歲即位。

元魏時人多以神將爲名

北朝時人。多有以神將爲名者。魏北地王世子名鍾葵。元又本名夜叉。其弟羅本名羅刹。孝文時又有奄人高菩薩。爾朱榮子一名又羅。一名文殊。梁蕭淵藻小名迦葉。隋時漢王諒反。其將有喬鍾葵。隋末有賊帥宋金剛。唐武后時嶺南討擊使。上二閹兒。一曰金剛。一曰力士。卽高力士也。

財婚

魏齊之時。婚嫁多以財幣相尚。蓋其始高門與卑族爲婚。利其所有財賄紛遺。其後遂成風俗。凡婚嫁無不以財幣爲事。爭多競少。恬不爲怪也。魏文成帝嘗詔曰。貴族之門。多不奉法。或貪利財賄。無所選擇。令貴賤不分。虧損人倫。何以示後。此可見財婚由來久矣。封述傳述爲子娶李士元女。大輸財聘。及將成禮。猶競懸違。述忽取所供像對士元打碎爲誓。士元笑曰。封翁何處常得此應急像。須誓便用。述又爲次子娶盧莊女。述訴府云。送騾乃嫌脚踏。評田則云。鹹薄銅器。又嫌古廢。皆爲財聘。以致紛紜。可以見是時習尚也。

高門士女

後魏多家庭之變 魏齊諸帝皆早生子 元魏時人多以神將爲名 財婚 二二七

北齊書郭瓊以罪死。其子婦范陽盧道虞女也。沒官。齊神武以賜陳元康為妻。元康地寒。時人以為殊賞。元康孫奉為神武所寵。賜妻韋氏。既士人女。兼有色貌。時人榮之。奉傳。魏太常劉芳女。中書郎崔肇師女。其夫家皆坐事。齊文宣竝以賜魏收為妻。人比之賈充。置左右夫人。收傳。

魏齊斗秤

漢書匈奴傳。嚴尤諫王莽伐匈奴曰。調兵出塞。計一人三百日食。用糒十八斛。晉書傅元傳。魏初課田功。白田收十餘斛。水田收至數十斛。宋書劉劭傳。每二萬人歲食米四十八萬斛。此非古人所食之多。田之所收者廣也。乃古之斗斛小耳。又晉摯虞傳。陳媿掘地得古尺。尚書奏今尺長於古尺。宜以古尺為準。是古時尺度亦短。其大斗長尺。及重秤。則起於魏齊周隋之間。孔穎達正義。魏齊斗秤。於古二而為一。周隋斗秤。於古三而為一。顧寧人所謂古今斗尺權量之一大變局也。然即以魏而論。其制亦先後不同。魏初斗秤亦大。自孝文帝遷洛後。詔改長尺大斗。依周禮制度。班之天下。本紀。是斗秤全以古制為準。竝無所謂以二為一也。孝文之後。又日漸加增。按張普惠傳。孝明帝時。尚書欲復綿麻之征。普惠疏曰。高祖廢大斗。去長尺。改重秤。本以愛民。而軍國需綿麻之用。故絹上加稅綿八兩。布上加稅麻十五斤。其時百姓免長尺大斗重秤之苦。故樂於供輸。其後尺漸長闊。而綿麻又徵。以致百姓嗟怨。自後大臣不知去其幅廣度長。及秤重斗大。而特免綿麻之征。以苟悅天下之心。所謂悅之。不以其道也。然則魏斗秤自孝文改從周制後。仍未久而變。穎達所謂二而為一者。蓋宣武孝明時已變之制也。餘見該餘叢考。

假官

後魏孝靜帝時。吏部令史張永和崔閻等。偽假人官。事覺糾檢。首者六萬餘人。本紀。此在荒亂之朝。吏弊官邪。固無足怪。至隋文帝。以綜核為政。宜無敢有作偽者矣。乃有向道力者。偽作高平郡守。將之官。薛胄遇諸途。疑之。使主簿按問。有徐俱羅者。先為海陵郡守。已為道力所代。秩滿而公私未悟。俱羅亦曰。道力已代我一任。使君豈容疑之。胄不聽。遽收道力。道力果引服。薛胄傳。郡守非卑秩。任滿非暫時。乃作偽而莫之悟。亦可見法網之疎矣。然亦有不可信者。彼既為偽守。則真守何在。豈肯聽人之假冒數年。而不出理者。恐作史者之謾聞也。

周隋唐皆出自武川

兩間王氣。流轉不常。有時厚集其力於一處。則帝王出焉。如南北朝分裂。其氣亦各有所聚。晉之亡。則劉裕生於京口。蕭道成蕭衍生於武進之南蘭陵。陳霸先生於吳興。其地皆在數百里內。魏之亡。則周隋唐三代之祖。皆出於武川。宇文泰四世祖陵。由鮮卑遷武川。陵生系。系生韜。韜生肱。肱生泰。是為周文帝。楊堅五世祖元素。家於武川。元素生惠。惠生烈。烈生禎。禎生忠。忠生堅。是為隋文帝。李淵三世祖熙。家於武川。熙生天賜。天賜生虎。虎生昞。昞生淵。是為唐高祖。區區一彈丸之地。出三代帝王。周幅員尚小。隋唐則大一統者。共三百餘年。豈非王氣所聚。碩大繁滋也哉。

北齊以廝役為縣令

後魏光宅中原。頗以吏治為意。如明元帝神瑞元年。詔使者巡行諸州。閱守令資財。非自家

高門士女 魏齊斗秤 假官 周隋唐皆出自武川 北齊以廝役為縣令

所齋。悉簿爲賊。二年又詔刺史守令。情逋今年租調者。罰出家財以充。不得征發於民。太武帝行幸中山。免守宰貪污者數十人。神嘉元年。以天下守宰多非法。精撰忠良悉代之。太延三年。又詔天下吏民。得告守令之不法者。是皆能整飭官吏。不至猥濫。及其末造。國亂政淆。權移於下。遂至宰縣者多廝役。士流皆恥爲之。入北齊。其風更甚。僕射元文遙深見其弊。奏縣令乃治民之官。請革其選。於是密令搜揚貴游子弟。發敕用之。猶恐其披訴。乃召集神武門外。令趙郡王叡宣旨。唱名厚加慰諭。遣之。士人爲縣自此始。元文遙傳。自是李仲舉盧昌衡等八人。以門資竝見徵用。仲舉爲修武令。人號曰寬明。昌衡爲平恩令。人號曰恩明。時稱盧李之政。李仲舉傳。以親民之官。而寄之廝役。衰亂之朝。何事蔑有。此亦可以觀世變也。

按晉書趙王倫篡位時。奴卒廝役。亦加爵位。每朝會。貂蟬滿座。時人語曰。貂不足。狗尾續。又會稽王道子傳。孝武不親萬機。與道子酣飲。妯姆尼僧。尤爲親昵。竊弄其權。許榮上疏曰。今臺府局吏。直衛武官。凡僕隸婢兒。取母之姓者。本臧獲之徒。無鄉邑品第。皆得用爲郡守縣令。云云。嬖人趙牙。出自倡優。道子以爲魏郡太守。茹千秋。本捕賊吏。爲諮議參軍。是又在北齊以前故事也。

齊文宣帝能預知

齊文宣帝沈湎於酒。昏醉如癡。沈酣既久。遂虧本性。然時或發言屢中。故時人謂之神靈。嘗問泰山道士曰。吾得爲幾年天子。答曰。得三十年。帝謂李后曰。十年十月十日。得非三十乎。吾甚畏之。果以天保十年十月十日崩。先是帝令邢邵爲太子制名。名殷。字正道。文宣尤之。曰。殷家兄終弟及。正字一止。吾身後兒不得也。邵懼。請改名。帝不許曰。天也。因謂昭帝。即帝弟演。曰。奪時但奪。慎勿殺也。後殷即位未一年。爲孝昭所廢。尋又害之。俱齊紀。定州城西門久閉不

開。文宣過之。或請開門。文宣不許曰。當有聖人啓之。後隋文帝從周武平齊。除定州總管。至定州。開此門。入。人莫不驚異。後果登大位。隋書本紀。

北齊宮闈之醜

古來宮闈之亂。未有如北齊者。神武以草竊起事。本不知有倫理。魏莊帝后。爾朱氏榮之女也。建明帝后。小爾朱氏兆之女也。以及魏廣平王妃鄭氏。名大車。任城王妃馮氏。城陽王妃李氏。皆魏宗室之妃。魏亡後。神武一一納之。是開國之初。已肆情蕩檢。長子文襄。高澄。踵其淫風。以薛寔妻元氏。有色。迎入欲通之。元氏正詞哭拒。文襄使崔季舒送付廷尉罪之。陸操曰。廷尉守法。須知罪狀。文襄怒。以刀環築。操又高慎妻美。文襄挑之不從。衣盡破裂。奔以告慎。慎遂降西魏。慎妻不及從。入逆口中。文襄盛服見之。乃從焉。又納孫騰妓玉元儀。封琅琊公主。玉儀姊靜儀。黃門郎崔括妻也。文襄奪之。亦封公主。括由是見擢。文襄又與神武妃鄭氏。即大車。私通。爲婢所告。賴司馬子如掩覆而事寢。文襄又悉於神武之妻蠕蠕公主。生一女。此文襄之所爲也。文宣。高洋。篡位後。文襄后元氏。居靜德宮。文宣曰。兄昔姦我婦。我今須報。乃淫於后。崔修妻王氏。文宣幸之。納爲嬪。娼女薛氏。舊爲清河王岳所好。尋入宮爲嬪。又納其姊。後帝知其會與岳通。姊妹俱被殺。永安王浚。上黨王渙。帝親弟也。使蒼頭劉郁捷殺浚。即以浚妃妻之。馮文洛殺渙。即以渙妃妻之。凡高氏婦女。無親疎。皆令左右亂交之。帝又自呈露。以示羣下。此文宣之所爲也。武成帝。高湛。踐祚。以文宣后李氏有容德。逼與淫亂。曰。若不許我。當殺爾兒紹德。后懼從之。後有娠。紹德至。閣不得見。紹德慍曰。姊姊腹大。故不見我。母爲姊呼。后慚。由是生女不舉。武成怒曰。爾殺我女。我何爲不殺爾兒。遂對后築殺紹德。并裸后而撻之。送妙勝寺爲尼。武成又納魏靜帝嬪李氏。文宣嬪王氏。及文宣所幸彭樂女。任

祥女皆爲夫人。此武成之所爲也。一門之中。父子兄弟。俱荒於色。如此。何以垂法。宜乎宮闈相習成風。如神武在時。鄭妃已通於文襄。及歿。後蠕蠕公主。亦爲文襄所烝。而文襄后又爲文宣所污。文宣后又爲武成所污。甚至武成后胡氏。當武成時。已與閹人褻狎。又與和士開握麋。遂通士開。武成崩後。后數詣佛寺。與沙門曇獻通。僧徒至戲。曇獻爲太上。後主聞太后不謹。而未之信。見太后有二尼侍。召之。則男子也。於是尼及曇獻俱正法。齊亡後。胡后入周。恣行奸穢。孝昭帝高演在位時。尚無穢行。其后王氏。齊亡後。亦入周宮中。隋文帝作相。始放還山東。後主緯於宗族中。尚無帷薄之醜。史謂其稍優於武成。然國亡後。其后斛律氏先廢爲尼者。改嫁元仁爲妻。繼后胡氏亦改嫁。所寵宮婢馮小憐。曾立爲后。後主向周武帝乞之。武帝仍以賜後主。後主遇害。以小憐賜代王達。達妃幾死。隋文帝以賜達妃兄李詢。令著布裙配春。詢母逼令自殺。此妃后之辱也。又後主庶兄南陽王綽妃鄭氏。入周宮爲武帝所幸。後主母弟儼妃李氏。曾進封楚帝后。至是亦改嫁焉。他如浚渙之妃。爲蒼頭所辱。神武又有子華山王凝。最孱弱。其妃王氏亦與蒼頭姦。凝知而不能禁。後事發。王氏賜死。可見北齊中冓之醜。本習爲故常。恬不知怪。而天道之報施。所謂淫人妻女。妻女淫人者。亦昭然可見也。觀後周諸帝后。當隋革命後。俱無失節者。孝閔帝后元氏。出居里第。武帝后阿史那氏。至開皇中。又后李氏。出家爲尼。改名常悲。宣帝楊后。隋文帝女也。帝欲奪其志。不許。又有四后朱氏。陳氏。元氏。尉遲氏。皆出家爲尼。朱名法淨。陳名華光。尉遲氏名華首。皆完節待死。絕無醜聲。良由宇文泰開國時。早能尊用周禮。家庭之內。不越檢閑。故雖亡國。而無遺玷。然則整飭人物之主。可不納身於軌物哉。

北齊百官無妾

元孝友傳。疏言將相多尚公主。王侯率娶后族。故無妾媵。習以爲常。舉朝略是無妾。天下殆皆一妻。父母嫁女。必教之以妒。姊妹逢迎。必相勸以忌。以劫制爲婦德。能妒爲女工。自云受人欺。畏人笑。我。可見是時風俗如此。

按西漢時。王吉上疏。言漢家故事。列侯尚公主。諸侯則國人承翁主。使男事女。夫拙於婦。逆陰陽之位。故多女亂。是漢時已有此陋習。

北齊有賢閹

北齊有宦者田敬宣。年十四五。好讀書。既爲閹寺。得暇便至文林館。問書之外。無他語。見古人節義事。未嘗不感激沈吟。後主緯懼周師之逼。奔於青州。使之偵伺。爲周軍所獲。問後主所在。給曰。已去。捶之。每折一肢。辭色逾厲。竟斷四體而卒。宦寺之賢。世所傳不過呂強張承業。而不知尙有此人。故特表而出之。

誦經獲報

佛教在六朝時。最爲人所信嚮。各史所載。雖似近於怪妄。然其教一入中國。即能使天下靡然從風。是必實有聳人觀聽者。非徒特談空說寂也。今略撮於左。徐義爲慕容永所獲。埋其足於土中。將殺之。義誦觀世音經。至夜土開。械脫。若有人導之者。遂奔於楊佺期。晉書宋王元謨棄滑臺。將爲蕭斌所殺。夢人告曰。誦觀音經千遍。則免。既覺。誦之。明日將就戮。忽傳旨停刑。宋書王後魏崔浩。非毀佛法。其妻郭氏。敬好釋典。浩怒。焚而投灰於廁中。後浩以史事族誅。人以爲誦佛之報。魏書崔漢明帝時。西域以白馬馱佛經送洛。因立白馬寺。其經函形製古樸。世以爲古物。歷代寶之。韓賢故斫破之。未幾因戰爲敗兵斫脛而死。論者謂因破經

函致禍。魏書韓魏孝文囚道人法秀，加以籠頭鐵鎖，無故自脫。南齊書盧景裕繫獄，至心誦經，枷鎖自脫。時又有文人負罪當死，夢沙門教誦經，覺時如所夢，誦千遍，臨刑刀折。主者以聞，赦之。此經遂行，號曰高王觀世音經。北齊書張元以祖喪，明誦藥師經，見盲者得視之言，乃請七僧燃七燈，轉藥師經，誓以燈光普施法界。如此七日，夜夢老翁以金銀療其祖目。三日後，左目果明。北史盧光從周文帝狩於檀臺，帝遙指山上謂羣公曰：「有所見否？」咸曰：「無所見。」光獨曰：「見一沙門，帝曰：是也。」令光於沙門立處造浮圖，掘基一丈，得瓦鉢錫杖各一。帝因立寺焉。周書後梁甄元成有罪，當誅，蕭督誓不殺，誦法華經，入元成素誦此經，遂得免。督後見之曰：「甄公好得法華經力。」甄元成傳此皆載於正史，未必盡誣。蓋一教之興，能聳動天下後世者，其始亦必有異人異術，神奇靈驗，如佛圖澄、鳩摩羅什之類，能使人主信之，士大夫亦趨之，是以震耀遍天下，而流布於無窮。不然，則何以起人歸依也。然則史所記誦經獲報諸事，或當時實有之，非盡誣也。今錄鳩摩羅什及佛圖澄二傳於後。

鳩摩羅什在胎時，其母慧解異常。年七歲，母遂與同出家。羅什日誦千偈，偈三十二言，凡三萬二千言。母亦自通，後專以大乘為化。學者皆師之。年二十，龜茲王迎之，其母辭去，謂羅什曰：「方等深教，不可思議，傳之東土，惟爾之力。」母至天竺，道成進登第三果，苻堅聞羅什名，密有迎之之意。太史奏有星見外國，當有大智入輔中國，堅遣呂光伐龜茲。謂光曰：「若獲羅什，即驛送之。」光軍破龜茲城，獲羅什，俱還涼州。光攻龜茲，夜夢金甲人飛出城外，光遂克之。光父子不信其道，姚興迎之入秦，羅什覽中土舊經，多有紕繆，興乃使沙門僧叡等翻譯傳寫。羅什好大乘，志在敷演，每歎深識者寡，惟為興著實相二論，興贈以宮女一，交而生二子。諸僧多欲效之，取妻。羅什聚針盈鉢，謂諸僧曰：「若能效我食此者，乃可畜室耳。」因食針盡，諸僧愧服乃止。呂纂嘗與羅什圍棋，殺其棋子，曰：「所胡奴頭。」羅什曰：「不所胡奴頭。」佛胡奴所人頭，後纂為超所殺，胡奴超小字也。事見晉書載記。

圖澄誦神咒，能使鬼神。腹旁有一孔，常以絮塞之。夜則拔絮，孔中出光照一室，又常至流水，則從腹孔中引出五臟六腑洗之，仍納腹中，又能聽鈴音，占吉凶，無不驗。石勒召試以道術，即取鉢盛水，咒之，鉢中出青蓮花，光色耀目。勒以此信之，勒嘗有意害澄，澄輒避去。語弟子曰：「若將軍來召，則答云不知所在。」使者果然還報，勒驚曰：「吾有惡意，澄輒知之。」因悔，思見澄，澄明且造，勒問昨夜何避，澄曰：「昨公有惡心，故避。今有善意，故來。」襄國城外水源竭，勒問何以取水，澄曰：「今當敕龍取水。」乃至故泉源，燒香祝數百言，水泫然微流，有小龍隨水而來，有頃水大至，隍壑皆滿。段末波來攻，兵勢甚盛，勒頗懼。澄曰：「鈴音云：明日當擒末波。」已而果然。劉岳來攻，石虎拒之，岳保石梁塢，澄在襄國，忽曰：「昨日亥時，岳已被執。」已而果然。劉曜攻洛陽，石勒將救之，澄曰：「相輪鈴音云：秀支替辰岡，僕谷劬禿當，謂此行捉得曜也。」勒果擒曜，勒愛子斌暴死，勒告澄，澄取楊枝沾水洒之，執斌手曰：「可以起矣。」斌遂活。澄在鄴，常遣弟子法常至襄國，途遇其弟子法佐，夜談言及和尚法佐歸，澄即笑曰：「昨夜與法常共說汝師耶，佐愕然愧懺。」由是國人相語，莫起惡心。和尚知汝澄之所，在莫敢向其方面涕唾者。澄將死，謂弟子法祚曰：「戊申歲禍亂起，己酉石氏當滅，吾及其未亂先從化矣。」遂卒。後有人見澄入關，石虎掘其塚視之，惟有一石，惡之曰：「石者朕也。」葬我而去。吾將死矣，因遇疾而死，果大亂。

後周詔誥用尚書體

漢武冊封三王詔，本仿尚書體。見褚少孫所補史記。及漢書武五王子傳，王莽好仿尚書作詔誥。今見于漢書翟義傳者，居攝時，莽因翟義等起兵，匡復漢室，莽大懼，乃依周書作大誥，曰：「居攝二年十月甲子，攝皇帝若曰：大誥爾諸侯王三公列侯于汝卿大夫元士御事，不弔。」

天降喪于趙傅丁董。洪惟我幼冲孺子，當承繼嗣，無疆大歷服事。予未遭其明哲，能道民于安，況其能往知天命。熙我念孺子，若涉淵冰。予惟往求朕所濟度，奔走以傅近奉，承高皇帝所受命。予豈敢自比于前人。天降威明，用寧帝室。遺我居攝寶龜，太皇太后以丹石之符，迺紹天明意。詔予即命居攝踐祚，如周公故事。反虜翟義，擅興師動衆，曰有大難于西土。西土人亦不靖，于是動嚴鄉侯信，誕敢犯亂祖宗之序。天降威遣我寶龜，固知我國有咎災，使民不安。是天反右我漢國也。粵其聞日，宗室之雋，有四百人。民獻儀九萬夫。予敬以終于此謀。繼嗣圖功，我有大事，休予卜并吉。故我出大將，告郡太守諸侯相令長曰：予得吉卜。予惟汝于伐東郡，嚴鄉連播臣，爾國君或者無不反。曰：難大民亦不靜，亦惟在帝宮。諸侯宗室，于小子族父，敬不可征。帝不違卜。故予爲冲人，長思厥難。曰：嗚呼，義信所犯，誠動鰥寡，哀哉。予遭天役，遺大解難于予身，以爲孺子，不身自卹。予義彼國君，泉陵侯上書曰：成王幼弱，周公踐天子位，以治天下。六年，朝諸侯于明堂，制禮樂，班度量，而天下大服。太皇太后承順天心，成居攝之義。皇太子爲孝平皇帝子，年在襁褓，宜且爲子。知爲人子道，令皇太后得加慈母恩，畜養成就，加元服，然後復子明辟。熙爲我孺子之故，予惟趙傅丁董之亂，遏絕繼嗣，變剝適庶，危亂漢朝，以成三厄。隊極厥命，嗚呼，害其可不旅力同心，戒之哉。予不敢僭上帝命。天休于安帝室，興我漢國，惟卜克綏，受茲命。今天其相民，況亦惟卜用。太皇太后肇有元城沙鹿之右，陰精女主聖明之祥，配元生成，以祐我帝室，以安我大宗，以紹我後嗣，以維我漢功。厥害適統，不宗元緒者，辟不違親，辜不避威，夫豈不愛。亦惟帝室，是以廣立王侯，竝建曾元，俾屏我京師，綏撫宇內。天愆勞我成功，予不敢不極卒安。皇帝之所圖事，肆予告我諸侯王列侯卿大夫元士御事。天輔誠辭，天其累我以民。予曷敢不于祖宗安人圖功所終。天亦惟勞我民，若有疾，予害敢不于祖宗所受休輔。若考作室，厥子堂而構之。厥父菑，厥子播而穫。

之。予害敢不于身撫祖宗所受大命。予永念曰：天惟喪翟義，劉信若畜夫，予害敢不終予晦。天亦惟休于祖宗，予害其極。卜敢不卜從，率寧人有旨，疆土況今卜并吉。故予大以爾東征，命不僭差。卜陳惟若此云云。文句全用尙書。此蓋劉歆等爲之弄筆也。宇文泰在西魏當國時，從蘇綽之言，官制仿周禮，詔誥亦仿尙書。其官制至魏恭帝時始奏行之，而詔誥則大統中已大變駢麗之習。因魏帝祭廟，羣臣畢至，命蘇綽作大誥，頒行之。自後文筆皆依此體。其詞曰：惟中興十有一年，仲夏，庶邦百辟咸會於王庭。六月丁巳，皇帝朝格於太廟，凡厥具僚罔不在位。皇帝若曰：咨我元輔羣公，列將百辟卿士，庶尹御事，朕惟敷祖宗之靈命，稽於先王之典訓，以大誥於爾在位。昔我太祖神皇帝肇膺明命，以創我皇基，烈祖景宗廓開四表，底定武功，暨乎文祖誕敷文德，龔惟武考不實其舊，自時厥後，陵夷之弊，用興大難於彼東邱，則我黎人咸墜塗炭，惟台一人，纘戎下武，夙夜祗畏，若涉大川。罔識攸濟，是用稽於帝典，揆於王庭，拯我民瘼，惟彼哲王，示我通訓，曰：天生蒸民，罔克自負，上帝降鑒，釁聖植元后，以父之。惟時元后弗克，獨父博求明德，命百辟羣吏以佐之，肆天之命，辟之命，官惟以卹民。弗惟逸念，辟惟元首，庶黎黎惟趾，股肱惟弼，上一體各勤，攸司。茲用克臻於皇極，故其彝訓曰：后克艱厥后，臣克艱厥臣，政迺又。今台一人膺天之假，既陟元后，股肱百辟，又服我國家之命。罔不咸守厥職，嗟夫，后弗艱厥后，臣弗艱厥臣，于政何弗敦。嗚呼，艱哉。凡爾在位，其敬聽朕命。蘇綽傳。討高歡時，誓師曰：與爾有衆，奉天威，誅暴亂，惟爾士整爾甲兵，戒爾戎士，無貪財以輕敵。無暴民以作威，用命則有賞，不用命則有戮。爾衆士其勉之。其黜廢帝而立恭帝也。又命盧辨作誥諭羣臣曰：嗚呼，我羣后暨爾衆士，維文皇帝以襁褓之嗣，託于予，訓之誨之。庶厥有成，而予罔能變厥心。庸暨乎廢隆，我文皇帝之志，嗚呼，茲咎予其焉避。予實知之。矧爾衆人之心哉。惟予之顏，豈惟今厚，將恐來世以予爲口實。本紀。及宇文泰歿後，魏恭帝

禪位於周孝閔帝。詔曰：予聞皇天之命不於常，惟歸於德。故堯授舜，舜授禹，時宜也。天厭我魏邦，垂變以告。惟予罔弗知，予雖不明，敢弗懼天命。格有德，我今踵唐虞舊典，禪位於周。庸布告爾焉。又使大宗伯趙貴奉冊曰：咨爾周公，帝王之位非常，有德者受命。時乃天道，予式時庸荒，求於唐虞之遺踵。曰：我魏德之終舊矣，我封小大罔弗知，今其可亢，佛於天道，而不歸於有德歟。時用詢謀僉同。曰：公昭考文公，格勳德於天地，丕濟黔黎，洎公又躬宣重光，故元象見於上，謳詠奔走於下。天之歷數，用實在焉。予安敢弗若是，以欲祇聖典，遜位於公，公其享茲天命，保有萬國，可不慎與。本紀是時，宇文泰已歿，而詔諭如此。蓋朝廷之上，用尚書作誥，久已相習為常故也。當六朝時，駢體盛行，而綽等獨能復古，可謂轉移風氣者矣。然時會所趨，積而難返，及宣帝即位，修洛陽之詔，傳位太子之詔，已用當時文體。迨隋文時，去周不過一二十年，而李諤奏文體卑靡云，競一字之奇，爭一字之巧，連篇累牘，不出月露之形，積案盈箱，盡是風雲之狀。世俗以此相高，朝廷據茲擢士，至於義皇舜禹之典，伊傅周孔之說，不復關心。何嘗入耳，則周時雖暫用古體，而世之為文者，駢麗自如，風會所開，聰明日啓，爭新鬪巧，遂成世運，固非功令所能禁也。

魏末周初無年號

自漢武帝創置年號，便於記事，誠萬世不易之良法。然後世有不用年號者，周書崔宣猷傳：明帝即位，依周禮稱天王，不建年號。宣猷請仍用以紀事，乃從之。是周明帝即位之初，無年號也。然不始於此，按西魏廢帝及恭帝，皆無年號。其時宇文泰當國，專用周禮，故不設年號。但稱元年二年，周孝閔帝禪代亦因之。直至明帝三年，因宣猷奏，乃復用年號耳。

隋書志

隋書本無志，今之志乃合記梁陳齊周隋之事，舊名五代史志，別自單行。其後附入隋書，然究不可謂隋志也。自開皇仁壽時，王劭為隋書八十卷，以類相從，至編年紀傳尚闕。唐武德五年，令狐德棻奏修五代史，梁陳齊周隋詔封德彝、顏師古、許敬宗同撰，序論皆徵所作。凡帝紀五，詔魏徵修之，房元齡為監修。徵又奏顏師古、孔穎達、許敬宗同撰，序論皆徵所作。凡帝紀五，列傳五十，十年正月上之。此隋書也。十五年又詔于志寧、李淳風、韋安仁、李延壽同修五代史志，凡成十志，三十卷。顯慶元年，長孫无忌等上之。此五代史志也。說見劉昫校刊時所記。

一帝數后

一帝一后禮也。至荒亂之朝，則漫無法紀，有同時立數后者。孫皓之夫人滕氏，無寵，長秋宮僚備員而已。而內諸姬，佩皇后璽綬者甚多。三國志劉聰僭位，立其妻呼延氏為皇后，后死，納劉殷女為皇后，后死，又納靳準女為皇后，未幾進為上皇后，而立貴妃劉氏為左皇后，貴嬪劉氏為右皇后，又立樊氏為上皇后，四后之外，佩皇后璽綬者又七人。後又以宦者王沈養女為左皇后，宣懷養女為中皇后，晉書後周宣帝初即位，立妃楊氏為皇后，其後自稱天元皇帝，又立妃朱氏為天元帝后，妃元氏為天右皇后，陳氏為天左皇后，尋進楊氏為天元大皇后，朱氏為天大皇后，元氏為天右大皇后，陳氏為天左大皇后，陳氏又改為天中大皇后，而以妃尉遲氏為天左大皇后。後周書本紀

隋文帝殺宇文氏子孫

魏末周初無年號 隋書志 一帝數后 隋文帝殺宇文氏子孫

古來得天下之易，未有如隋文帝者。以婦翁之親，值周宣帝早殂，結鄭譯等，矯詔入輔政，遂安坐而攘帝位。其時雖有尉遲迥、宇文弼、石遜、席毗、王謙、司馬消難等起兵，匡復隋文，猶假周之國力，不半載殄滅之。子是大權在手，宇文弼子孫，以次誅殺，殆無遺種。今以周書考之，周文帝子除、宋公震、譙王儉、冀公通先卒，衛王直先以罪誅外，趙王招、陳王純、越王盛、代王達、滕王逌，皆被殺。而并殺招子員貫、乾銑、乾鈴、乾鑑等。純子謙、讓、讓等，盛子忱、愔、愔等，達子執、轉等。迌子祐、裕、禮、禕等，而震之子實、儉之子乾、暉、通子絢，亦皆被殺。于是周文帝子孫盡矣。節閔帝一子康先死，其子湜亦被殺。于是節閔子孫又盡矣。明帝子畢、王賢、鄴、王貞、王贇、曹王允、道王充、蔡王兌、荆王元，皆被殺。并殺贇子道德、道智、道義等。贇子忠誠、靖智、靖仁等，餘本無子。于是武帝子孫盡矣。宣帝子靜帝，既為隋文所害，餘子鄴、王衍、郢、王術，皆幼而被殺。于是宣帝子孫又盡矣。其宗室內，宇文弼以起兵，應尉遲迥被殺。又宇文洽、宇文椿、及子道宗、本仁、鄰、武子禮、獻等，宇文衆、及子仲和、孰倫等，皆被殺。惟宇文洛以疎屬幼年，得封介國公，以為隋賓，未幾又斃之。於是宇文之宗族亦無在者。竊人之國，而戕其子孫，至無遺類，此其殘忍慘毒，豈復稍有人心。其後隋文帝五子，長太子勇被廢，後賜死。次煬帝，為宇文化及所弑。次秦王俊先卒。次越王秀廢錮，死江都之難。次漢王諒，以反誅。計五子中，除秦王俊外，無一非不得其死者。而勇子十儼，以酖死。裕、筠、嶷、恪、該、哭、孝實、孝範，皆貶嶺外，杖死。俊子浩、湛，及秀、諒之子，皆為化及所害。煬帝三子，長太子昭先卒。次齊王暕，次趙王杲，皆死江都之難。無子。而昭子代王侑，為唐所立。未幾禪位，封鄴國公。不數月而殂。次燕王倓，亦遇害于江都。次越王侗，稱號東都，為王世充所弑。于是煬帝之子孫亦無遺種矣。惟齊王暕有一遺腹子感，隨蕭太后入突厥，後歸于唐，官尚衣奉御。楊氏之種，僅延此一綫，而煬帝之死。

又巧借一姓字文者之手，以斃之。字文化及與周同姓，而非同宗。此豈非天道好還之顯然可據者哉。按隋文滅陳，不惟陳後主得善終，凡陳氏子孫，自岳陽王叔慎，以抗拒被殺外，其餘無一被害者。皆配往隴右及河西諸州，各給田業，以處之。同一滅國也。於宇文氏則盡殄之。於陳氏則悉保全之。蓋隋之篡周，本不以道，與宇文有不兩立之勢，且恐有尉遲迥等之起，兵匡復者，不得不盡絕其根芽。至取陳，則隋之基業已固，陳之子孫，又皆孱弱不足慮，故不復肆毒也。至煬帝以後主第六女為貴人，最寵，因召陳氏子孫，盡還京，隨才敘用。由是竝為守宰，遍天下。此則陳氏開國之初，本未甚殺戮，故子孫亦少誅夷。亦天道之不爽者，且劫運將終，殺氣漸滅也。

隋獨孤后妬及臣子

古來宮闈之妬，莫有過於隋獨孤后者。不惟妬在己，并子與臣之有妾者，亦代為妬之。后傳謂後宮罕得進御，尉遲迥女沒入宮，帝私幸之。后謂帝聽朝，即陰殺之。凡諸王及朝臣有妾孕者，必勸帝斥之。皇太子勇多內寵，其妃元氏暴崩，疑太子寵妾雲氏而害之。由是諷帝廢太子。高穎妻死，后欲為娶繼室，穎辭以老。後穎妾生子，后惡之，譖穎于帝，遂黜死。隋書后按太子勇傳，勇多內寵，昭訓雲氏尤嬖，禮匹於嫡，勇妃元氏無寵，嘗遇心疾，二日而卒。獨孤后意有他故，甚責望。後聽晉王廣之譖，后忿然曰：「睨地伐勇小，漸不可耐。我為娶得元氏女，竟不聞作夫妻，專寵阿雲，使有如許豚犬，新婦本無病，忽爾暴亡，我亦不能窮治。每思東宮，竟無正嫡。至尊萬歲後，使汝等向阿雲再拜問訊，此是幾許大苦痛耶。乃日媒孽勇之短於帝前，遂廢之。又高穎傳，穎妻死，后謂文帝曰：「高僕射老矣，而喪夫人，宜為之娶。」帝以告穎，穎謝曰：「臣今已老，惟齋居誦佛經，納室實非所願。」帝乃止。後穎妾生男，帝甚為之喜。后謂帝曰：「陛

下尙信類耶。陛下欲爲娶婦。類心愛妾。故面欺陛下。今其詐已見。安可信之。帝由是疎類。以至賜死。子之厚妾薄。妻而母惡之。此猶是家庭之恆情。至于臣下之有妾。亦何與后事。乃亦因此而憾之。豈非奇妬哉。

廿二史劄記卷十五終

廿二史劄記卷十六

陽湖趙翼撰

舊唐書源委

晉出帝開運二年六月。監修國史劉昫。史官張昭遠。後以避劉智遠諱。宋史有傳。以新修唐書紀志列傳并目錄。凡二百三卷。上之。賜器幣有差。晉紀。此舊唐書所以首列劉昫名也。然薛歐二史。劉昫傳俱不載。其有功於唐書之處。但書其官銜。監修國史而已。蓋昫爲相時。唐書適訖功。遂由昫表上。其實非昫所修也。唐末播遷。載籍散失。自高祖至代宗。尙有紀傳。德宗亦存實錄。武宗以後六代。惟武宗有實錄一卷。餘皆無之。五代會要。梁龍德元年。史館奏請令天下有記。得會昌以後公私事迹者。抄錄送官。皆須直書。不用詞藻。凡內外臣僚。奏行公事。關涉制置沿革。有可採者。竝送官。梁紀。唐長興中。史館又奏宣宗以下四朝。未有實錄。請下兩浙荆湖等處。購募野史。及除目朝報。逐朝日歷。銀臺事宜。內外制詞。百司簿籍。上進。若民間收得。或隱士撰成野史。亦令各列姓名。請賞。從之。後唐紀及五代會要。開成都有本朝實錄。卽命郎中庾傳美往訪。及歸。僅得九朝實錄而已。後唐可見唐書因載籍散佚。歷梁唐數十年。未潰於成。直至晉始成書。則纂修諸臣。搜剔補綴之功。不可泯也。今據薛歐二史。及五代會要諸書考之。晉天福五年。詔張昭遠。賈緯。趙熙。鄭受益。李爲光。同修唐史。宰臣趙瑩監修。晉紀。瑩以唐代故事殘缺。署能者居職。纂補實錄。及正史。瑩傳。賈緯丁憂歸。瑩又奏以刑部員外郎呂琦。侍御史尹拙。同修。晉紀。瑩又奏請據史館所缺唐書實錄。下勅購求。況唐咸通中。宰臣韋保衡。與

薛伸皇甫煥撰武宗宣宗實錄皆因多事竝未流傳今保衡裴贊現有子孫居職或其門生
 故吏亦有紀述者請下三京諸道凡有此數朝實錄令其進納量除官賞之會昌至天祐垂
 六十年李德裕平上黨有武宗伐叛之書康承訓定徐方有武寧本末之傳凡此之類令中
 外臣僚有撰述者不論年月多少竝許進納從之五代會要此事趙瑩為監修綜理獨周密故
 瑩本傳謂唐書二百卷瑩首有力焉昭宗一朝全無紀注天福中張昭遠重修唐史始有昭
 宗本紀五代是張昭遠於此事搜輯亦最勤故劉昫上唐書時與昭遠同署名昭遠尋加爵
 邑酬修史之勞也晉紀賈緯長於史學以武宗之後無實錄探次傳聞為唐年補錄六十五
 卷入史館與修唐書緯傳今舊唐書會昌以後紀傳蓋緯所纂補又趙熙修唐書成授諫議
 大夫賞其筆削之功熙傳是則舊唐書之成監修則趙瑩之功居多纂修則張昭遠賈緯趙
 熙之功居多而劉昫傳竝不載經畫修書之事今人但知舊唐書為昫所撰而不知成之者
 乃趙瑩張昭遠賈緯趙熙等也故特標出之

新唐書

宋仁宗以劉昫等所撰唐書卑弱淺陋命翰林學士歐陽修端明殿學士宋祁刊修會公亮
 提舉其事十七年而成凡二百二十五卷修撰紀志表祁撰列傳故事每書首唯用官尊者一
 人修以祁先進且於唐書功多故各署以進修傳祁奉詔修唐書十餘年出入臥內嘗以稿
 自隨為列傳百五十卷祁傳論者謂新書事增於前文省於舊此固歐宋二公之老於文學
 然難易有不同者舊書當五代亂離載籍無稽之際掇拾補苴其事較難至宋時文治大興
 殘篇故冊次第出見觀新唐書藝文志所載唐代史事無慮數十百種皆五代修唐書時所
 未嘗見者據以參考自得精詳又宋初績學之士各據所見聞別有撰述如孫甫著唐史記

七十五卷每言唐君臣行事以推見當時治亂若身歷其間人謂終日讀史不如一日聽孫
 論也又趙瞻著唐春秋五十卷趙鄰幾追補唐實錄會昌以來日歷二十六卷陳彭年著唐
 紀四十卷以上見宋諸人皆博聞勳采勒成一書必多精核歐宋得藉為筆削之地又呂夏
 卿熟於唐事博采傳記雜說數百家又通譜學創為世系諸表於新唐書最有功宋史夏
 敏求嘗補唐武宗以下六世實錄百四十卷王堯臣修唐書以敏求熟於唐事奏為編修官
 宋敏求傳是刊修新書時又得諸名手仗助宜其稱良史也

唐實錄國史凡兩次散失

唐時修實錄國史者皆當代名手今可考而知者高祖實錄二十卷太宗實錄二十卷皆
 房元齡又貞觀實錄四十卷令狐德棻撰貞觀十三年以後事長孫無忌監修其時同修者又有
 監修房元齡又貞觀實錄四十卷敬播顧允鄧世隆慕容善行孫處約劉顯庾安禮俱為學士見
 德棻及元其後許敬宗又奏改正初高祖太宗兩朝實錄敬播等所修頗詳直敬宗為之見
 處約等傳又其子娶尉遲敬德女則為敬宗所撰蓋當作無忌監修時播已在家諱人敬宗乃
 事見敬宗傳而播又謂播與敬宗同撰蓋當作無忌監修時播已在家諱人敬宗乃敬宗意而與
 事之同改高宗以其事多失實又命宰臣刊正見高宗實錄三十卷德棻等撰後修實錄
 修耳德棻等撰止乾封又有武后所定高宗實錄一百卷見德棻等撰後修實錄三十卷
 三十卷德棻等撰則天皇後實錄二十卷魏元忠魏元忠吳兢刪正見德棻等撰後修實錄三十卷
 十卷德棻等撰則天皇後實錄二十卷魏元忠魏元忠吳兢刪正見德棻等撰後修實錄三十卷
 有所改正武思不聽而吳兢說見實錄所書如此魏元忠魏元忠吳兢刪正見德棻等撰後修實錄三十卷
 始對武元思無此語後說見實錄所書如此魏元忠魏元忠吳兢刪正見德棻等撰後修實錄三十卷
 直筆中宗實錄二十卷魏元忠魏元忠吳兢刪正見德棻等撰後修實錄三十卷
 睿宗實錄五卷魏元忠魏元忠吳兢刪正見德棻等撰後修實錄三十卷
 實錄四十七卷魏元忠魏元忠吳兢刪正見德棻等撰後修實錄三十卷
 肅宗實錄三十卷魏元忠魏元忠吳兢刪正見德棻等撰後修實錄三十卷
 代宗實錄四十卷魏元忠魏元忠吳兢刪正見德棻等撰後修實錄三十卷

中實錄十卷。沈既濟撰。時稱。德宗實錄五十卷。將又。韋處厚。獨孤郁。樊紳。林寶。順宗實錄五卷。

其能。見。既濟。傳。李。吉甫。監。修。按。愈。傳。修。順。宗。實。錄。拙。於。取。合。書。成。裴。垵。監。修。林。寶。順。宗。實。錄。五。卷。臣。改。修。而。愈。傳。李。吉甫。監。修。按。愈。傳。修。順。宗。實。錄。拙。於。取。合。書。成。裴。垵。監。修。林。寶。順。宗。實。錄。五。卷。臣。改。修。而。愈。傳。李。吉甫。監。修。按。愈。傳。修。順。宗。實。錄。拙。於。取。合。書。成。裴。垵。監。修。林。寶。順。宗。實。錄。五。卷。臣。

實錄四十卷。處厚。更。日。入。直。書。未。成。且。免。常。參。傳。師。尋。授。湖。南。觀。察。使。元。穎。厚。引。路。監。修。德。宗。實。錄。五。卷。臣。改。修。而。愈。傳。李。吉甫。監。修。按。愈。傳。修。順。宗。實。錄。拙。於。取。合。書。成。裴。垵。監。修。林。寶。順。宗。實。錄。五。卷。臣。

錄十卷。陳。商。鄭。亞。撰。文。宗。實。錄。四。十。卷。處。厚。撰。武。宗。實。錄。三。十。卷。監。修。宣。宗。以。後。無。實。錄。事。大。順。中。詔。修。宣。宗。實。錄。而。日。歷。記。注。亡。缺。史。官。裴。垵。因。撰。宣。宗。實。錄。此。諸。帝。實。錄。見。於。各。本。紀。列。傳。及。藝。文。志。者。也。其。總。輯。各。實。錄。事。跡。勒。成。一。家。言。則。又。別。有。國。史。先。是。吳。兢。在。長。安。景。龍。間。任。史。事。武。三。思。張。易。之。等。監。修。事。多。不。實。兢。不。得。志。乃。私。撰。唐。書。唐。春。秋。未。就。後。出。為。荆。州。司。馬。以。史。草。自。隨。會。蕭。嵩。領。國。史。奏。遣。使。就。兢。取。其。書。凡。六。十。餘。篇。兢。傳。此。第。一。次。國。史。也。然。尚。未。完。備。開。寶。間。韋。述。總。撰。一。百。一。十。二。卷。并。史。例。一。卷。蕭。穎。士。以。為。譙。周。陳。壽。之。流。述。傳。此。第。二。次。國。史。也。肅。宗。又。命。柳。芳。與。韋。述。綴。輯。吳。兢。所。次。國。史。述。死。芳。緒。成。之。起。高。祖。訖。乾。元。凡。一。百。三。十。篇。而。敘。天。寶。後。事。去。取。不。倫。史。官。病。之。芳。傳。此。第。三。次。國。史。也。後。芳。謫。巫。州。會。高。力。士。亦。貶。在。巫。因。從。力。士。質。問。而。國。史。已。送。官。不。可。改。乃。做。編。年。法。為。唐。歷。四。十。篇。以。力。士。所。傳。載。於。年。歷。之。下。頗。有。異。同。亦。芳。然。芳。所。作。止。於。大。歷。宣。宗。乃。詔。崔。龜。從。韋。渙。李。荀。張。彥。遠。及。蔣。偕。分。年。撰。次。至。元。和。為。續。唐。歷。三。十。卷。從。傳。崔。龜。此。第。四。次。國。史。

史也。是唐之實錄國史。本極詳備。然中葉遭安祿山之亂。末造又遭黃巢。李茂貞。王行瑜。朱溫等之亂。乃盡行散失。據于休烈傳云。國史一百六卷。開元實錄四十七卷。起居注并餘書三千六百八十二卷。俱在興慶宮。京城陷賊。後皆被焚。休烈奏請降勅。訪有人收得者。送官重賞。數月內僅收得一兩卷。惟史官韋述藏國史一百一十三卷。送於官。是天寶後所存。僅韋述之本也。廣明亂後。書籍散亡。五代修唐書時。因會昌以後事迹無存。屢詔購訪。據舊唐書宣宗紀論云。宣宗賢主。雖漢文景不過也。惜乎簡籍遺落。十無二三。又五代會要所云。有紀傳者。惟代宗以前。德宗亦祇存實錄。武宗并祇實錄一卷。則雖有詔購訪。而所得無幾。此五代時修唐書之難也。新唐書韋述等傳贊云。唐三百年。業鉅事叢。其間巨盜再興。國典焚逸。大中以後。史錄不存。故聖主賢臣。叛人佞子。善惡汨汨。有所未盡。然則不惟舊唐書多所闕漏。即新唐書搜採極博。亦尙歎然於文獻之無徵也。

舊唐書前半全用實錄國史舊本

五代修唐書。雖史籍已散失。然代宗以前。尙有紀傳。而庾傳美得自蜀中者。亦尙有九朝實錄。今細閱舊書文義。知此數朝紀傳。多鈔實錄國史原文也。凡史修於易代之後。考覆既確。未有不據事直書。若實錄國史。修於本朝。必多迴護。觀舊書迴護之多。可知其全用實錄國史。而不暇訂正也。以本紀而論。高宗上元二年。皇太子宏之死。由武后醜之也。而書皇太子宏薨於合璧宮之綺雲殿。新書。書。天。后。章。懷。義。承。辟。陽。之。寵。至。命。為。行。軍。大。總。管。以。宰。相。李。也。而。書。庶。人。賢。死。於。巴。邱。殺。庶。人。賢。薛。懷。義。承。辟。陽。之。寵。至。命。為。行。軍。大。總。管。以。宰。相。李。昭。德。蘇。味。道。為。其。幕。僚。後。以。恣。橫。殺。之。而。后。紀。絕。無。一。字。及。懷。義。薛。懷。義。為。行。軍。大。總。管。擊。突。厥。殺。薛。懷。義。張。易。之。兄。弟。被。誅。本。張。東。之。等。建。謀。舉。事。而。書。張。易。之。與。弟。昌。宗。反。皇。太。子。率。書。殺。薛。懷。義。

舊唐書前半全用實錄國史舊本

左羽林軍桓彥範等誅之。新書書張東之崔元暉等以羽林兵討亂張易之等伏誅帝復於位。其後張東之等五王為武三思誣構至死亦全不書。楊貴妃本壽王瑁妃。度為女道士。號太真。召入宮。此開元二十八年事也。新書則本紀亦不書。直至天寶四載始書。冊太真楊氏為貴妃。而絕不見其來自壽邸之迹。壽王紀。楊氏為道士。號太真。後書冊太真為貴妃。至如穆宗以下諸帝皆宦官所立。而本紀絕不書。凡故君紀內必先書遺詔。以某嗣位。而於新君紀內即書某月日。樞前即位。一似授受得其正。皆先帝彌留時所定。而宦官無與者。此本紀之迴護也。其列傳如皇后傳內。憲宗郭后。歷穆敬文武四朝。皆居重闈之尊。諸帝孝養備至。迨宣宗即位。其母鄭本后侍兒。有宿怨。宣宗奉養遂薄。后鬱鬱登樓。將自殞。帝聞不喜。是夕后暴崩。其後議葬景陵外園。太常王皞請合葬景陵。帝令宰相白敏中責之。皞曰。后乃憲宗元妃。事順宗為子婦。歷五朝。母天下。豈容有異議。皞遂貶。是郭后在宣宗時不得其死。自是實事。及通鑑而舊書后本傳乃云諸帝既極孝養。宣宗繼統。后之諸子也。恩禮愈異。於前朝大中年崩於興慶宮。一似全福令終。竝無嫌隙之處。又宣宗母鄭本丹陽人。有相者云。當生天子。李錡聞之。納為妾。後錡反。沒入宮。憲宗幸之。遂生宣宗。新書及通鑑。是后之由李錡沒入掖廷。自有原委。而舊書但云憲宗時在內職御女之列。舊史殘缺。未見族姓所出。入宮之由。亦是諱其所出也。曹王明之母。本齊王元吉妃。太宗納之。而生明。後即以明為元吉後。明新書曹而舊書不載。楊宏武為吏部。高宗責其授官多非才。宏武對曰。臣妻悍。此其所囑。故不敢違。蓋以諷帝也。宏武傳。舊書宏武傳不載。蘇良嗣為相。遇薛懷義於朝。頗偃蹇。良嗣叱左右批其頰。曳去。武后謂懷義曰。師第出入北門。彼南衙宰相行來。勿犯之。良嗣傳。而舊書良嗣傳不載。甚至褚遂良傳不載。其傾陷劉洎之事。李世勣傳不載。其瞻狗立武后之事。辛雲京傳不載。其激變僕固懷恩之事。懷恩引回紇可汗兵討賊。過太原。怒。遂叛。通鑑載之甚詳。亦見舊書懷恩傳。而雲京傳不載。田神功傳不載。其先為賊將之事。先為

安祿山兵馬使。歸朝後守陳。與賊戰不勝。又降。史思明。思明合其南略江淮。遂再歸順。舊書竟不敘。但云。上元中。為平盧兵馬使。破賊於鄭州。似未嘗失身於賊。豈以其晚節忠憤。而代為諱耶。李勉傳不載。其逃棄汴城之事。襄陽自解。乃遣將攻。勉出兵救之。勉以賊兵攻襄陽。則許下必虛。攻許則支。乃潰圍出。舊書不載。敗狀。但云。若與賊戰。多殺無辜。遂南奔。郝珣傳不載。馬璘不載。臨涇之事。而傳論并謂。與其坐受喪敗。不如避寇。定全師。是更為洗雪矣。如北。則邊塞久安。公。李輔國傳不載。代復何足重。乃不聽。舊書但云。此語。於主帥。不聽。而。不著。馬璘。姓。似。為。諱。者。宗遣人夜刺殺之事。但云。夜盜入其家。殺之。魚朝恩傳不載。帝使人擒縊之事。但云。自縊死。蓋當時朝旨。本以為盜賊。及自縊。故國史從而書之。此又列傳之迴護也。實錄國史書法。既有迴護。易代後。修史時。考其非實。自應改正。而直筆書之。乃舊書書法。仍復如此。知其全用舊史之文。不復刊正也。今按唐紹傳。先天二年。今上講武驪山。紹以儀注不合。坐斬。今上指元宗也。此元宗實錄原文也。劉仁軌傳後。引韋述論云。仁軌好以甘言悅人。以收物望。戴至德正色拒下。推善於君。故身後毀譽各異。此引用韋述國史舊文也。而劉仁軌裴行儉郝處俊傳論。竝稱仁軌曰。劉欒城。行儉曰。裴聞喜。處俊曰。甌山。不稱名。而稱爵邑。史家無此法。更可見韋述當日尊呼前輩之稱。而非易代後。史官之詞也。崔元翰傳。謂李沂公鎮滑臺。辟元翰為從事。沂公李勉也。薛任傳。謂尚父汾陽王。召置麾下。汾陽王郭子儀也。此竝是元翰任家狀。送入史館者。國史即用之。不及改。五代修史時。亦即用之。不復改也。惟全錄舊文。而舊時史官。本皆名手。故各傳有極工者。如高仙芝封常清二傳。似分似合。常清傳內。載其臨死謝表。鬱勃悲涼。而繼之以仙芝之死。歎息數語。覺千載下。猶有生氣。又如郭子儀傳。乃裴珀所修。首尾整潔。無一釀詞。因此可知。唐史官之老於文學也。至會昌以後。無復底本。雜取朝報吏牘。補綴成之。故本紀書吳湘獄案。至千餘字。咸通八年。竝將延資庫計帳貫匹之數。瑣屑開入。絕似民間記簿。其餘官必先具舊銜。再入新銜。如以某官某人為某官。下至刺史。亦書於本紀。是以動輒累幅。雖邸抄除目。無此繁蕪也。然亦有未可輕營者。凡本紀祇略具事

由。而其事則詳於列傳。此書如龐助之亂。黃巢之亂。李茂貞王行瑜等之劫遷。朱溫之篡弒。即於本紀詳之。不待翻閱各傳。已一覽瞭如。遷固本有此體。非必紀內只摘事目也。其餘列傳。雖事迹稍略。而文筆極爲簡淨。以新書比較轉遜。其老成。則五代修史諸人。如張昭遠賈緯等。亦皆精於史學。當缺漏支詘中。仍能補綴完善。具見撰次之艱。文字之老。今人動謂新書過舊。書遠甚。此耳食之論也。新書謂舊史之文。淺則入俚。簡則及漏。或有所諱而不得。逞耶。或因淺仍俗而不足於文也。此亦偶摘舊書之俚俗。缺略者疵之耳。其佳處終不可沒也。

新唐書本紀書法

新唐書書法多可議者。武德元年。唐帝追諡隋太上皇爲煬帝。貞觀四年。李靖破突厥。獲隋蕭后及煬帝孫正道。此大事也。而本紀不書。舊書薛舉寇涇州。雖因秦王臥病。劉文静出戰而敗。然主兵者秦王也。乃但書劉文静及薛舉戰敗績。舊書秦王與薛舉戰。秦王擒寶建德。降王世充。獻俘於朝。斬建德於市。流世充於蜀。本紀但書建德伏誅。而世充放流之事不書。則世充如何決遣乎。突利頡利兩可汗也。乃李靖擒頡利。則書。突利來奔。則不書。侯君集擒高昌王麴智盛。則書。李靖擒吐谷渾慕容伏允。則不書。體例亦不畫一。凡書伏誅者。似其有罪而正法也。元宗講武驪山。以儀注有失。斬唐紹。紹死後元宗追悔之。是其罪本不死。至而書唐紹伏誅。舊書唐紹斬於驪山下。封常清與祿山戰。敗奔陝郡。勸高仙芝速守潼關。仙芝至關。繕守備。賊至不得入。乃去。是二人皆無死罪也。而書封常清高仙芝伏誅。舊書仙芝於潼關。是不亦太刻乎。此數人皆書伏誅矣。宦官陳宏志弒憲宗。倖逃其罪。文宗始賜死於青泥驛。新書於憲宗紀。既書陳宏志反。帝暴崩矣。又於文宗紀論。謂帝能誅宏志。亦足伸其志矣。則青泥驛之賜死。自必應書伏誅。乃反書殺陳宏志。一似無罪而枉殺者。此更兩失之也。奉天之圍。朱泚來攻。二

十餘日。皆渾瑊晝夜拒戰。得保危城。而本紀但書甲子瑊與泚戰。城下敗之。似瑊之戰。只此一次矣。宣宗大中元年。積慶太后崩。此文宗母也。本紀但書皇太后。則竟似宣宗母矣。宰相王鐸赴滄帥任。路經魏博。爲節度使樂彥禎所害。新書但書盜殺義昌軍節度使王鐸。似爲彥禎諱者。此皆歐公過求簡淨之失也。新唐書本紀及五代史。皆歐公重修。然五代史係歐公私自撰述。從容訂正。故無遺議。新唐書則二百八十餘年事蹟。頭緒繁多。不暇檢校。入細試平心論之。宋景文於列傳之功。實費數十年心力。歐公本紀。則不免草率從事。不能爲之諱也。當日進呈時。宋仁宗卽有旨。舊唐書不可廢。其早有所見歟。

新書本紀書安史之亂

歐公本紀書法。凡反逆者。雖遣其將拒戰。亦必書逆首姓名。不書賊將也。然亦有不可通者。如秦宗權董昌等。部將不多。舉事又小。書其逆首。自不至混淆。至安祿山史思明等。地廣兵雄。遣將四出。其將又皆僭大官。擁大衆。分路專征。各當一面。此豈得概以逆首之名書之。乃常山之陷。本賊將蔡希德也。而書祿山陷恆山郡。泚水之戰。本魯吳與賊將武令珣戰。而書也。而書魯吳與祿山戰。泚水。敗績。靈寶西原之戰。本哥舒翰與賊將崔乾祐戰。而書哥舒翰與祿山戰。靈寶西原。敗績。潁川之陷。本賊將阿史那承慶也。而書祿山陷潁川郡。執太守薛愿。且祿山既入東京。卽在東京。僭號及潼關不守。天子幸蜀。祿山遣張通儒爲西京留守。田乾真爲京兆尹。安守忠屯兵苑中。祿山未嘗親至長安也。據苗晉卿傳。是時衣冠多爲賊脅。自陳希烈以下。皆送洛陽。又崔光遠傳。光遠爲京尹。僞遣其子東見祿山。祿山仍以光遠爲京尹。乃遣田乾真爲京尹。是祿山未至長安之明證。而書祿山陷京師。卽新書祿山傳。亦云祿山未至長安。羣不逞爭取大盈庫及百司帑藏。祿山至怒。乃大索三日。民間貲財盡。

掠之。是宋景文亦真以祿山為親至長安矣。祿山為其子慶緒所弑。慶緒亦在東京。未嘗出洛陽一步。如廣平王收西京。慶緒自東京。亟發大兵。使嚴莊率赴。助通儒等拒戰。及收東京。而至德二載二月。書郭英又及慶緒戰於武功。敗績。又書郭子儀及慶緒戰於潼關。敗之。又書子儀及慶緒戰於永豐倉。敗之。又書崔光遠及慶緒戰於駱谷。敗之。廣平王收京時。又書廣平王及慶緒戰於澧水。敗之。遂復京師。并書慶緒奔於陝郡。是竟以慶緒自長安東奔。又書廣平王及慶緒戰於新店。敗之。遂復東都。據此書法。一似慶緒處處身行在行間者。其實香積寺之戰。即灃水之戰。乃賊將安守忠李歸仁拒戰而敗。張通儒在長安。即出奔也。新店之戰。賊將嚴莊自東京來助戰而敗也。而新書概書慶緒不幾使觀者回惑乎。代宗紀內。却明書克京城。後代宗率大軍以東。安慶緒遣其將嚴莊拒于陝州。是又明知慶緒之未至長安也。既處處書逆首姓名矣。乃河曲之戰。又書郭子儀敗祿山將高秀巖。陳留之戰。又書嗣吳王祗敗祿山將謝元同。常山之復。書郭子儀李光弼敗祿山將高思明。雍邱之戰。書張巡敗祿山將令狐潮。堂邑之戰。書顏真卿敗祿山將袁知泰。白沙場之戰。書張巡敗祿山將翟伯玉。劉橋之戰。書子儀敗慶緒將李歸仁。清渠之戰。書子儀及慶緒將安守忠戰敗績。是又各書賊將之姓名。而不書祿山慶緒。此又自亂其例也。

新書改編各傳

舊書武后有本紀。遂不列后妃傳。新書以其稱制後政事。編作本紀。而猥褻諸迹。仍立傳於皇后傳內。舊書帝子傳。各隸於諸帝之朝。新書總編於后妃傳後。舊書無帝女傳。故平陽公主附於其夫柴紹傳後。太平公主附於其夫武攸暨傳後。新書另立公主傳。舊書無姦臣傳。許敬宗。李義府。李林甫。盧杞。崔允。柳燦等。皆在列傳。新書另立姦臣傳。而義府子湛能。與李多祚等同誅。張易之兄弟。遂不附其父傳後。而入多祚傳。舊書無叛臣逆臣傳。但

以安祿山父子。史思明父子。及高尙。孫孝哲。朱泚。黃巢。秦宗權。列在末卷。稍示區別。然高尙孫孝哲皆祿山將校。則附於祿山傳可矣。何必另立專傳。此二人既有專傳。則賊將尙有崔乾祐。張通儒。安守忠。尹子奇等。皆賊將之劇者。何以又不立傳乎。朱泚既在末卷。而從泚叛臣如源休。姚令言等。反在列傳。豈不輕重倒置。新書則分叛逆二項。以李希烈。安祿山父子。史朝義父子。及朱泚。黃巢。秦宗權。董昌等。舊書無昌傳。增入。僭號稱尊者。入逆臣傳。而賊黨即附其傳後。以僕固懷恩。周智光。梁崇義。李懷光等。背國自擅者。入叛臣傳。分類殊有差等。惟黃巢未仕於唐。而列於逆臣。殊覺名實不稱。此明史所以有流賊傳也。舊書杜伏威。羅藝。苑君璋。李子和。俱列羣雄內。與李子通。朱粲等相次。然伏威等皆降唐者。伏威入朝後。不復出長安。後以輔公祏誣累。太宗登極。曾為之昭雪。李子和降唐後。歷官數十年。以善終。此豈得尙與羣雄同卷乎。羅藝。苑君璋。雖降而再叛。然既為唐臣。則唐之新書。另編為卷。不復與羣雄同列。惟李密。蕭銑。亦曾降唐。而仍入羣雄。則以此二人。地大兵衆。唐初已隱然如敵國。與竇建德。王世充相等。未便入之降臣內耳。又舊書輔公祏。次於伏威後。以二人同起事也。關稜。王雄誕。又次公祏後。以其為伏威部將也。然伏威降唐後。公祏反。而稜與雄誕。皆為唐效力。此豈得與公祏相次乎。新書稜。雄誕。附伏威傳後。而公祏另入羣雄內。舊書孔穎達。顏師古。馬懷素。褚无量。皆在列傳。新書改入儒林。以其深於經學也。劉太真。邵說。于邵。崔元翰。于公異。李善。李賀。皆在列傳。新書改入文苑。以其優於詞學也。孫思邈。在方伎。改入隱逸。以其人品高。不僥以醫見也。李淳風。改入方伎。以其明天文也。武士彠。改入外戚。以武后之父。尊崇極盛。三思等。皆其子孫。寵倖冠一時。故皆附其傳後也。楊國忠。亦改入外戚。以楊貴妃之兄也。邱神勣。本附其父和傳後。改入酷吏。以其與周興。來俊臣等。同肆毒也。馬三寶。本柴紹家奴。附紹傳後。改入功臣傳。以其為國立功。則紹不得而有之也。祖孝孫。傅仁均。無傳。以

孝孫明樂律事。已入禮樂志。仁均明歷術事。已入歷志也。楊元炎薛季景。本在循吏傳。改與桓彥範等同卷。以誅二張時同事也。李齊運本蔣王暉之孫。若論新書子孫附於祖父傳之例。應入暉傳。乃另立專傳。以其與裴延齡等同惡。故與之同卷也。王宰舊附其父智興傳後。乃另立專傳。以其討劉稹之功大也。獨孤及舊附其子朗傳內。新書則傳及。而以朗附之。文行相等。自宜以子從父也。滄州程日華。舊附義武張孝忠傳內。以滄州本屬義武也。新書另立橫海專傳。是時日華能守滄州。朝命以滄州為橫海鎮。特授日華為節度。橫海一鎮自此始故也。甘露之變。舊書詳於宦官王守澄傳內。以仇士良襲其職。故合為一傳也。然甘露之事。究與守澄無涉。新書故另立士良傳。而詳其事於傳內也。他如立宗室宰相傳。見皇族之有人也。立蕃將傳。見外夷亦效用也。唐末諸鎮。周寶鄧處訥劉巨容顧彥朗李罕之。王敬武孟方立。楊行密趙犖等。舊書以諸人皆涉五代。不復立傳。新書傳之。以其事尚多係唐末造也。然趙光允王處直。後皆歷仕梁及後唐。新書光允傳。但至知制誥而止。處直傳但書天復初封太原郡王而止。以此官爵尚唐所授。其後則不復敘也。韋應物鄭谷等。皆有詩名。而無事蹟可傳。則於文苑序內。見其姓名。謂史家逸其事。故不能立傳。亦可見新書之周密也。惟中宗少子溫王重茂。中宗崩。韋后立為帝。睿宗即位。退封襄王。開元中薨。追諡殤帝。舊書有傳。新書既不列於帝紀。而皇子傳內亦無傳。殊為缺略。長孫順德。舊在功臣傳內。新書改附於長孫无忌傳後。按高祖手定功臣。首秦王。次裴寂。劉文靜。次即順德。今反不立專傳。而附於无忌後。蘇瓌張說。舊不同卷。新書既以當時燕許並稱。而改編作一卷矣。長慶中詩人元白竝稱。舊書同在一卷。新書何以又不同卷。而以白居易與李父等同卷。列在中宗朝。桓彥範等之前。不且顛倒時代乎。晚唐詩人。溫李竝稱。新書何以文苑中。只有李商隱。而溫庭筠則附其遠祖大雅傳後乎。陽城裂麻一事。不愧真諫官。入之列傳可矣。司空圖避亂晦迹。入

之隱逸可矣。乃又創立卓行一門。以位置之。張易之兄弟。舊書附在名臣張行成傳後。本屬不倫。新書別無可位置。遂亦附行成傳後。薛懷義舊附外戚武氏傳後。固屬非類。新書以其無可附。遂竝不立傳。夫卓行一門。既可創為之矣。此等獨不可立。倖臣傳乎。李忠臣喬琳舊在列傳。新書以其晚節受朱泚僞命。遂改入叛臣傳。夫叛臣必如高駢朱玫等。首倡叛亂者。方專立一傳。喬李等不過從賊耳。從賊中如源休姚令言等。皆盡力助逆。僅附泚傳中。而喬李曾有功於國。晚節一蹉跌。轉列為叛首。而并以附泚之蔣鎮等。附其傳後。更覺失當。豈以二人曾為將相。故責之獨重耶。又舊書無藩鎮傳。殊覺淆混。新書則魏博鎮冀淄青橫海宣武彰義澤潞各為一卷。便覺一覽瞭如。然既分鎮立傳。則此一鎮之主帥。更替承襲。但依次直書。其人之賢否自見。新書則以田宏正張孝忠等之純心為國。始終一節者。又提出另入列傳。遂使一鎮之序次中斷。此亦過於分別之病。至僧元奘。為有唐一代佛教之大宗。此豈得無傳。舊書列於方伎是矣。新書以其無他藝術。遂竝不立傳。抑思方者方外也。伎者藝術也。無藝術。獨不可以方外處之乎。余嘗謂新唐書一部。獨缺兩僧。一高行之元奘。一邪倖之懷素。究屬史家缺事也。

廿二史劄記卷十六終

廿二史劄記卷十七

陽湖趙翼撰

新書增舊書處

五代紛亂之時。唐之遺聞往事。既無人記述。殘編故籍。亦無人收藏。雖懸詔購求。而所得無幾。故舊唐書。援據較少。至宋仁宗時。則太平已久。文事正興。人間舊時記載。多出於世。故新唐書採取轉多。今第觀新書藝文志所載。如吳兢唐書備闕記。王彥威唐典。蔣乂大唐宰輔錄。凌烟功臣秦府十八學士史臣等傳。凌璠唐錄政要。南卓唐朝綱領圖。薛璠唐聖運圖。劉肅大唐新語。李肇國史補。林恩補國史等書。無慮數十百種。皆舊唐書所無者。知新書之文。省於前。而事增於舊。有由然也。試取舊書各傳。相比較。新書之增於舊書者。有二種。一則有關於當日之事勢。古來之政要。及本人之賢否。所不可不載者。一則瑣言碎事。但資博雅而已。今分別於左。而新書刪舊書之處。亦附見焉。

新書增舊書有關係處

代宗沈后傳。陷賊後不知所在。新書高力士女冒為后。迎還上陽宮。力士子知非真。具言其情。詔貸之。

李密傳。增密為魏公。設壇即位。改元永平。又增密與宇文化及隔水語。責其弑逆。又增賈潤甫勸其稍節。與洛倉米。勿致食盡人散。

王世充傳。增煬帝至江都。世充請以江淮女進宮。

徐圓朗傳。增圓朗迎彭城劉世徹。欲以為主。會盛彥師被執。在圓朗所。恐二兇合。則禍不解。乃說曰。公不見翟讓。用李密。而見殺乎。圓朗乃忌世徹。而殺之。

房元齡傳。增帝問創業守成孰難。元齡謂創業難。徵謂守成難。帝曰。元齡從我定天下。徵與我安天下。故所見各異。然創業之事往矣。守成之難。當與公等共之。此正見太宗之圖治也。

許敬宗傳。增高宗欲立武后。敬宗曰。田舍翁多收十斛麥。尚欲更故婦。天子富有四海。立一后。何不可。此正見其

劉仁軌傳。增仁軌平百濟後。高宗遣劉仁愿代還。仁軌以百濟新定。恐新兵不得力。願再留鎮守。此正見其忠。舊書但書仁愿率兵渡海。與舊鎮兵交代。仁軌乃西還。

褚遂良傳。增遂良諫立武氏。謂武氏昔事先帝。武后從。後呼曰。何不撲殺此獠。

魏元忠傳。增元忠再相。稍憚權倖。不能守正。如往時。袁楚客以書規之。全載其文。

來濟傳。增諫立武后。引漢成帝以婢為后故事。

韓瑗傳。增諫立武后。引宗周褒姒為言。陸象先傳。增元宗初即位。太平公主欲廢之。召宰相議曰。寧王長。當立。象先曰。帝何以得立。曰。有一時之功。象先曰。立以功者。廢必以罪。今不聞有罪。安得廢。

蘇頌傳。增吐蕃盜邊。元宗欲自將討之。頌極諫。以為不可。乃止。李景伯傳。增時有建言。設都督者。景伯議都督專生殺。權太重。授非其人。則覺易生。宜罷都督。留御史按察。秩卑任重。可制姦宄。由是停都督。

姚崇傳。增元宗欲相崇。崇先以十事邀帝。此為相業之始。又增崇在帝前序進郎吏。帝不顧。

新書增舊書處 新書增舊書有關係處

後謂高力士曰。我任崇以大政。此小事。何必瀆耶。此見元宗任相之專。宋璟傳。增璟不賞郝靈佺斬默啜之功。恐啓天子倖邊功。此見大。臣遠慮。又增張嘉貞爲相。闕堂案。見璟危言切論。不覺失聲嘆息。

韓休傳。增帝嘗獵苑中。或張樂。必視左右曰。韓休知否。帝嘗引鏡不樂。左右謂自休入相。陛下無一日歡。帝曰。吾雖瘠。天下肥矣。

張九齡傳。增武惠妃謀陷太子瑛。私使人言於九齡。九齡即奏之。帝爲動色。故終九齡爲相。太子得無患。

裴耀卿傳。增元宗封禪後。謂張說曰。懷州刺史王邱。餽牽外無他獻。我知其不市恩也。魏州刺史崔沔。供張不用錦繡。示我以儉也。濟州刺史裴耀卿上書言擾民。即不足告成功。此其愛人也。

吳兢傳。增兢撰則天實錄。書張昌宗誣構魏元忠。有不順之言。引張說爲證。說已許之。賴宋璟再三勸阻。說始明元忠無此語。後說爲相。私乞改之。兢曰。狗公之請。何名實錄。卒不改。世謂今之董狐。

馬懷素傳。增同時修書者數十人。姓名類敘於傳末。楊慎矜傳。增慎矜得罪之由。因其家所出婢得入宮。以其與術士史敬宗相往來之事。奏聞。元宗發怒。楊國忠密知之。乃語王錡。使告發其罪。

楊國忠傳。增國忠主議征雲南。募兵之慘酷。州縣吏至召貧弱者。縛置室中。械而送軍前。亡者即以送吏代之。又增國忠請以安祿山爲平章事。追入輔政。已草詔。而帝遣輔璆琳。覘之。璆琳得賂還。言祿山不反。帝遂焚前詔。

郭子儀傳。增復陝郡時。其子旰與賊戰死。

劉晏傳。增晏在襄陽。辭永王璘之官。爲採訪使。李希言守杭州。璘聞有備。乃西走。又增晏所用管計帳者。皆士人。嘗言士有爵祿。則名重於利。吏無榮進。則利重於名。又增傳末附韓洄。元琇。裴腆。李衡。包佶。盧徵。李若初等。皆晏所擢用。後多任轉運等使。循晏舊法。以利國者。

崔渙傳。增渙劾奏元載怙權樹黨之疏。正見其疾惡。馮盎傳。增貞觀中。或告盎反。帝將討之。魏徵力保其不反。乃遣使諭盎。盎果遣子入侍。帝曰。微一言。強於十萬兵矣。

阿史那社爾傳。增同出征者。有郭孝恪。其在軍。牀帷器用。多飾金玉。以貽社爾。社爾不受。帝聞之曰。二將優劣。不必問人矣。

崔光遠傳。增元宗出奔。光遠爲京兆尹。僞遣子東見祿山。時祿山已令張休爲京兆尹。及得光遠投順。即命休還洛。

王思禮傳。增肅宗自靈武至鳳翔。賊兵來攻甚危。適崔光遠遣王伯倫。李椿。以兵至。聞賊攻鳳翔。欲乘虛襲長安。賊聞之。乃引還。伯倫戰死。椿被執。

李光弼傳。增野水渡之役。光弼以計降賊將高暉。李日越二人。又增邙山之敗。由魚朝恩不聽光弼言。去山險。就平地故敗。又增代郭子儀營壘。旗幟無所更。一經光弼號令。氣色乃益精明。又於郝庭玉傳記。朝恩使庭玉布陣。坐作進退如一。朝恩嘆賞。庭玉曰。此臨淮王遺法也。

姜公輔傳。增德宗出避涇師之亂。欲往鳳翔。倚張鎰。公輔謂鎰文臣。而其下皆朱泚舊部。曲軍且有變。帝乃往奉天。不數日。鳳翔大將李楚琳果殺鎰。泚。又增帝初至奉天。聞泚欲來迎。乃詔止諸道援兵。公輔力言不可。無備。乃納兵。不數日。泚兵來犯。

新書增舊書有關係處

田承嗣傳。增承嗣先為安史僞將。後背史朝義。降於僕固瑒。

田悅傳。增朱泚僭據長安。其弟滔自幽州起兵。應之。約悅同舉兵。悅許之。而王武俊遣人阻

悅。悅兵遂不出。滔怒。攻其貝州。於是武俊與李抱真同出兵救悅。

田季安傳。增憲宗命吐突承璀討王承宗。季安欲救之。有譚忠者。為畫策。陽出兵助王師。而

陰約承宗。以堂邑見與。若為攻得者。遂邀朝命寵獎。

李維岳傳。增維岳敗於東鹿。欲上表歸朝。田悅遣人來責。維岳遂復抗。

劉濟傳。增譚忠激濟進兵討王承宗。

劉總傳。增譚忠勸其以地歸朝。

段秀實傳。增郭晞在邠。不戢軍士。邠帥白孝德不能制。秀實殺十七人。自請於晞。晞不能難。

韓游瓌傳。增李懷光誘游瓌叛。游瓌白發其書。帝嘉之。後又有書來誘。為渾瑊所獲。稍伺察

之。游瓌怒。罵瑊。帝懼有變。遂幸梁州。此事大有關係。舊書乃無之。又增吐蕃來寇。游瓌破

之於合水。吐蕃攻陷鹽州。游瓌收復之。及吐蕃請盟。游瓌奏不可信。帝不從。及平涼之盟。

游瓌以勁騎赴柳泉。會盟使渾瑊被劫。逃出。賴游瓌兵乃得歸。舊書亦無。

董晉傳。增晉與李涵使回紇。回紇責償馬價。涵不能對。晉曰。我非無馬。而與爾為市。賜爾不

已多乎。爾之馬多疲斃。天子勅勿屑屑較。爾反以為不足乎。回紇語塞。

李希烈傳。增寶良女為希烈所得。女謂父母曰。勿戚戚。吾能殺賊。果為希烈所嬖。乃與陳仙

奇密謀。酖死希烈。舊書但云仙奇酖死希烈。而寶良女不載。

鮑防傳。增策賢良方正。防閱策得穆質。柳公綽等皆名士。質對策最切直。獨孤恹欲黜之。防

曰。使上得聞所未聞。不亦善乎。卒置高第。

楊甕傳。增甕為李夷簡所劾。貶臨賀尉。姻友無敢送者。徐晦獨送至藍田。夷簡特薦晦為御

史曰。君不負楊臨賀。肯負國耶。舊書至此另立徐晦傳。新書刪晦傳。而以此附甕傳內。

杜黃裳傳。增黃裳與憲宗論致治之道。在修己任賢。操執綱領。至簿書訟獄。本非人主所自

任。

李吉甫傳。增罷冗員一疏。奏伐蜀之師。宜增三峽一路。以分賊勢。劾中書吏滑渙。勾結樞密

使竊權。李錡將反。吉甫建議。使韓宏進兵。因田宏正歸順。請撤河陽之兵。戍汝州。以逼吳

元濟。按武宗時。吉甫子德裕重修憲宗實錄。虛張其父之美。宣宗時特命刊正。今此等事

舊書皆無。而新書增之。豈舊書據大中刊正之本。而新書尚據會昌重修之本耶。

權德輿傳。增德輿建議。王承宗可起復。盧從史不可起復。

張薦傳。增顏真卿使於李希烈。為所拘繫。薦上疏請以希烈之母妻妹三人之拘於京師者。

移置境上。以贖真卿。

蔣乂傳。增李錡以反誅。詔削一房屬籍。宰相召乂問。一房自大功乎。乂曰。其祖神通。開國時

有功。可因孫而累其祖乎。曰。自期可乎。乂曰。其父若幽死。社稷可令其絕祀乎。乃止。坐錡

及子息。無旁坐者。

王鏐傳。增西域朝貢。會長在京。因隴右陷蕃。不得歸。皆食鴻臚。凡四千餘人。鏐奏請。停其廩

給。李泌請以隸神策軍。皆成勁旅。而歲省五十萬緡。

孔戣傳。增番舶至粵。向有下棧稅。有閔貨宴錢。戣帥粵。悉禁絕之。海商死。官籍其貲。滿二月。

無妻子。至則沒入。戣不為限。悉推與之。

韋澳傳。增宣宗召澳。屏人問。近日奄官如何。對曰。帝威制前世無比。帝曰。未也。澳曰。不若就

其中可用者計之。帝曰。朕固行之矣。自黃至綠。至緋。猶可。衣紫則合為一矣。

鄭綱傳。增宦官竇文場。新為中尉。欲以白麻制下中書。綱力諫止。又增盧從史懷不軌。李吉

甫諳網漏言於從史。憲宗怒召李絳告之。絳曰：誠如是，罪當族。然誰為陛下言者？帝曰：吉甫。絳曰：安知非吉甫誣陷之？帝乃悟。

崔宏禮傳。增討李同捷時，大將李萬瑀、劉宗、擁兵自固。宏禮奪其兵，破賊。李祐以鄭滑兵入齊而潰。宏禮悉斬其兵，以鄆兵二千付祐，敗賊。

王起傳。增武宗即位，起為山陵使，樞密劉宏逸、薛稷欲因山陵兵謀廢立。起密奏，乃皆伏誅。王式傳。增式為安南都護，退蠻兵，捕斬反者，及移浙東討殺草賊仇甫，移徐州殺銀刀都之為亂者數千人。

錢徽傳。增徽為掌書記，時大寒，先發冬衣，以靖兵亂。在宣歙，幕帥崔衍病亟，徽請池州刺史李遜至，以安軍士，及為學士，奏憲宗弗納貢獻。帝密戒有獻者，入銀臺門，勿令學士知。

裴度傳。增度與帝言：君子無黨，小人有黨。牛僧孺傳。增初對策切直，得罪時宰之處。此為牛李黨事之始。又增劉稹誅後，石雄軍吏得

劉從諫與僧孺、李宗閔交結書。此蓋因李德裕當國，帝旨者附會為之。李石傳。增石與文宗論為治之要，惟登拔才良，及論貞觀開元之治，石欲強帝意，謂漢文景

不足法，當上法堯舜。又增討劉稹時，石奉使督戰，責石雄、王宰等取破賊期，後果如期奏績。

蕭倣傳。增宣宗以李燧為嶺南節度，已賜節，因倣封還詔書，帝方作樂，不暇遣使，即令樂工追節還。

李珣傳。增文宗嘗欲以陳王成美為嗣，既崩，中人引宰相商議所當立。珣曰：帝已命陳王矣。已而武宗即位，人皆危之。珣曰：臣下知奉天命而已，安與禁中事？後終以此被貶。

李德裕傳。增德裕帥蜀時，築籌邊樓，仗義城，禦侮城，柔遠城等事。又增宰相閣百官，非公事不入。自李宗閔時，往往通賓客，至設宴其中。德裕為相，奏文宗禁止。又增帝欲官李訓、德

裕以為僉人不當授，帝語王涯，別與官。德裕搖手止之，適為帝所見，帝不悅。武宗欲殺楊嗣復、李珣，皆宗閔黨也。德裕三叩求，乃免死。對武宗論任宰相一事，又極論朋黨之害。

傳末又附載崔嘏、魏剛、丁柔立等，皆為德裕訟冤者。馬植傳。增植與中尉馬元贇善，元贇以上所賜帶遺之。他日對便殿，帝識其帶，知其通近侍，遂出之。

崔安潛傳。增安潛之將張自勉，討王仙芝有功，宋威忌之，欲令隸麾下。宰相鄭畋謂：如此則自勉以功而受辱也，何以勸立功者？

朱宣傳。增朱全忠攻宣，凡十興師，四敗績。李輔國傳。增輔國逼徙上皇，高力士叱令為上皇控馬之事。

魚朝恩傳。增吐番入寇，朝恩欲遷都洛陽，郭子儀疏諫，以為不可。增朝恩譏謂宰相溫造：面折其議，增朝恩為其子請進官，左右已以紫衣進。增元載密謀擒縛朝恩。

田令孜傳。增令孜導僖宗荒樂賞賜，及強奪商旅財貨之事。令孜討王重榮戰敗，逼帝幸興元，以致朱玫立嗣，襄王煊為帝，皆令孜召禍也。帝幸蜀後，令孜激黃帽軍亂，孟昭圖上疏諫，令孜矯詔貶而害之。增中人曹知鸞與破賊有功，因大言，帝還時當在大散關，閱羣臣

可歸者歸之，令孜恐其圖己，密令王行瑜殺之。此等舊書皆無之，但云令孜從幸梁州，求為監軍，以去而已。案此等事，皆令孜之釀禍肆惡，不敘於令孜傳，而誰傳耶？

黃巢傳。增王仙芝為宋威敗於沂州，仙芝亡去，威因奏仙芝已死，散遣諸道兵。已而仙芝復出，諸道兵始休。又徵於是皆怨，又增刺史裴渥為賊求官，王仙芝黃巢皆詣渥飲，適詔至，拜仙芝左神策軍押衙，仙芝喜，巢以官不及己，詢曰：君獨得官，此五千眾安歸乎？因擊仙

新書增舊書有關係處

芝仙芝憚衆怒亦不受官分其衆各路剽掠又增賊將朱溫爲王重榮所敗遂降於重榮以上七十一傳新書所增事蹟章疏皆有關於時事政術者

新書增舊書瑣言碎事

竇建德傳增建德微時盜夜劫其家建德殺三人餘不敢進請其尸建德曰可投繩取之盜投繩建德乃自縊使盜曳出又殺數人

李靖傳增太宗手書二則一曰兵事節度皆付公吾不中制一曰有晝夜視公疾大老嫗遣來吾欲知公起居狀後權德輿見之流涕曰君臣之際一至此耶

杜正倫傳增正倫初欲與城南諸杜敘同族不許相傳城南杜固有壯氣正倫既執政奏鑿杜固以通水利既鑿川流如血自是南杜不振

太子承乾傳增承乾學蕃人設穹廬自作可汗死令其下奔馬哭之誓有天下後委身思摩作一設又言有諫者輒殺之殺五百人豈不定

李傑傳增斷獄有婦人與道士控其子不孝傑究得其實殺道士

許敬宗傳增敬宗辨濮陽之帝邱及濟深斷流見其博雅

張錫傳增錫與蘇味道俱坐罪繫獄錫日膳豐侈不少貶味道席地菜食武后遣人覘之乃憐味道而惡錫

裴炎傳增炎子伯先以諫武后流濱州逃入北庭致富數千萬能調朝廷陰事武后遣使殺流人伯先預知之與追者格鬪會后又赦流人遂得免後官至工部侍郎

裴寬傳增寬爲潤州參軍人有餽鹿肉者不可却則受而埋之於後圃爲刺史常說樓上所見問知其故遂以女妻之寬衣碧瘠而長人呼爲碧鶴雀

哥舒翰傳增潼關之戰賊將崔乾祐用兵十伍伍官兵阨於隘道遂大敗嚴武傳增武八歲時擊死父之寵妾及節度劔南最厚杜甫亦屢欲殺之李白作蜀道難爲甫危之也

劉晏傳增晏八歲時元宗令張說試之曰國瑞也

王嶼傳增漢以來喪葬皆有瘞錢後世里俗稍以紙寓錢爲鬼事嶼爲祠祭使乃用之祠廟

關播傳增李元平築汝州城李希烈潛使人應募遂爲內應縛元平去以元平本播所薦也舊書以李元平傳後附播傳故此事故載元平傳新書則以此事附播傳而不復立元平傳

邵說傳增說面奏德宗自解失身陷賊之處甚詳

李賀傳增每日出遊使童奴背古錦囊有得即投入其母探知之曰是兒嘔出心肝乃已

韋阜傳增阜沒後有議其箭有定秦二字以爲蓄異謀者陸暢爲辨云定秦者匠名也事乃白又增李白爲蜀道難以斥嚴武暢反之爲蜀道易以美阜

田悅傳增張仝固守待救放紙爲至馬燧軍謂三日不救士且盡爲悅食燧乃進軍破悅

劉元佐傳增元佐母數教元佐盡臣節見縣令白事者甚畏懼即戒元佐汝父吏於縣時亦當爾汝可倨受耶又增汴州相國寺佛軀出汗元佐大施金帛人皆效之輸納無算元佐藉之以充軍賞

盧坦傳增杜黃裳謂坦曰某家子與惡人游將破產盍戒之坦曰凡官廉者必不積財積財者皆剝下以致之如子孫善守是天富不道之家也不若聽其不道以散人

韋綬傳增綬讓楊凝爲舉首及爲學士德宗曾與韋妃幸其院植其寢以妃蜀纈袍覆之胡證傳增裴度未顯時飲酒店爲武士所窘證突入座上豪飲取鐵燈檠手合其跗謂諸人曰我欲爲令不酬者以此擊之衆叩頭請去度乃得免

反及滔舉兵敗歸疑恠有異志不敢入恠乃具卒伍郊迎二十里入之人以爲忠於所事新書刪之以此事已見於恠傳也呂元膺傳舊書元膺爲東都留守李師道遣門察訾嘉珍至東都結僧圓靜糾約山棚民爲變新書亦刪之以此事已見李師道傳也韋諤傳舊書楊國忠貴妃既死於馬嵬元宗將發從駕軍士猶懷去就陳元禮不能制適益州貢春綵十萬至帝召六軍散之令各自擇便軍士乃俯伏流涕曰死生從陛下按此事應入元禮傳與諤何涉新書於諤傳刪之亦見其去取得當也張茂宗傳德宗以公主字茂宗茂宗丁母憂詔起復成禮諫官蔣乂疏言非軍中不宜墨纓從事舊書載其疏於茂宗傳新書刪之改入乂傳亦見其移置得宜也渾瑊傳舊書記平涼之盟瑊爲吐蕃所劫單騎脫歸之事甚詳新書但云爲尙結贊所劫副使以下皆陷惟瑊得免陸贄傳舊書謂贄惡竇參參之死贄有力焉新書刪此數語轉於參傳載贄救免之疏似爲瑊贄諱者以二人皆名臣也李義府傳舊書御史王義奏其年少時以貌美爲劉洎馬周所嬖此正見義府之無恥魏少游傳舊書少游觀察江西有京吏賈明觀恃魚朝恩勢肆惡事敗元載受其賂判往江西效力少游以載故優容之及路嗣恭代少游到日卽杖殺明觀人以是賢路而醜魏此正見少游附勢之無品裴延齡傳舊書載陸贄劾延齡一疏甚詳此正見延齡之奸贄之正而新書皆不載亦似爲之諱者然義府延齡等人本卑劣何必爲之掩飾也至如田悅傳朱滔方圍悅之貝州田緒殺悅卽以兵與王武俊李抱真大破滔於涇城此事有關於三鎮離合之故而新書刪之王處存傳黃巢據長安處存以兵五千白縞爲號夜入京賊驚遁去而京師少年亦傲其白號劫掠坊市賊覘知復入京召兩市丁壯七八萬殺之此事見巢禍之慘新書亦刪之此皆不當刪而刪者而尤甚者戴胄義倉爲千古積貯之良法舊書胄傳載其疏甚詳而新書刪之張宏靖傳舊書劉總以幽鎮歸朝欲盡革河朔承襲之弊請以己鎮分爲三道仍籍軍中宿將

送於朝欲朝廷官之使幽薊之人知慕朝廷官爵及疏上而宰臣崔植杜元穎不知遠計時已命張宏靖節度幽薊但欲崇重宏靖以總所鎮全界之其將校在京者悉令隨歸故宏靖至鎮不數日復亂自是再失河朔此事大有關繫而新書亦刪之此則景文之率意裁汰不及酌其輕重也

廿二史劄記卷十七終

廿二史劄記卷十八

陽湖趙翼撰

新書改舊書文義處

河間王孝恭傳。舊書孝恭破降蕭銑。高祖大悅。使畫工圖其貌而視之。案孝恭乃高祖從子。豈不相識而欲圖其貌乎。新書則云詔圖破銑之狀以進。

長孫順德傳。舊書順德坐事免。發疾。太宗鄙之曰。順德無慷慨之節。多兒女之情。今有疾。何足問也。語殊無來歷。新書謂順德因喪女感疾。帝謂其無剛氣。以女兒牽愛。

許敬宗傳。舊書太宗伐高麗。皇太子定州監國。敬宗與高士廉共知機要。岑文本卒於行所。令敬宗檢校中書侍郎。太宗破高麗於駐驛山。敬宗立馬於御前。受旨草詔書。是敬宗忽隨太子在定州。忽隨太宗草詔。語殊不明。新書改文本卒。驛召敬宗至行所。

韋陟傳。舊書陟卒。太常諡為忠孝。顏真卿駁之曰。忠則以身許國。見危致命。孝則晨昏色養。取樂庭闈。不合二行。殊難以成忠孝。新書改真卿云。許國養親不兩立。不當合二行為諡。

元載傳。舊書載父景昇任員外官居岐州。載母攜載適景昇。冒姓元氏。語不可解。然則載本何姓耶。新書云。父昇本姓景。為曹王妃元氏主田租。請於妃。冒為元氏。

崔光遠傳。舊書郭子儀與賊戰。汲郡光遠以千人渡河援之。及光遠在魏州。使李處崧拒賊。子儀怒不救。處崧遂敗。此事殊不明析。光遠曾救子儀。子儀何以反怒而不救。光遠耶。新書謂子儀戰汲郡。光遠僅以千人援之。戰不甚力。故魏州之戰。子儀怒而不救。

唐儉傳。舊書儉勸高祖起兵。高祖曰。天下已亂。言私則圖存。言公則拯溺。吾將思之。新書改云。喪亂方剗。私當圖存。公欲拯溺者。吾當為公思之。是竟以公指儉矣。

王雄誕傳。雄誕本杜伏威之將。其擒李子通。降汪華。及聞人遂安。皆伏威降。唐後為唐宣力也。舊書先敘明高祖詔伏威使雄誕討之。故下文戰功俱是為唐盡力。新書不先敘明。則此等攻討。全是為伏威矣。雄誕造遂安壘。諭以國家威靈。所謂國家者。唐耶。伏威耶。

魏徵對太宗。忠臣良臣之論。舊書云。良臣身獲美名。君受顯號。子孫傳世。福祿無疆。忠臣身受誅夷。君陷大惡。家國並喪。空有其名。新書改云。良臣身荷美名。君都顯號。子孫傳承。流祚無疆。忠臣身嬰誅夷。君陷昏惡。喪國夷家。祇取空名。不過竄改數字。無他意義。

傅奕請除釋教。疏舊書有云。齊朝章仇子他上表。言僧尼寺塔。糜損國家。為諸僧附會宰相。對朝讒毀。諸尼依托妃主。潛行謗讟。遂死西市。言因諫佛事。為僧尼傾陷也。語已不甚明。新書改云。章仇子他言僧尼塔廟。外見毀宰。臣內見嫉。妃嬙尤不可解。并失本意。

李光弼傳。舊書光弼命荔非元禮出勁卒於羊馬城。以拒賊。新書謂遣元禮戰羊馬。賊大潰。羊馬城。去城字。但云戰羊馬。成何語耶。

盧汝弼傳。舊書太原使府有龍泉亭。汝弼父簡求節制時。手書一詩。在亭之西壁。汝弼復為亞帥。每亭中宴集。未嘗居賓位。但西嚮俯首而已。新書改云。太原府子亭。其父簡求所署多在。每宴亭中。汝弼未嘗居賓位。轉不明析。

甘露之變。舊書本紀。書仇士良率兵誅王涯。賈餗。舒元興。李訓。王璠。郭行餘。羅立言。李孝本。韓約等十餘家。案是時李訓見事敗。即出奔。鄭注亦尚在鳳翔。非同日被殺也。新書先書壬戌李訓謀誅宦官。不克出奔。戊辰鳳翔監軍殺鄭注。較明。然李訓出奔後。仍被殺。又不書。又涯等被殺。朝中無宰相。乃以鄭覃李石同中書門下平章事。而新書覃石入相。反敘於士良

殺朝臣之前亦誤。蓋舊書以甘露之變係之壬戌。新書則係之乙丑。故有此誤也。

新書盡刪駢體舊文

歐宋二公不喜駢體。故凡遇詔誥章疏。四六行文者。必盡刪之。如德宗奉天之詔。山東武夫悍卒。無不感涕。討李懷光之詔。功罪不相掩。亦曲盡事情。而本紀皆不載。并陸贄傳亦無之。其列傳內如李密討隋帝檄文。祖君彥之詞也。徐敬業討武后檄文。駱賓王之詞也。太宗徐賢妃諫伐高麗。及興土木一疏。封常清臨死謝表。代宗獨孤后崩。帝命常袞為哀冊文。情詞悽惋。時稱絕作。李克用收復京城。後楊復光所上露布。列諸將功伐最詳。此皆傳誦至今者。而各傳皆不載。惟徐賢妃疏。則節數語存之。至如舊書畢構傳。有詔歷數貪吏之弊。最為切中。詔云。邑屋之間。囊橐俱竭。或地有樁梓。漆。或家有畜產。資財。即被暗通。竝從取奪。若有吝。即因事以細。粗杖大枷。動傾性命。懷冤抱痛。無所訴陳。亦以其四六而刪之。夫一代自有一代文體。六朝以來。詔疏尚駢麗。皆載入紀傳。本國史舊法。今以其駢體而盡刪之。遂使有唐一代館閣臺省之文。不見於世。究未免偏見也。惟凌烟閣續圖功成一詔。係駢體。獨全載於李晟傳。則以事本嚴重。非四六之詔。不足相稱。此正宋子京相題之巧。其他駢體中有新語。不忍棄者。則寧代為改削存之。如姜皎當元宗為臨淄王時。即傾心擁戴。幾得重禍。帝登極。賜之詔云。否當其晦。則滅宗毀族。朕負之必深。泰至其亨。則如山如河。朕酬之未補。新書改云。否當其晦。則必滅乃宗。泰至其亨。則所酬未補。又王志諫論太寬。不可為政疏有云。人慢吏濁。偽積賊深。若以寬理之。何異命王良御驛。捨銜策於奔駉。請俞跗攻疾。停藥石於膚腠。新書改云。捨銜策於奔駉。則王良不能御驛。停藥石於膚腠。則俞跗不能攻疾。語自較勝。又如昭宗為劉季述所廢。幽於宮中。反正後。罪狀季述之詔。有云。幽辱之時。要紙筆則恐作詔書。索錐刀則慮為凶器。朕所御之衣。晝服夜浣。嬪嬙公主。衾裯皆闕。緡

錢則貫陌不入。緡帛則尺寸難求。新書不載此詔。卻即用詔中語。敘帝幽辱之狀。謂帝衣晝服夜浣。食自竇進。下至紙筆銅錢。亦疑作詔書凶器。而不與時方寒。公主嬪御無衾。緡哀聞外廷。此可見子京于四六不欲存。又不忍棄委曲斡旋之苦心矣。又郭虔瓘傳。獨存駢體一詔。乃元宗以虔瓘與阿史那獻不協。特為和解者。此無甚關係。而獨存之。則以舊書虔瓘傳無此詔。故轉補之。以見其採掇之博也。其他如章疏之類。有關政體治道者。或就四六改為散文。或節其要語存之。固未嘗概為刪汰。此則子京用意之深。不以文詞而沒其議論耳。

新書好用韓柳文

歐宋二公皆尚韓柳古文。故景文於唐書列傳。凡韓柳文可入史者。必採摭不遺。張巡傳。則用韓愈文。段秀實傳。則用柳宗元書。逸事狀。吳元濟傳。則用韓愈平淮西碑文。張籍傳。又載愈答籍一書。孔戣傳。又載愈請勿聽致仕一疏。而於宗元傳。載其貽蕭俛一書。許孟容一書。貞符一篇。自傲賦一篇。可見其於韓柳二公。有癖嗜也。又於劉禹錫傳。載其所自作子劉子一篇。以見其處境之志。杜牧傳。載其罪言一篇。以見其經世之才。此皆文人氣類相惜。有不能期然而然者。白居易傳。舊書載其與元稹書。極敘作詩之功。及得名之處。後移忠州。與稹相遇於夷陵。流連文酒。寫木蓮枝圖。以寄朝士。晚歸東都。作池上篇。寄興樊素小蠻。及與香山僧如滿。結香火社等事。新書則一切刪之。專敘其疏諫吐突承璀。不可將兵。獻虞人箴。以傲穆宗好獵。并措置河朔。請令李光顏將兵。裴度鎮太原等疏。與舊書命意迥別。蓋舊書專表其才之高。襟懷之曠。置之恬淡一流。而新書則欲著其立朝丰采。議論。以見文人中自有名臣。此又景文深意也。

新書詳載章疏

新書於舊書內奏疏當存者。或駢體。或雖非駢體。而燕詞過多。則皆節而存之。以文雖燕而
 言則可採也。其節存者。徐賢妃諫興師動土木一疏。李大亮諫賑突厥一疏。房元齡諫伐高
 麗一疏。褚亮論九廟七廟一疏。諫獵一疏。于志寧諫太子承乾書。及綏刑等疏。許敬宗薦張
 元素令狐德棻等一疏。劉仁軌奏戰士不被恩賞。難於用命一疏。高季輔應詔陳時政損益
 五篇。韋承慶諫太子賢一疏。明堂災一疏。韋嗣立修學校。止刑殺。禁封戶等疏。徐彥伯樞機
 論。薛登選舉過濫一疏。韋湊議駁改葬節愍太子一疏。張廷珪諫造大像一疏。楊綰請復古
 孝廉一疏。及公卿大臣核議一疏。郭子儀辭尙書令一疏。王嶼傳內梁鎮諫祠祭一疏。皇甫
 鎰傳內裴度諫其入相一疏。竇參傳內參既貶。德宗欲殺之。陸贄諫以爲殺之太重一疏。陸
 贄傳內諫設瓊林大盈庫一疏。蕭倣諫作佛事一疏。此皆因舊疏繁蕪。而刪存其要語者也。
 他如魏徵傳。徵與封德彝在太宗前論大亂之後易爲治。及戒土木論刑賞。君子小人不宜
 參用。十漸十思等疏。馬周傳論大安宮宜崇奉太廟宜親祀。刺史不可世襲。樂工不可賜官。
 太子宜預教。守令須慎選等疏。魏元忠傳論文武二途一疏。凡舊書所有者。仍一字不刪。并
 有舊書所無而新書補出者。張九齡傳載其重守令一疏。見當時重內輕外之弊也。宗楚客
 傳載其陳符命一疏。以見其求媚也。張廷珪傳載其諫襲回鶻。及買蕃馬二疏。以其有關於
 邊備也。崔渙傳載其劾元載一疏。所以著載之惡。渙之直節也。李晟傳。收京後李懷光尙據
 河中。載晟所奏懷光有不可赦者五。見晟之公忠體國也。至如高郢傳。載其諫營章敬寺一
 疏。杜佑傳。載其省官節用一疏。程元振傳。載柳伉劾元振一疏。亦皆有關於國計利害。民生休
 戚。未嘗不一一著于篇。此正宋子京作史之深意。非徒貴簡淨而一切刪汰也。

新舊書互異處

本紀。儀鳳二年。劉審禮與吐蕃戰於青海。敗績。舊書審禮被俘。新書云審禮死之。
 開元四年。突厥可汗默啜之死。舊書爲拔曳固所殺。傳首京師。新書子將郝靈佺斬默啜。
 二十年。敗奚契丹。獻俘闕下。舊書信安王禕獻俘。新書謂忠王浚獻俘。是時浚爲元帥。未行。
 禕爲副元帥。敗敵。新書以主帥爲主。舊書則從實也。
 天寶十一載。李林甫死。舊書李林甫薨於行在所。新書李林甫罷。案是時林甫從駕驪山。死
 於邸。生前未嘗先罷官也。其後削奪官爵。則死後事。乃先書罷。殊無據。
 永泰元年。郭英父之死。舊書劍南節度使郭英父。爲兵馬使崔旰所殺。新書崔旰反。節度使
 郭英父奔於靈池。普州刺史韓澄殺之。
 成汭之死。舊書汭以舟師援鄂。而雷彥恭乘虛襲陷江陵。軍士聞之。皆潰。汭投水死。新書汭
 與楊行密戰於君山。死之。
 哀帝之立。舊書蔣元暉矯宣遺詔。立暉王祚爲皇太子。即位。新書朱全忠已殺昭宗。矯詔立
 暉王爲太子。即位。列傳邵王重潤之死。新書本傳。中宗子重潤。與女弟永泰郡主。及主塔武
 延基竊議。張易之兄弟出入宮禁。后怒。杖殺之。武延基傳云。與重潤等竊議。皆得罪。縊死。二
 傳杖與縊。稍不符合。舊書張易之傳。則云重潤等竊議。二張后付太子。自鞫問。中宗時。太子
 竝縊殺之。武延基傳又云。武后咸令自殺。是二傳一以爲中宗所縊死。一以爲后令自殺。又
 不符合。蓋中宗之殺之。或令自殺。皆迫於武后之威也。新書竟書武后殺之。較爲直截。
 史朝義之死。舊書朝義敗投幽州。僞范陽節度使李懷仙於莫州擒之。送款來降。新書朝義
 走莫州。欲決死戰。田承嗣請身守莫州。勸朝義至幽州。以懷仙之師來戰。朝義乃以老母幼

子為託。而自往幽州。至范陽。懷仙部將李抱忠不納。朝義謀走入蕃。懷仙招之。至幽州。縊死。是朝義被擒在幽州。非莫州也。

楊思訓之死。舊書謂慕容寶節置妾于別室。邀思訓飲。思訓責以不宜背妻寵妾。妾怒。密置毒酒中。思訓飲盡便死。新書則謂寶節邀思訓謀亂。思訓不敢答。寶節懼其洩。遂毒之死。

裴馬舊書。裴行儉與李敬元同典選。有能名。時稱裴李。新書。行儉與馬載同典選。時稱裴馬。案新唐書。盧從愿傳。謂高宗時吏部稱職者。裴行儉馬載。至是從愿與李朝隱典選。亦有名。故號前有裴馬。後有盧李。

王仙芝之死。舊書謂仙芝敗宋威。朝廷以王鐸代威討賊。斬仙芝首獻闕下。是斬仙芝首者鐸也。新書謂仙芝攻洪州。宋威往救。敗仙芝于黃梅。斬賊五萬。獲仙芝。傳首京師。則斬仙芝者乃威也。

上官儀之死。舊書謂儀為許敬宗誣。其與梁王忠通謀。遂賜死。新書謂武后既得志。帝為所制。欲廢之。召儀使草詔。左右奔告。后自訴。帝羞縮曰。儀教我。由是敬宗誣構之死。

盧奐治廣州。有清節。舊書謂開元以來。廣府清白者。惟宋璟裴仙先李朝隱及奐四人。新書謂朝隱璟及奐三人。

哥舒翰之死。舊書謂火拔歸仁執翰送安祿山。降之。祿山閉翰于苑中。潛殺之。新書謂廣平王收東京。時安慶緒挾翰渡河而北。及敗乃殺之。

第五琦之為租庸使。舊書賀蘭進明令琦入蜀奏事。元宗即令句當江淮租庸使。是元宗所授也。新書謂肅宗在彭原。琦為進明來奏事。帝即令句當江淮租庸使。是肅宗所授官也。

李揆之死。舊書謂揆奉命為入蕃會盟使。行至鳳州卒。新書謂揆至蕃。其酋問曰。聞唐有第一李揆公。是耶。揆恐被留。乃曰。彼揆豈肯來耶。歸至鳳州卒。是揆入蕃後始卒於歸途也。

韋見素傳。舊書載其為楊國忠所引。在相位。無所是非。但署字而已。遂至凶胡犯順。不措一詞。新書則謂安祿山請以蕃將代漢將。見素謂難將作矣。明日與國忠入見。極陳反狀。是見素未嘗無言者。蓋其奏祿山必反。亦附合國忠意耳。然舊書傳論。又謂見素直言極諫。而君不從。獨正犯難。而人不咎。時論謂其取容于國忠。不知其時勢之不能匡救也。則又與本傳異。豈本傳乃國史原本。而傳論則修史者之平心持論耶。

呂渭傳。中書省有枯柳。德宗自梁洋回。柳再榮。時以為瑞。柳渭試進士。以之命題。舊書謂上聞而嘉之。新書云上聞之不以為喜。

姜公輔傳。舊書謂不知何許人。新書謂愛州日南人。陽惠元傳。惠元為李懷光所襲。出奔懷光。遣冉宗追之。舊書謂惠元計窮。父子三人竝投井中。冉宗俱出而害之。新書謂惠元被髮。袒而戰死。二子晟嵩匿井中。遇害。韓遊瓌傳。舊書謂德宗避京師之亂。倉猝出幸奉天。遊瓌率兵赴難。自乾陵北向醴泉。拒朱泚。會有入自京來言。泚兵旦夕當至。上遽令追遊瓌來奉天。遊瓌甫至。泚兵亦至。遂拒戰。是遊瓌之至。由德宗召之也。新書謂遊瓌趨醴泉。有詔赴便橋。而途遇泚兵。遊瓌欲還護奉天。中使翟文秀曰。吾兵至奉天。賊兵亦隨至。是引賊逼君也。不如壁于此。拒之。遊瓌曰。賊兵多。抗我于此。猶能分兵至奉天。不如先入衛。遂還奉天。泚兵果至。遂與戰。是詔令赴便橋。而遊瓌以救駕為急。自赴奉天也。

劉稹傳。舊書謂稹拒命時。其從父故節度使從諫妻裴氏。召諸將妻入宴。裴泣謂諸將妻。歸各語汝夫。勿忘先相公之拔擢。吾今以子母為托。諸婦皆泣下。故諸將為稹盡力。後稹伏誅。裴氏亦以此極刑。新書則謂從諫妾張氏。素有憾于裴。誣奏裴語如此。陷之極刑。

李師道傳。師道死。舊書謂其妻魏氏出家為尼。新書謂魏氏沒入掖廷。王鐸傳。舊書謂黃巢

新舊書五異處

之亂官兵收京城封鐸晉國公加中書令以收京諸將功伐令鐸量其高下承制爵賞下又云巢出關時溥請身討之乃以溥為都統罷鐸都統之任是收京時鐸正為都統也新書則謂巢戰數敗宦官田令孜知賊必破欲使功歸於己乃構鐸罷為檢校司徒鐸功將就而以讒見奪然卒因其勢不數月遂平京師是鐸於未收京之前已罷都統矣案收京露布係宦者楊復光所上而無鐸名則鐸早罷都統矣舊書應誤

王龜傳舊書龜觀察浙東江淮盜起攻郡為賊所害是龜被賊殺也新書但云徙浙東觀察使卒贈工部尚書則似未被害者元稹傳舊書謂稹宿敷水驛與內官劉士元爭廳為士元擊傷面新書謂中人仇士良至稹不讓中人怒擊稹傷面案白居易救稹疏亦謂與劉士元爭廳而新書云仇士良者蓋士元隨士良至而擊稹耳仇士良傳亦言與稹爭廳則李紳傳舊書謂李綺辟紳為掌書記紳不就綺怒將殺之遁而免新書謂綺脅中使奏留己召紳作疏紳陽懼至不能成一字下筆輒塗去綺注白刃令易紙終不成乃召許縱為之而囚紳獄中綺敗乃免

路巖傳巖為相委親吏邊誠與郭籌相倚為奸舊書云事敗出為成都尹改荆南尋罷之新書謂事敗貶新州賜死別取其喉先是巖奏賜死者當別喉以驗至是自及云
憲宗之弑舊書謂宦者陳宏慶新書作陳宏志舊書宏慶等弑逆不言王守澄新書謂守澄與宏志等弑帝

楊復光傳舊書謂復光監軍討賊遣吳彥宏諭降黃巢巢即令尙君長等奉表歸國宋威害其功併兵擊賊巢怒復作剽新書謂復光諭降王仙芝仙芝遣尙君長出降宋威密請誅君長故仙芝復叛案是時仙芝為賊首巢其將校也復光諭降是仙芝明甚
張巡傳舊書謂蒲州河東人新書謂鄧州南陽人

鄭畋傳舊書畋鎮鳳翔病乃表薦李昌言詔可之召畋赴行在新書黃巢據京城畋移檄討之遣大將李昌言率兵向京昌言反兵襲畋畋登城謂曰吾方入朝公能為國討賊則可矣乃委軍而去通鑑與新書同
王重榮傳新書宦官田令孜以重榮不肯歸鹽池供禁軍使朱玫討之重榮率李克用以兵來戰于沙苑禁軍大敗通鑑舊書但云沙苑之戰禁軍為重榮所敗令孜挾天子幸寶雞李克用聞之乃與重榮入援京師一似沙苑之戰克用不與其事及帝出奔後始起兵勤王者此或後唐修史時為克用諱耶

新舊書各有紀傳互異處

舊書本紀幽州軍亂逐節度使史元忠推陳行泰為留後雄武軍使張絳奏行泰不可為帥請以本鎮軍討之許之遂誅行泰詔以絳主留後務仍賜名仲武是絳即仲武也而新書則陳行泰殺史元忠張絳又殺行泰雄武軍使張仲武起兵討絳朝廷因命仲武為節度是絳與仲武判然兩人及考舊書張仲武傳史元忠為行泰所逐行泰又為絳所逐適仲武遣吏吳仲舒奉表至京宰相李德裕問故仲舒謂行泰絳皆客將故人心不附仲武本舊將素抱忠義可為帥德裕乃奏以仲武為節度使是舊書列傳內亦未嘗以絳與仲武為一人而本紀乃謂絳賜名仲武此紀傳互異之顯然者合新書列傳及通鑑核之此舊書之誤在紀不在傳也新書本紀殺梁郡公李孝逸案新書孝逸傳討徐敬業有功後為武三思所讒將置之死後念其舊功免死流儋州舊書孝逸傳亦然孝逸未被殺也此新書之誤亦在紀而不在傳也

新舊書誤處

嚴武傳。舊書肅宗收長安。以武為京兆少尹。因史思明阻兵不之官。優遊京師。案長安即京兆也。既收長安。何以不能赴京尹之任。史思明並未據長安。何以因其阻兵。遂不赴任。京兆。此必誤也。蓋是東都少尹耳。是時史朝義尙據東都。如劉晏亦除河南尹。以盜據都城。乃寄治于長水。然則武所除少尹。當是河南也。新書則云已拜京兆少尹。坐房瑄事。貶巴州刺史。然則舊書所云以賊阻不之官者誤。

魯炆傳。炆守南陽一年。與賊將田承嗣等。日夜拒戰。力不支。乃率衆突圍出。投襄陽。新舊二書皆同。是炆已走襄陽矣。而魏王巨傳。巨奉命節度河南。詔貶炆為果毅。以來瑒代之。巨奏曰。若炆能守孤城。功足補過。則何以處之。元宗曰。卿隨宜處置。巨至內鄉。賊解圍走。巨乃至南陽。宣敕貶炆。削其章服。令隨軍效力。其暮以恩命。仍令炆復位。據此則炆尙在南陽也。來瑒傳。亦謂炆守南陽。詔以瑒代之。魏王巨奏。炆能守南陽。乃詔各復本位。下又云。賊攻南陽。累月。瑒救之。為賊所敗。是炆亦尙未失南陽。數傳核對。俱不符合。當是巨至南陽時。炆尙守城。賊暫退去。其後又來攻。瑒救之。又為賊所敗。炆於是走襄陽耳。

郭子儀傳。新書代宗即位。子儀懼程元振讒。乃哀肅宗所賜詔。救千餘篇上之。案舊書子儀表代宗云。陛下貽臣詔書一千餘篇。自靈武河北河南。臣所經行。蒙賜手詔救書。凡二十卷。昧死上進。是代宗為廣平王。與子儀同收復兩京時。軍中往來手札也。代宗既即位。故即謂之詔救。新書以為肅宗詔救。殊誤。

舊書興元元年。李抱真王武俊破朱滔于京城東南。擒其僞相朱良祐李俊等。滔遁歸幽州。案朱泚朱滔。武俊抱真。田悅田緒等傳。是時泚因涇師之變。僭據京城。其弟滔及武俊田悅

等。方連衡抗朝命。泚遣人冊滔為皇太弟。使發兵趨洛陽。與己合勢。滔率兵而南。悅託詞不助兵。滔怒。遂攻其貝州。武俊抱真以滔強橫難共。事遂合兵襲滔。大敗之。朱良祐等被執。滔遁歸幽州。是滔至貝州即敗去。未嘗近京城也。新書武俊等傳。則謂敗滔于經城。田緒傳。又謂與武俊等敗滔于涇城。然則舊書所云京城東南者。蓋經城涇城之訛也。其地當在貝州耳。而新書本紀。此戰之前。又書渾瑊及朱滔戰於武川亭。敗之。朱滔自貝州敗後。即歸幽州。而武川亭武功地也。滔既未到京西。何得有與瑊戰武川之事。據瑊二傳。是時德宗在梁洋。瑊為行營副元帥。李晟方圍泚於京城。瑊自行在來援。泚遣韓旻宋歸朝張庭芝等來寇武功。瑊與吐蕃兵敗之。武川亭斬首萬計。是瑊武川亭所敗。乃泚將而非滔也。而云瑊與滔戰武川亭。此又新書之誤也。或書云與泚戰而訛刻為滔耳。歐書瑊將必書瑊首名。或以泚所遣將。即書為泚。

新舊書刻本各有脫誤處

舊書張巡傳。安祿山陷河洛。許遠守睢陽。賊將尹子奇攻圍經年。巡以雍邱小邑。儲備不足。大寇臨之。必難保。乃引卒詐降。至德二年正月也。元宗聞而壯之。授主客郎中。兼御史中丞。案巡方詐降。何以元宗聞而壯之。蓋巡以雍邱難守。故詐降以出。而併兵于睢陽。與遠同守。故帝聞而嘉之耳。新書巡在雍邱餉路絕。乃拔衆保寧陵。至睢陽。與太守許遠。城父令姚閻等合兵。遣雷萬春南霽雲等戰寧陵北。殺賊萬人。有詔拜巡主客郎中。河南節度副使。正此事也。而舊書云。此必有行墨脫落之處。

新書李光顏傳末。忽敘宋威曾元裕討王仙芝一事。大將張自勉。表請討賊。詔乘傳赴軍。威忌自勉。請以隸麾下。欲以事殺之。宰相知其謀。不聽。乃以自勉代元裕。案仙芝之亂。距李光顏已將百年。與光顏何涉。而係其事于光顏傳後。此亦必錯誤也。

廿二史劄記卷十八終

廿二史劄記卷十九

陽湖趙翼撰

貞觀中直諫者不止魏徵

貞觀中直諫者首推魏徵太宗嘗謂徵曰卿前後諫二百餘事非至誠何能若是又謂朝臣曰人言魏徵舉止疎慢我但覺其嫵媚耳徵以疾辭位帝曰金必鍛鍊而成器朕方自比於金以卿為良匠豈可去乎至今所傳十思十漸等疏皆人所不敢言而帝悉聽納之此貞觀君臣間直可追都兪吁咈之盛也然其時直諫者不止魏徵也今案新舊唐書各傳薛收諫獵帝即賜金四十錠以獎之孫伏伽諫元師律罪不當死帝即賜以蘭陵公主園直百萬或以為太厚帝曰朕即位未有諫者是以賞之溫彥博諫長安令楊纂失察罪不當死帝即赦之虞世南諫田獵諫山陵之制不宜過厚諫宮體詩不宜作恐天下從風而靡諫勿以功高自矜勿以太平自怠帝嘗曰羣臣皆若世南天下何憂不理馬周諫大安宮宜崇奉宗廟宜親祀樂工王長通等不宜賜官帝購大宅直二百萬者賜之廬江王瑗姬侍側王珪曰陛下知瑗殺其夫而取之以為非奈何又令侍左右帝即出之諫祖孝孫雅士不宜令教女樂帝雖責之明日悔語房元齡令羣臣勿因此不言姚思廉諫幸九成宮賜帛五十疋高季輔指陳時政得失帝賜以鍾乳一兩曰卿以藥石之言進故以藥石相報戴胄諫修洛陽宮帝嘉之張元素亦諫修洛陽宮至以為甚於煬帝帝曰卿謂我不如煬帝何如桀紂對曰若此役卒與同歸於亂耳帝歎曰我不思量遂至于此命罷役賜帛二十疋褚遂良諫寵魏王泰太

貞觀中直諫者不止魏徵

過帝納之諫告成東岳即罷封禪張元素令史出身帝問其履歷元素慚不能對遂良謂元素已擢至三品陛下不宜對羣臣窮其門戶帝亦悔之帝常論山東人物張行成言天子以四海為家不宜以東西為限帝善之賜馬一匹錢十萬衣一襲裴仁軌私役門夫帝欲斬之李乾祐奏罪不應死帝即免之權萬紀不能教太子承乾以正帝欲誅之柳範曰房元齡尚不能止陛下獵豈可獨罪萬紀帝大怒拂衣入久之獨召範慰諭之帝好與羣臣論難劉洎力諫帝詔答曰輕物驕人恐由于此敬當虛懷改之洎又言近來上書人或面加窮詰恐致阻進言之路帝曰卿言是也當改之此皆見于各傳者也魏徵嘗言陛下導之使言臣所以敢諫若陛下不受臣豈敢犯龍鱗帝嘗宴韋挺虞世南姚思廉等謂曰龍有逆鱗人主亦然卿等遂能不避觸犯常如此朕豈慮危亡哉是諸臣之敢諫寔由于帝之能受諫也獨是仁善之君則能納諫英容之主每難進言以太宗之天錫智勇手定天下制事決機動無遺策宜其俯視一切臣下無足當意者乃虛懷翁受惟恐人之不言非徒博納諫之名寔能施之政事其故何哉蓋親見煬帝之剛愎猜忌予智自雄以致人情瓦解而不知盜賊蜂起而莫告國亡身弑為世大儆故深知一人之耳目有限思慮難周非集思廣益難以求治而飾非拒諫徒自召禍也煬帝惡諫曰有諫者當時不殺終不令生於地上蘇威欲言不敢因午日獻古文尚書煬帝曰誦我也即除名蕭瑀諫伐遼即出為郡守董純諫幸江都即賜死由是人皆鉗口至喪國亡身而不悟見吳兢疏此太宗所親見也惟見之切故懼之深正張廷珪所云多難興邦殷憂啓聖皆以事危則志銳情迫則思深也魏徵之諫亦動以隋為戒謂隋帝豈惡天下之治安不欲社稷之長久哉特恃其富強不慮後患驅天下以從欲遂以四海之尊殞於匹夫之手陛下當鑒彼之失又曰我所代實在有隋隋氏亂亡之源聖明所親見隋之未亂自謂必無亂隋之未亡自謂必不亡所以甲兵屢動徭役不息至于身戮而猶未悟今

能思其所以亂則治矣思其所以亡則存矣馬周亦言煬帝笑齊魏之失國今之視煬帝猶煬帝之視齊魏也此當時君臣動色相戒皆由殷鑒不遠警於目而惕於心故臣以進言為忠君以聽言為急其後勳業日隆治平日久即太宗已不能無稍厭魏徵謂貞觀之初導人以言三年後見諫者悅而從之近一二年勉強受諫而終不平是可知貞觀中年功成志滿已不復能好臣其所受教然則懼生于有所懲忘生于無所儆人主大抵皆然若後世蒙業之君運當清泰外無覆車之戒而內有轉圜之美豈不比太宗更難哉

時政記

左右史起居注之外有政事及奏對由宰相撰錄者謂之時政記案舊書唐初記注最詳備蘇冕言貞觀中每日朝退後太宗與宰臣參議政事即令起居郎一人執簡記錄由是貞觀註記政事極詳高宗時許敬宗李義甫用權多妄奏事恐史官書之遂奏令隨仗便出不得備聞機務姚璿乃表請仗下所言政要宰相一人專知撰錄是為時政記每月封送史館宰相之撰時政記自此始也據舊書云璿罷後其事遂寢賈耽齊抗貞元時為相又修之耽抗罷而事又寢然憲宗嘗問李吉甫時政記何事吉甫曰是宰相記天子事以授史館之言錄也左史記言今起居舍人是右史記事今起居郎是永徽中姚璿監修國史慮造膝之言外間或不得聞因請隨奏對而記於仗下以授史館今時政記是也上曰間有不修何也曰面奉德音未及行者不可書付史官有謀議出于臣下者又不可自書付史官故也憲宗紀又裴休嘗奏言宰相知印者撰時政記或多載己言而略他人之言史官莫得知請自今宰相各自為記令付史館從之休傳可見歷朝仍皆有時政記未嘗廢也其後又稍變其例穆宗時宰臣崔植等奏請坐日所有君臣獻替事宜應隨日撰錄號為聖政記歲終付史館則不

必每月送史館。至歲終始送矣。文宗又詔時政記。因循日久。廢墜日多。自後宰臣奏事。及臨時處分。委中書門下丞一人。隨時撰錄。每季送館。則又不必宰相自撰。而令中書門下丞撰錄矣。然皆於紀錄政事。致其詳慎。可為後世法也。

天子不觀起居注

左史記言。右史記事。歷代皆重其職。唐太宗嘗欲見起居注。朱子奢曰。恐開後世史官之禍。史官全身畏死。悠悠千載。尙有聞乎。將子奢後至文宗。益重其事。每入閣日。左右史執筆立于螭頭之下。宰相奏事。得以備錄。宰臣既退。上召左右史。更質證所奏。是非。故開成政事最詳。張次宗傳帝嘗與宰相議事。適見鄭朗執筆螭頭下。謂曰。向所論事。亦記之乎。朕將觀之。朗引朱子奢事對曰。史不隱善諱惡。人主或飾非護失。見之則史官無以自免。即不敢直筆。昔褚遂良亦稱史記天子言動。雖非法必書。庶幾自飭也。帝曰。朗可謂善守職者。朕恐平日之言。不合治體。庶一見得以改之耳。朗乃上之。朗傳後帝又欲觀魏謩起居注。謩曰。陛下但為善事。勿畏臣不書。帝曰。我嘗取觀之。謩曰。此史官失職也。陛下若一見之。自此執筆者。須有迴避。後世何以示信乎。乃止。論者各朗而是。謩。謩傳

唐諸帝多餌丹藥

古詩云。服食求神仙。多為藥所誤。自秦皇漢武之後。固共知服食金石之誤人矣。及唐諸帝。又惑于其說。而以身試之。貞觀二十二年。使方士那羅邇婆娑。于金甌門造延年之藥。舊書本紀高士廉卒。太宗將臨其喪。房元齡以帝餌藥石不宜臨喪。抗疏切諫。士廉傳是太宗實餌其藥也。其後高宗將餌胡僧盧伽阿逸多之藥。郝處俊諫曰。先帝令胡僧那羅邇婆娑。依其本國

舊方。合長生藥。徵求靈草異石。歷年而成。先帝服之無效。大漸之際。高醫束手。議者歸罪于胡僧。將申顯戮。恐取笑外夷。遂不果。處俊傳李藩亦謂憲宗曰。文皇帝服胡僧藥。遂致暴疾不救。憲宗本紀是太宗之崩。實由于服丹藥也。乃憲宗又惑長生之說。皇甫鏞與李道古等。遂薦山人柳泌。僧大通。待詔翰林。尋以泌為台州刺史。令其探天台藥。以合金丹。帝服之日。加燥渴。裴潏上言。金石性酷烈。加以燒煉。則火毒難制。不聽。帝燥益甚。數暴怒。責左右。以致暴崩。憲宗本紀王守澄傳。是又憲宗之以藥自誤也。穆宗即位。詔泌大通付京兆府。決杖處死。是固明知金石之不可服矣。乃未幾。聽僧惟賢道士趙歸真之說。亦餌金石。有處士張臯。上書切諫。詔求之。臯已去。不可得。尋而上崩。是穆宗又明知之。而故蹈之也。敬宗即位。詔惟賢歸真流嶺南。是更明知金石之不可服矣。尋有道士劉從政。說以長生久視之術。請求異人。冀獲異藥。帝惑之。乃以從政為光祿卿。號昇元先生。又遣使往湖南江南及天台採藥。敬宗本紀是敬宗又明知之。而故蹈之也。武宗在藩邸。早好道術。修攝之事。及即位。又召趙歸真等八十一人於禁中。修符籙鍊丹藥。武宗本紀所幸王賢妃。私謂左右曰。陛下日服丹。言可不死。然膚澤日消。稿吾甚憂之。王賢妃傳後藥發燥甚。喜怒不常。疾既篤。旬日不能言。宰相李德裕請見。不得。未幾崩。是武宗又為藥所誤也。宣宗親見武宗之誤。然即位後。遣中使至魏州。諭韋澳曰。知卿奉道。得何藥術。可令來使口奏。澳附奏曰。方士不可聽。金石有毒。不宜服。澳傳帝竟餌太醫李元伯所治長年藥。病渴且中燥。疽發背而崩。懿宗立。杖殺元伯。誠二傳是宣宗又為藥所誤也。統計唐代服丹藥者六君。穆敬昏愚。其被惑固無足怪。太憲武宣皆英主。何為甘以身殉之。實由貪生之心太甚。而轉以速其死耳。李德裕諫穆宗服道士藥。疏云。高宗朝有劉道合。元宗朝有孫甌生。皆能以藥成黃金。二祖竟不敢服。德裕傳然則二帝可謂知養生矣。其臣下之餌金石者。如杜伏威好神仙術。餌雲母。被毒暴卒。伏威傳李道古既薦柳泌。後道古貶循

州終以服藥歐血而卒。道古李抱真好方術。有孫季長者。為治丹云。服此當仙去。抱真信之。謂人曰。秦漢君不遇此。我乃遇之。後升天不復見公等矣。餌丹至二萬丸。不能食且死。道士牛洞元。以豬肪穀漆下之。病少間。季長來曰。將得仙。何自棄也。乃益服三千丸而卒。抱真斯真愚而可憫矣。惟武后時。張昌宗兄弟。亦曾為之。合丹藥。蕭至忠謂其有功於聖體。則武后之餌之可知。然壽至八十一。豈女體本陰。可服燥烈藥。男體則以火助火。必至水竭而身槁耶。

元宗五代一堂

肅宗為太子時。生代宗。為嫡皇孫。生之三日。元宗臨澡。嫡孫體弱。負姆嫌陋。更取他宮兒進。元宗觀之不樂。姆叩頭言非是。元宗曰。非爾所知。趣取兒來。於是見嫡孫。元宗大喜。向日視之。曰。福過其父。顧力士曰。一日見三天子。樂哉。吳皇。此已屬盛事。又案舊書。順宗紀。順宗生於肅宗上元二年。時元宗尚為太上皇。是元宗肅宗代宗德宗順宗。凡五代共一堂。則不惟一日見三天子。且一堂有五天子也。

唐有兩上元年號

年號重襲。已見叢考前編。皆異代之君。不知詳考。致有誤襲前代年號者。至唐則高宗有上元年號。而肅宗亦以上元紀年。高之與肅。相去不過六七十。年耳。目相接。朝臣豈無記憶。乃以子孫復其祖宗之號。此何謂耶。元順帝慕元世祖創業致治。而用其至元紀年。故當時有重紀至元之稱。衰亂之朝。不知典故。固無論矣。

德宗好為詩

唐諸帝能詩者甚多。如太宗元宗文宗宣宗。皆有御製。流傳于後。而尤以德宗為最。劉太真傳。謂帝文思俊拔。每有御製。輒命朝臣畢和。今案本紀。貞元二年。宴羣臣於麟德殿。賦詩一章。令羣臣和。四年。賜百僚宴曲江亭。賦重陽賜宴詩六韻。六年。又宴曲江亭。賦中和節賜宴詩七韻。上巳節。又宴賦。上巳詩一章。九年。正月朝罷。賦退朝觀仗歸營詩。十年。曲江九日賜宴。又賦詩。十一年。賜宰臣兩省供奉官宴曲江。賦詩六韻。十二年。御製刑政箴一首。又製中和樂武曲。於御殿奏之。是年仲春。賜宴麟德殿。九日。賜宴曲江。皆賦詩。十七年。仲春。及重陽。賜宴曲江。亦皆賦詩。十八年。九日。宴馬嶼山池。亦賦詩。皆命羣臣屬和。此見於本紀者也。貞元四年。九日之宴。帝親為詩序。令朝官和進。帝親考其詩。以劉太真李紆等四人為上。鮑防于邵等四人為次。張濛殷亮等二十三人為下。李晟馬燧李泌三宰相之詩。不加優劣。見太真傳。韋綬在內直。帝作黃菊歌。顧左右曰。不可不示韋綬。即遣人持往。綬即附和進。綬傳。又嘗製宸扈台衡二銘。賜馬燧。燧傳。杜希全赴鎮天德。獻體要八章。多所規諷。帝製君臣箴。賜之。全希傳。張建封入朝。將還鎮。帝賦詩餞之。建封此皆見於列傳者也。今載其數首。貞元四年。曲江宴詩曰。早衣對庭燎。躬化勤意誠。時此萬機暇。適與佳節并。曲池潔寒流。芳菊舒金英。乾坤爽氣澄。臺殿秋光清。朝野慶年豐。高會多歡聲。永懷無荒戒。良士同斯情。其賜建封詩曰。牧守寄所重。才賢生為時。宣風自淮甸。授鉞膺藩維。入覲展遐戀。臨軒慰來思。忠誠在方寸。感激陳情詞。報國爾所尚。恤人予是資。歡宴不盡懷。車馬當還期。穀雨將應候。行春猶未遲。勿以千里遙。而云無已知。

褒貶前代忠奸

式閭表墓。為新朝激揚首務。所以表是非之公。新天下之耳目也。唐武德元年。詔齊崔季舒。郭若弼。薛道衡。宇文弼。黃純等。竝抗節懷忠。陷於極刑。特贈官加諡。貞觀元年。詔齊崔季舒。郭遵。封孝琰。以極言蒙難。褒敘其子孫。則不惟贈卹死者。且官其後人矣。麟德元年。又詔訪周宇文孝伯子孫。授以官。此皆褒忠令典也。貞觀元年。追論隋臣裴虔通。手弑煬帝之罪。削爵流驩州。七年。又詔宇文文化及。及弟智及。司馬德戡。裴虔通。孟景。元禮。楊覽。唐奉義。牛方裕。元敏。薛良。馬舉。元武達。李孝本。孝哲。張愷。許宏仁。令狐行達。席德方。李覆等。弑煬帝者。其子孫竝禁錮。勿得齒敘。此亦足昭瘴惡之公。然亂臣賊子。人人得而誅之。化及等已死。錮其子孫。是矣。裴虔通尚在。而徒以前代之事。不復正以誅殛。僅配流遐裔。尚不免失刑也。武后聖歷元年。又追貶隋楊素子孫。不許仕京官及侍衛。

諛兼美惡

唐制三品以上。皆得請諡。而其人之賢否不同。則必核其生平以定之。蓋猶存古道也。皇甫無逸。官於蜀。其母卒於京。無逸奔喪歸。在途而死。太常諡曰孝。王珪駁之。謂無逸赴官。不與母偕。不可稱孝。乃更諡良。蕭瑀卒。太常諡曰肅。太宗以其多忌。改諡貞。編裴矩卒。初諡曰恭。劉洎以其侈肆。駁之。乃改諡縱。封儉卒。後奸邪事發。改諡曰繆。許敬宗卒。博士袁思古議。敬宗棄子荒微。嫁女蠻落。諡曰繆。敬宗孫彥伯請改諡。博士王福時執不可。詔尚書省更議。以既過能改。為恭。乃請諡曰恭。新書謂韋巨源卒。太常諡曰昭。李邕以其附武韋為相。不當得美諡。雖不聽。而議者是之。楊炎卒。諡肅愍。孔戣駁之。改諡平厲。高瓌卒。博士曹鄴議其為相。

時。交游醜雜。請諡為刺。從之。皆見各本傳。是俱能存彰瘡之公。不專以美譽阿人者。然其時已多請囑失實之弊。李虞仲奏言。古者將葬請諡。今近或二三年。遠或數十年。方請。人歿已久。採諸傳聞。不可考信。取諸誄狀。亦多浮詞。請自今凡應得諡者。前葬一月。請考功。太常定諡。在京者不得過半期。在外者不得過一期。若不請者。許考功即察行諡之。虞仲蓋唐猶詳慎諡法如此。後世惟賜諡者始得諡。既邀恩賜。自必其人履行無虧。故諡皆有美而無惡也。

唐追贈太子之濫

子帝而追帝其父。禮也。弟而追帝其兄。兄而追帝其弟。已屬過當。如元宗追冊中宗子襄王重茂為帝。以重茂本章后所立為帝。後退封襄王。故薨而仍以帝號還之。尚不失為厚。元宗又以兄憲讓己為太子。得立。憲薨。追贈讓皇帝。肅宗以長兄琮早薨。追贈奉天皇帝。代宗以弟俛有功。被讒死。追贈承天皇帝。皆禮之過者。然猶有說以處此。至太子而追崇為帝。必其子即位而追帝之。如金世宗太子允恭。以子章宗即位。而諡為顯宗。元世祖太子珍。以子成宗即位。而諡裕宗是也。乃唐高宗之太子宏。薨而贈孝敬皇帝。則以父而追帝其子。不經之甚矣。若追贈太子。必其曾為太子。或早薨。或不得其死。則仍復其舊稱。如中宗子重潤。在高宗時。已立為皇太孫。後為武后杖死。神龍初。贈懿德太子。憲宗立。子寧為太子。薨。贈惠昭太子。文宗立。子永為太子。後廢死。贈莊恪太子。此父追贈其子也。太宗立子承乾為太子。後廢太子。後廢死。封燕王。昭宗立。子德王裕為太子。後廢太子。後廢死。昭立。裕為帝。反正。後仍以裕為德王。中宗立。子重俊為太子。後起兵。誅武三思。敗死。睿宗追贈節愍太子。此以叔而贈其姪。亦以其曾為太子也。高祖立。子建成為太子。太宗殺之。即位後。仍贈隱太子。高宗立。子賢為太子。為武后廢死。睿宗追贈章懷太子。元宗立。子瑛為太子。以讒死。肅宗仍贈太子。此以弟而贈兄。亦以其曾為太子。還其舊物也。敬宗子普。文

宗時薨贈悼懷太子懿宗子倚為劉季述所殺昭宗贈恭哀太子此以叔而贈其姪亦以普倚本應為太子特以年幼未得立而還其舊物尚不失為厚也至未為太子而死後追贈者如元宗子琬薨贈靖恭太子代宗子邈薨贈昭靖太子宣宗子漢薨贈靖懷太子此則其人本不應為太子而歿以太子之號榮之已不免紊於禮然此猶父之贈其子於名分尚順也若元宗贈弟申王為惠莊太子岐王範為惠文太子薛王業為惠宣太子此三王者將以為睿宗之太子耶則睿宗自有太子憲睿宗在武后時為帝先立憲後元宗平內難憲讓元宗為太子繼又以元宗為太子此三王初未身為太子則加以大國榮封可矣太子之稱究屬以子繼父而言非同官爵之可加贈也而以施於未為太子之弟轉似下儕於己子之列此則苟欲以追崇見其友愛而不知轉失禮甚矣後穆宗子湊文宗時以讒死文宗贈懷懿太子穆宗已有太子敬宗為帝湊未為太子也而文宗以從兄贈之為太子亦同此失願寧人日知錄內但舉秦文公太子卒賜備尚未

帝號標后諡

以帝號標后諡乃范蔚宗後漢書追書之例非當日日本制也光武陰后本諡烈以光武諡合之故曰光烈明帝馬后本諡德以明帝諡合之故曰明德章帝竇后之稱章德和帝鄧后之稱和熹安帝閻后之稱安思桓帝竇后之稱桓思靈帝何后之稱靈思獻帝曹后之稱獻穆皆仿此其桓帝梁后諡獻二字不便合帝諡并稱則曰桓帝懿獻梁皇后此可以見范史牽合之書法也後世不察乃遂於皇后定諡時即係以帝號如唐高祖崩合帝諡曰太穆神皇后文德皇后崩始諡文德及太宗崩合諡曰文德聖皇后是反以夫從婦矣睿宗竇后之諡太常初諡曰大昭成或援范史例謂宜引聖真冠諡以單言配之應曰聖昭或睿成以雙

言配之應曰大聖昭成或聖真昭成以睿宗諡元真大聖大興孝皇帝故也謂此後漢光烈等諡例且本朝太穆文德故事也太常駁之曰蔚宗以帝號標后諡是史家記事體婦人非必與夫同也入廟稱后義繫於夫在廟稱太義繫於子文母生號也文王諡也周公豈以夫從婦乎後漢書不可為據詔曰可俱見皇

後漢書皇后紀論曰漢世皇后無諡皆因帝諡以為稱中興明帝始建光烈之稱其後定以德配故馬竇二后俱稱德焉蔡邕始追正和熹之諡其安思順烈以下皆依而加焉案蔡邕諡議曰漢世母氏無諡至明帝始建光烈之稱自是轉因帝號加以德上下優劣混為一體殊非禮制諡法有功安人曰同帝后一體禮亦宜同大行皇太后諡宜為和熹據此則后之有專諡始於明帝之諡陰后繼成於蔡邕之諡鄧后又案魏道武追諡先世皇后皆無本諡北史后妃傳序云皆從帝諡為皇后諡今案如神元皇后寶氏桓皇后惟氏平文皇后王氏之類是也神元桓平文皆帝諡也其皇后無本諡故即從帝之諡也至道武以後則后自有諡如道武宣穆皇后劉氏明元昭哀皇后姚氏是也道武明元帝諡也宣穆昭哀后諡也其曰道武宣穆及明元昭哀者亦史家追書之例以帝號標后諡也

皇后哀冊尊稱

德宗昭德皇后薨侍郎李紆撰冊文曰大行皇后帝以為不典命學士吳通元為之又云咨后王氏議者亦以為非宜如貞觀中岑文本撰文德皇后諡冊曰皇后長孫氏舊唐書

耐葬變禮

帝號標后諡 皇后哀冊尊稱 耐葬變禮

招魂而葬。本起於東漢。光武姊元。爲鄧晨妻。起兵時元被害。後晨封侯卒。帝追尊姊爲公主。招其魂與晨合葬。此招魂葬之始也。唐中宗和思趙皇后。先爲武后幽死。莫知瘞所。中宗崩。議者以韋后得罪。不宜祔葬。乃追諡趙爲皇后。欲行招魂祔葬之禮。博士彭景直上言。古無招魂之禮。不可備棺槨。宜據漢書郊祀志。葬黃帝衣冠於橋山。故事以皇后禕衣於陵。所寢宮招魂。置衣于魂輦。以太牢告祭。遷衣於寢宮。覆以夷衾。而祔葬焉。從之。睿宗劉后寶后。亦皆爲武后所殺。莫知瘞所。後亦招魂葬之。蓋亦仿趙后例也。然古不墓祭。惟以立主於廟。爲重。蓋魂氣歸於天。體魄歸於地。招魂而葬。是欲以歸天之魂。使之入地。理難強通。卽葬衣冠。而必先招魂於衣冠。然後葬之。是仍欲使魂入地也。既莫知瘞所。似不必復設祔葬之虛禮。但奉主祔廟可耳。案晉東海王越歿於項。其喪柩爲石勒所焚。妃裴氏渡江。歸於元帝。欲招魂葬。越博士傅純曰。聖人制禮。設冢槨以藏形。事之以凶。主廟祧以安神。事之以吉。送形而往。迎精而反。此墓廟之大分。形神之異制也。室廟寢廟。祭非一處。所以廣求神之道。而獨不祭於墓。非神之所處也。遂詔不許。是晉人已有定議矣。

代宗沈后德宗之母陷賊。不知存亡。德宗卽位。屢求不獲。至憲宗時。羣臣請仿晉庾蔚之議。尋求三年之後。又俟中壽而服之。乃以是年九月發哀。先令造禕衣一副。擇日祔代宗陵。此亦無於禮者之禮也。案晉書李允傳。允祖敏避公孫度之命。浮海不知所終。允父信追求積年不獲。欲行喪。又恐父尙存。有鄰人與父同歲者死。乃以是時行喪。後因徐邈勸娶妻。既生子。遂絕房室。此亦一故事。南史沈洙傳。建康令沈孝軌門生。牒稱主人父靈柩在周。主人奉使關右。因欲迎喪。久而未返。今月晦卽是再替。主人弟息。應以是月末除靈。抑或應待主人還除靈。江德藻云。禮久而不葬。惟主喪者不除。其餘各終月數而除。此家內有事。未得葬者耳。孝軌既在異域。雖迎喪而無還期。諸弟若遂不除。則永絕婚嫁。宜咨沈洙。洙議曰。禮有正有

從。宜禮小記之文。禮之正也。但魏氏東關之役。失亡屍骨。葬禮無期。議者以爲無終身之喪。故制使除服。晉氏喪亂。或死於北庭。無從迎柩。故又申明其制。今孝軌喪還。未有定期。在此者應除服。若喪柩得還。別行改葬之禮。禮記云。改葬之禮。服緦。不忍無服。送至親也。

諡后於廟

順宗王皇后崩。太常進諡。公卿欲告天地宗廟。禮院奏曰。案禮曾子問。古者天子稱天以諱之。皇后之諡。則讀於廟。江都集禮。亦曰諡皇后於廟。又曰皇后無外事。無爲於郊也。準禮賤不諱貴。子不爵母。所以必諡於廟者。宜受成於祖也。故天子諡於郊。后妃諡於廟。從之。

兩太后並稱

文宗卽位時。敬宗母王太后尙在。而文宗自有母蕭太后。乃號敬宗母曰寶歷太后。又以兩太后難於分別。乃詔以宮名別之。寶歷太后居義安宮。稱義安太后。後武宗卽位。文宗母蕭太后尙在。徙居積慶殿。乃稱積慶太后。

皇太后不祔葬

穆宗久葬。其妃韋氏生武宗。亦已久亡。武宗立。欲以母祔葬于穆宗之光陵。宰臣奏神道安於靜。光陵葬已二十年。不可更穿。太后所葬之福陵。亦崇築已久。不宜徙。請但奉主祔廟。穆宗從之。

又明世宗有三后。孝源元配也。繼張后被廢。繼孝烈方氏薨。帝欲先以其神主祔太廟。羣臣請設位於皇妣睿皇后之次。後寢藏主。則設幄於憲廟。皇祖妣之右。以從祔於祖姑之義。帝

曰安有享從此而主藏彼可祧仁宗而以后主即列於朕之位次羣臣言后雖宜祔享但遷及廟次非臣子所敢言帝怒乃祔主於第九室隆慶中從羣臣議仍以元配孝源后合葬永陵孝烈主移於宏孝殿

案明憲宗生母周已尊為皇太后孝宗時初崩孝宗問劉健等祔廟禮健曰漢以前一帝一后祔二后自唐始也祔三后自宋始也三后者一正后一繼后一生母也帝曰事須師古祖宗來一帝一后今竝祔則壞禮自朕始矣遂不祔廟嘉靖中移祀陵殿題主曰皇后不繫帝諡以別嫡庶自後穆宗母神宗母光宗熹宗莊烈帝母咸用此制

建成元吉之子被誅

謀反者族誅秦漢六朝以來皆用此法見崔仁太宗為秦王時殺建成元吉不過兄弟間互相屠害其時太宗尚未為帝不可以反論也乃建成子安陸王承道河東王承德武安王承訓汝南王承明鉅鹿王承義元吉子梁郡王承業漁陽王承鸞晉安王承獎江夏王承裕義陽王承度俱坐誅除其屬籍是時高祖尚在帝位而坐視其孫之以反律伏誅而不能一救高祖亦危極矣

沒入掖廷

族誅者既誅其壯丁而妻妾子婦及子孫之幼者皆沒入掖廷為奴婢如樊興錢九隴俱以父犯罪配沒為皇家隸人興等武后殺唐宗室壯者皆被戮幼者皆沒入為官奴集王李師道既誅其小男沒入掖廷師道此子孫之幼者也齊王元吉被誅其妃沒入宮為太宗妃集王明廬江王瑗既誅其姬入侍太宗王珪上官儀及子庭芝既被誅庭芝妻鄭及女婉兒配入

掖廷儀傳吳元濟之妻沈氏李師道之妻魏氏敗誅後皆沒入元濟師道師道既誅憲宗謂宰相曰李師古之妻於師道叔嫂也雖云逆族亦宜等降李宗奭妻亦士族也今俱在掖廷於法似稍深崔羣奏此聖主仁惻之心也於是師古妻裴氏女官娘宗奭妻韋氏及男女皆釋羣傳御史李孝本皇族也坐李訓事誅其女沒入宮魏暮諫出之暮傳又元載女真一少為尼載敗沒入宮德宗時始告以載死號泣投地則女之出家者亦不免也載傳韓滉過汴語劉元佐曰宜早見天子不可使太夫人白首與新婦子孫填宮掖滉傳蓋當時法令如此然其中亦有生貴子者肅宗為太子時元宗命高力士選良家子侍之力士曰京兆料擇人得藉口不如掖廷衣冠女會有吳令珪坐事死女沒入宮力士選以進後生代宗即章敬皇后也李錡反被誅其妾鄭氏沒入宮憲宗幸之後生宣宗即孝明皇后也案北史崔昂傳律文籍沒者婦人年六十以上免配官

唐女禍

報應之說本屬渺茫然亦有不得不信者唐高祖初為晉陽留守時宮監裴寂私以宮人入侍後太宗起兵使寂以此事脅高祖謂二郎舉義旗正為寂以宮人侍公恐事發族誅耳高祖意乃決寂傳是高祖之舉兵實以女色起也及太宗殺弟元吉即以元吉妻為妃廬江王瑗以反誅而其姬又入侍左右是兩代開創之君皆以女色縱慾孰知貞觀之末武后已在宮中其後稱制命殺唐子孫幾盡中葍之醜千載指為笑端韋后繼之穢聲流聞并為其所通之武三思榜其醜行於天津橋以傾陷張柬之等尋又與安樂公主毒弒中宗宮闈女禍至此而極及元宗平內難開元之治幾於家給人足而一楊貴妃足以敗之雖安史之變不盡由於女寵然色荒志怠惟耽樂之從是以任用非人而不悟釀成大禍而不知以致漁陽

鞞鼓陷沒兩京。而河朔三鎮。從此遂失。唐室因以不競。追原禍始。未嘗非色荒之貽害也。然則以女色起者。仍以女色敗。所謂君以此始。亦以此終者。得不謂非天道好還之昭然可見者哉。

武后之忍

古來無道之君。好殺者有石虎苻生。齊明帝。北齊文宣帝。金海陵。煬王。其英主好殺者。有明太祖。然皆未有如唐武后之忍者也。自其初搃死親女。以誣王皇后。后為昭儀時。生女。皇后至。衾下。何帝至。陽歎發。衾女死矣。左右曰。皇后適至。絕毛裏之愛。奪燕昵之私。固已非復人理。昭儀悲啼。帝怒曰。后殺吾女。后無以自解。琴被廢。及正位後。王后蕭良娣被廢。各杖二百。反接投醜甕中。曰。令二嫗骨醉。數日死。猶殊其屍。并竄長孫无忌褚遂良等至死。又殺上官儀。其出手行事。即凶餒絕人。然此猶曰妒者常情。不得不害人以利己也。稱制後。欲立威以制天下。開告密之門。縱酷吏周興來俊臣邱神勣等起大獄。指將相俾相連染。一切案以反論。更爭以周內為能。于是誅戮無虛日。大臣則裴炎。劉禕之。鄧元挺。閻溫古。張光輔。魏元同。劉齊賢。王本立。范履冰。裴居道。張行廉。史務滋。傅游藝。岑長倩。格輔元。歐陽通。樂思誨。蘇幹。李昭德。李元素。孫元亨。石抱忠。劉奇等數十人。大將則程務挺。李光誼。黑齒常之。趙懷節。張虔勗。泉獻誠。阿史那。元慶等亦數十人。庶僚則周思茂。郝象賢。薛顛。裴承光。弓嗣業。弓嗣明。弓嗣古。郭正一。弓志元。弓彭祖。王令基。崔警。劉昌從。劉延景。柳明肅。蘇踐言。白令言。喬知之。阿史那惠。杜儒童。張楚金。元萬頃。苗神客。裴望。裴璉。韋方質。劉行實。劉日瑜。劉行威。張虔通。雲宏嗣。李安靜。裴匪躬。范雲仙。薛大信。來同敏。劉順之。宇文全志。柳璆。閻知微等數十人。皆駢首就戮。如割羊豕。甚至邱神勣。來俊臣。向為后出死力。以害朝臣者。亦殺之。其流徙在外者。又遣萬國俊。至嶺南。殺三百餘人。又分遣六御

史至。劔南黔中等郡。盡殺流人。皆惟恐殺人之少。劉光業所殺九百餘人。其餘少者。亦不減五百。雖明祖之誅胡藍二黨。不是過也。然此猶曰中外官僚。非戚屬也。越王貞瑋。瑒。王冲起。兵謀復王室。事敗被誅。于是殺韓王元嘉。魯王靈夔。范陽王靄。黃公譔。東莞公融。霍王元軌。江都王緒。舒王元名。汝南王瑋。鄱陽公譔。廣漢公謚。汝山公葵。廣都王瑋。恆山王厥。江王知祥。及其子皎。嗣鄭王璠。豫章王賈。蔣王煒。安南郡王穎。鄆國公昭。滕王元嬰。子六人。紀王慎之子。義陽王琮。楚國公瑒。襄陽公秀。廣化公獻。建平公欽。曹王明。及諸宗室李直。李敞。李然。李勣。李策。李越。李黯。李元。李英。李志業。李知言。李元貞。鉅鹿公晃等。數十人。除其屬籍。幼者流嶺表。又為六道使所殺。雖蕭鸞之殺高武子孫。完顏亮之殺太祖太子孫。亦不是過也。然此猶曰李氏宗室。非武族也。武元慶元爽。則后兄也。惟良懷運。則后兄子也。元慶元爽。尋坐事死。后姊之女。為高宗所私。封魏國夫人。后私毒之。死。又歸罪於惟良懷運。殺之。然此猶曰異母兒姪。本不相睦也。若高宗子。則后之諸子也。後宮所生。忠。已立為皇太子。因武后有子宏。甘讓儲位。改封梁王。乃廢流黔州。賜死。澤王上金。後宮楊氏所生。許王素節。蕭淑妃所生。武三思。諷周興。誣以謀反。縊素節于驛亭。上金聞之。亦自縊。上金七子。素節九子。竝誅。幼者悉囚雷州。然此猶曰非己所生也。太子宏。則后親子。立為儲貳。賢德聞天下。以其請蕭淑妃女之幽于掖庭者。出。遂惡之。又以其聰睿。不便於己。竟酖之。死。宏既死。立其弟賢為太子。亦后親子也。又以觸忌。而使人發其陰事。高宗欲薄其罪。后曰。大義滅親。不可赦。乃廢為庶人。流巴州。後又遣邱神勣逼殺之。并殺其子光順。僅一子守禮。亦幽于宮中。屢被杖。元宗時。岐王嘗奏其能。知雨暘。帝問之。對曰。臣無他。天后時被杖創痕。雨則沈澆。霽則佳。故耳。又中宗子。劼。王重潤。則后孫也。永泰公主。則后女孫也。主婚武延基。則女孫婿也。三人嘗私言張易之等。出入宮中。恐有不利。后聞之。咸令自殺。太平公主。夫駙馬薛紹。則親女婿也。亦

以私怒殺之。此則因縱慾而殺親子孫。天理滅矣。然此猶不便於縱慾而害之也。薛懷義入侍牀第。寵冠一時。至命為行軍大總管。率十八將軍。擊默啜。以宰相李昭德。蘇味道為其長史。司馬。可謂愛之極矣。後以嫌。即令太平公主。伏有力婦人數十。縛而殺之。畚車載其屍。還白馬寺。斯又情之最篤者。亦割愛而絕其命矣。新唐書謂其當忍斷。雖甚愛。不少隱也。真千古未有之忍人也哉。

案古來太后以縱慾而殺子者。後魏文明馮太后。行不正。有內寵李奕。獻文帝因事誅之。馮太后遂害帝。然帝非馮后親子也。明帝母靈后胡氏。親生明帝。帝幼登極。太后恣行凶穢。後帝長。母子間起嫌隙。太后乃毒死明帝。後為爾朱榮沈於河。是徒有武后之失德。而無武后之雄才。更不足道也。

武后納諫知人

武后之淫惡極矣。然其納諫知人。亦自有不可及者。初稱制。劉仁軌上疏。以呂后為戒。后即使武承嗣賈救慰諭之。仁軌大石國獻獅子。姚瑋奏。不貴異物。后即詔止其來使。九鼎成。欲以黃金塗之。亦為瑋諫而罷。瑋傳。后欲以季冬講武。有司遷延至孟春。王方慶諫。孟春不可習武。即從之。武慶季秋梨花開。后出以示宰相。皆以為仁及草木。杜景儉獨以為陰陽不和所致。后曰。真宰相也。景儉河北民陷契丹者。武懿宗將奏殺之。景儉以為皆迫脅所致。宜原之。王求禮并謂懿宗遇賊退縮。反加罪被脅之民。請斬懿宗。以謝河北。后即為赦河北。景儉傳。張庭珪諫造大象。即允之。并召見面慰。庭珪朱敬則請改嚴刑從寬政。亦從之。敬則傳。李嶠請雪舊為酷吏破家者。后未聽。桓彥範等又上十疏。卒從之。嶠等蘇安恆奏請歸政太子。后亦不怒。然此猶論列朝政也。至其所最寵倖而諱之者。宜莫如薛懷義。張易之。張昌宗。然蘇

良嗣遇懷義於朝。命左右批其頰。懷義訴於后。后第戒其出入北門。毋走南牙。觸宰相。而未聞罪。良嗣也。良嗣懷義度白丁為僧。御史周矩劾之。后曰。朕即令赴臺。懷義至。坦腹於牀。矩召吏將案之。懷義遽乘馬去。矩以聞。后曰。此道人病風。不可苦問。其所度僧。聽卿勸。矩悉配流之。後矩為懷義所譖。免官。亦未聞加以罪也。矩傳。后晚年尤愛張易之。昌宗兄弟。易之誣奏魏元忠欲挾太子為耐久朋。引張說為證。及廷詰說。言元忠無此語。雖貶元忠為高要尉。流說欽州。然未聞致之死也。易之賊賂事發。為御史臺所劾。詔桓彥範袁恕己等鞫之。彥範等奏罪當族。昌宗自陳為后鍊丹有功。詔雖釋之。然尚以賊賂歸罪于其兄昌儀。同休而罷其官。亦未聞罪彥範等也。昌宗引術者占己有天子分。宋璟劾奏。請付獄。便窮究。后陽許。而未令璟出使幽州。別令崔神慶鞫免其罪。璟猶執奏。昌宗當斬。李邕曰。璟言是。后雖不聽。亦未嘗罪璟等也。昌宗易之引蜀商宋霸子等入宮宴。后前。韋安石奏賤類不宜預。顧左右逐出之。后更慰免。不聞其罪。安石也。安石然此猶未直陳其淫穢之醜也。至朱敬則疏諫。選美少年。則曰。陛下內寵有薛懷義。張易之。昌宗矣。近又聞尚食柳模。自言其子良賓。潔白。美鬚眉。長史侯祥云。陽道壯偉。堪充宸內供奉。桓彥範以昌宗為宋璟所劾。后不肯出。昌宗付獄。彥範亦奏云。陛下以簪履恩。久不忍加刑。此皆直揭后之燕昵嬖倖。可羞可恥。敵以下所難堪。而后不惟不罪之。反賜敬則綵百段。曰。非卿不聞此言。而於璟彥範。亦終保護倚任。夫以懷義易之等。牀第之間。何言不可。中傷善類。而后迄不為所動搖。則其能別白人才。主持國是有大過人者。其視懷義易之等。不過如面首之類。人主富有四海。妃嬪動至千百。后既身為女主。而所寵倖不過數人。固亦無足深怪。故后初不以為諱。并若不必諱也。至用人行政之大端。則獨握其綱。至老不可撓。據陸贄謂后收人心。擢才俊。當時稱知人之明。累朝賴多士之用。李絳亦言。后命官猥多。而開元中名臣多出。其選舊書本紀贊。謂后不惜官爵。寵豪

傑以自助。有一言合。輒不次用。不稱職。亦廢誅不少假。務取實才真賢。然則區區帷薄不修。固其末節。而人善任。權不下移。不可謂非女中英主也。

案魏文明馮后雖毒死獻文帝。然能慈愛獻文之子孝文帝。迄於成立。孝文雖御極。而性謙謹。事皆決於太后。太后多智猜忍。殺戮賞罰。決於俄頃。王叔出入臥內。數年便為宰輔。李冲以才見任。亦由幃幄之寵。錫賚不可勝計。然后性嚴明。左右有過。動加捶楚。尋又待之如初。或更加富貴。故人人懷于利。至死而不思退。太后又外禮人。望元丕。游明根等。每至獎美。王叔等輒引丕等參之。以示無私。

改惡人姓名

惡其人而改其姓名。蓋本於左傳所云。檇杙饕餮。渾沌窮奇之類。然此但加以惡稱。非易其氏名。且非朝制也。其改為惡姓惡名者。王莽以單于囊知牙斯不順命。改匈奴單于為降奴單于。此已開其端。後漢桓帝誅梁冀。惡梁姓。時鄧后猶冒梁姓。乃改后姓為薄。此改姓也。吳孫皓殺何定。以其惡似張布。乃改定名為布。此改名也。孫峻孫琳專權肆惡。伏誅。吳主孫休。創法。晉成帝時。南頓王司馬宗有罪。誅貶其族為馬氏。宋竟陵王劉誕反。伏誅。孝武帝改其姓為留氏。留與劉同音也。又改晉熙王母謝氏為射氏。齊明帝殺魚腹侯子響。改其姓為鮪氏。鮪與蕭同音也。梁武帝弟子正德奔魏。尋又亡歸。帝改其姓為背氏。豫章王綜奔魏。帝惡其悖逆。改其子直為悖氏。武陵王紀起兵被誅。元帝改其姓為饕餮氏。隋楊元感反。伏誅。煬帝改其姓為梟氏。唐高宗王皇后蕭良娣為武后所殺。武后改王皇后姓為麟氏。蕭良娣姓為梟氏。武后又殺其姪武惟良。武懷運皆改姓。武惟良革命後。琅邪王冲。越王貞。起兵復唐。事敗被殺。皆改姓。虺氏。連坐之韓王元嘉。魯王靈夔。范陽王靄。黃公譔。東莞公融。常樂公主。亦改為虺氏。契丹首

領李盡忠及孫萬榮反。后遣兵討之。改李盡忠為李盡滅。孫萬榮為孫萬斬。突厥默啜入寇。改其名曰斬。又骨咄祿入寇。改其名曰不卒祿。中宗時。成王千里欲誅武三思。黨宗楚客等不克。被誅。改姓虺氏。元宗初。太平公主謀逆。竇懷貞懼罪。投水死。追戮其屍。改姓毒氏。宗室李晉亦與太平之謀。被誅。改姓厲氏。皆亂世不經之陋例也。

朝賀近臣先行禮

朝賀時。近御諸臣。須于殿陛侍班。故先于內殿行禮。然後隨至正殿。此制蓋自唐武宗始。會昌元年。中書省奏。元日御含元殿。百官就列。惟宰相及兩省官。皆于未開扇之前。立欄檻內。及扇開。即侍立於御前。是宰相近臣。轉不得行禮。請御殿日。宰相兩省官。在香案前侍立。俟扇開。即再拜。拜訖。升殿侍立。然後百官行禮。從之。本紀。

大臣搜檢

漢制。大臣劍履上殿者。例帶木劍。不得有兵刃。蓋防微杜漸之意。魏晉以來。遂著令。進見者。必先搜檢。雖宰相不免焉。唐文宗始命停之。詔曰。任則不疑。疑則不任。乃自魏晉以來。虛儀檢索。舊習尚存。朕方推大信。況吾台宰。又何間焉。自後紫宸坐朝。眾寮既退。宰臣復進奏事。其監搜宜停。本紀。可知此詔以前。大臣搜檢。久成故事。君臣一體。何至猜防若此。文宗可謂知政體矣。然如金熙宗時。海陵為相。與十餘人帶刀入宮。侍衛等見以為常。遂成弑逆。是亦不可過於濶略也。

度牒

宋時凡賑荒興役。動請度牒數十百道濟用。其價值鈔一二百貫至三百貫不等。不知緇流何所利而買之。及觀李德裕傳。而知唐以來度牒之足重也。徐州節度使王智興。奏准在淮泗置壇度人為僧。每人納二絹。即給牒令回。李德裕時為浙西觀察使。奏言江淮之人聞之。戶有三丁者。必令一丁往落髮。意在規避徭役。影庇貲產。今蒜山渡日過百餘人。若不禁止。一年之內。即當失卻六十萬丁矣。據此則一得度牒。即可免丁錢。庇家產。因而影射包攬可知。此民所以趨之若鶩也。然國家售賣度牒。雖可得錢。而實暗虧丁田之賦。則亦何所利哉。

廿二史劄記卷十九終

昭和五年八月三十一日印刷
 昭和五年八月二十四日發行
 昭和五年八月十九日再版發行

(岡山製本)

續國譯漢文大成經子史部第十九卷

【非賣品】

著作權所有

編輯者兼 國民文庫刊行會
 東京市神田區小川町一番地

右代表者 鶴田久作
 東京市本郷區西片町十番地

印刷者 中島藤太郎
 東京市本郷區動坂町三百一番地

印刷所 協成社印刷所
 東京市本郷區動坂町三百一番地

發行所

電話神田一八五三三五番
 振替東京一八五七二番

國民文庫刊行會

發行所
國民文庫發行會

音韻辨義

編輯 田代 文政
發行 國民文庫發行會
印刷 東京 印刷局
紙張 洋紙
定價 大洋 八角

國民文庫第八十二號
昭和五年八月二十五日發行
定價大洋八角

國民文庫發行會
東京 丸の内區 本町二丁目

#5X58

654
56



